

解脫道論

梁扶南三藏僧伽婆羅譯



清刻龍藏佛說法變相圖

解脫道論卷第一

階三

羅漢優波底沙造

梁扶南三藏僧伽婆羅譯

因緣品第一

禮世尊應供正遍知

階三

戒定智慧無上解脫隨覺此法有稱瞿曇
 若人脫眾難已得離諸著成就於勝分心畏
 生老死樂善樂解脫令到涅槃樂未到有彼
 岸亦令得具足廣問脩多羅毗曇毗尼事此
 解脫道我今當說諦聽問云何爲戒答戒者
 威儀義定者不亂義慧者知覺義解脫者離
 縛義無上者無漏義隨覺者知得義此法者
 四聖法義瞿曇者姓義有稱者世尊義以戒
 定慧解脫殊勝功德能到最勝名稱無量解
 脫道者何義解脫者五解脫伏解脫彼分解

脫斷解脫猗解脫離解脫云何伏解脫現修行初禪伏諸蓋此謂伏解脫彼分解脫者現修達分定諸見解脫此謂彼分解脫斷解脫者修出世間道能滅除結此謂斷解脫猗解脫者如得果時樂心猗此謂猗解脫離解脫者是無餘涅槃此謂離解脫此解脫道爲得解脫是具足道以戒定慧謂解脫道解脫道者我今當說問何用說解脫道答有善人樂得解脫不聞說解脫故又不伏解脫故又不正伏解脫故如盲人無導獨遊遠國唯嬰衆苦不得解脫欲得解脫而無所因何以故解脫是因如佛所說若有衆生塵勞微細不聞法故終亦退轉又如佛說諸比丘有二因二緣能生正見云何爲二一從他聞二自正念是故說解脫不伏解脫者爲生獸離故說解

脫不正伏解脫者爲除不正道爲得禪解脫道故說解脫如遠行人得善示導是伏解脫道三陰成滿何等爲三謂戒陰定陰慧陰云何戒陰正語正業正命及種類所攝或戒陰種種戒功德聚云何定陰正精進正念正定及種類定陰所攝或種種定功德聚云何慧陰正見正思惟及種類所攝或種種慧功德聚此三陰成滿是伏解脫道當學三學謂增上戒學增上心學增上慧學有戒有增上戒學有定有增上心學有慧有增上慧學復次有戒戒學有戒增上戒學有定心學有定學增上心學有慧慧學有慧增上慧學問云何戒學答謂有相戒是名戒學謂達分戒是增上戒學復次凡夫戒是名戒學聖戒是增上戒學問云何心學答所謂欲定問云何增上

心學答色定及無色定此謂增上心學復次有相定心學達分定及道定是謂增上心學云何學慧謂世間智是名慧學四諦相似智及道智是謂增上慧學如世尊爲鈍根人說增上戒學爲中根人說增上心學爲利根人說增上慧學問學者何義答學可學學增上學學無學名學如是學此三學謂伏解脫道以三種學成就清淨所謂戒清淨心清淨見清淨於是戒是戒清淨定是心清淨慧是見清淨戒者洗犯戒垢定洗纏垢是謂心清淨慧除無知垢此謂見清淨復次戒除惡業垢定除纏垢慧除使垢如是以三清淨是伏解脫道又以三種善伏道謂初中後善以戒爲初以定爲中以慧爲後云何戒爲初善有精進人成就不退以不退故意以喜故踊躍以

踊躍故身猗以身猗故樂以樂故心定此謂初善定爲中善者以定如實知見此謂中善慧爲後善者已如實知見猒患以猒患故離欲以離欲故解脫以解脫故成自知如是成就三善道已伏解脫道得三種樂謂無過樂寂滅樂正覺樂彼以戒得無過樂以定得寂滅樂以慧得正覺樂如是成就得三種樂是伏解脫道遠離二邊得中道具足以此戒善除諸欲著於無過樂情生欣樂以定除身羸於寂滅樂而增喜樂以慧分別四諦中道具足於正覺樂深懷愛樂如是遠離二邊得中道具足是伏解脫道以戒除惡趣以定除欲界以慧除一切有於戒多修於定慧少修成須陀洹斯陀含於戒定多修於慧少修成阿那含修三種滿成阿羅漢無上解脫

分別戒品第二

問云何戒何相何味何起何足處何功德何戒義戒行何差別幾戒何所起何戒初中後幾法障礙戒道幾戒因幾種戒云何令戒清淨幾因以是戒住答云何戒者謂思戒威儀戒不越戒何者爲思戒我不作惡作者自受何者威儀戒離於犯處云何不越戒若有戒人身口無過復次斷義威儀一切善法是戒如阿毗曇說以出離法斷於欲欲是戒能離惡思戒護戒威儀戒以不瞋恚斷滅瞋恚以光明相斷於睡眠以不散亂斷於掉戲以見法起斷於疑悔以智斷無明以喜斷無可樂以初禪斷五蓋以二禪斷覺觀以三禪斷喜以四禪斷樂以空入定斷於色想乃至瞋恚及種種想以識入定斷虛空以無所有定斷

識入想以非想非非想定斷無所有以無常見斷於常想以苦見斷樂想以無我見斷我想以過患見斷於愛想以無染見斷於欲想以滅見斷集以消見斷厚以分見斷聚以生滅見斷常以無相見斷相以無作見斷作以空見斷入以增上慧見斷執著以如實知見斷無明執以過患見而斷居執以彼觀見斷不彼觀以轉散見斷和合執以須陀洹道斷見一處煩惱以斯陀含道斷麤煩惱以阿那含道斷細煩惱以阿羅漢道斷一切煩惱此謂不越戒思戒護戒威儀戒此謂戒何戒相者威儀除非威儀問云何名非威儀答謂破法破法有三種一破波羅提木叉法二破緣法三破根法云何破波羅提木叉法謂無慚無愧於如來離信云何破緣法答命與形飾

相應離於知足云何破根法不閉六根門離於念慧以此三覆非威儀是名戒相何味者起者足處者無過樂是味無憂是起三善行是足處復次悅勝爲味不悔爲起覆諸根爲足處何戒功德者不悔是戒功德如世尊告阿難不悔戒善是功德義復次名戒者是無過樂是衆生上是財爲富貴是處爲佛地是浴無水是香普熏是影隨形是繼覆可覆是聖種是學無上是善趣道若人有戒爲有戒故成就無畏榮顯親友聖所憐愍是親友依是善莊嚴是領諸行是功德處是供養處是可貴同學處於諸善法不畏不退成就一切意願清淨雖死不忘成伏解脫樂方便如是無邊戒功德戒者何義答冷義增上義行義自性義苦樂性相應義復次頭義冷義安義

云何頭爲戒義答如人無頭一切諸根不復取塵是時名死如是比丘以戒爲頭若頭斷已失諸善法於此佛法謂之爲死是戒爲頭義何者冷爲戒義如摩勝冷梅檀則除身熱成就歡喜如是戒爲勝冷梅檀能滅犯戒恐懼心熱成就歡喜是冷爲戒義何者安爲戒義答若人有戒風儀整肅不生恐懼是安爲戒義行何差別者修行精進受持頭陀是行非戒戒亦名行戒名威儀受亦名行幾戒者謂三種戒善戒不善戒無記戒云何善戒謂善身口業及正命無過患故果報可愛云何不善戒謂惡身口業及邪命有過患故果報不可愛云何無記戒無漏身口業及清淨命無有過患亦無果報云何起戒者善心所起善戒不善心所起不善戒無記心所起無記

戒何戒初中後者受戒是初不越是中歡喜是後戒有幾法障礙幾戒因答三十四法是障礙道三十四法是戒因所謂忿惱覆熱慳嫉幻諂恨競慢增上慢傲慢放逸嬾惰貪欲不知足不從智不正念惡口惡友惡智惡見不忍不信無慚無愧營身口味狎俗親近女人不敬師學不攝諸根於食不節初夜後夜惰不禪誦此三十四法是障礙道若一一障礙戒不成滿若不成滿必還退失若反是法三十四種是名戒因戒有幾種者謂有二種三種四種云何二種謂性戒制戒以身口所行佛斷不行是名性戒身口可行佛斷不行是名制戒性戒以信精進能令具足制戒以信念持能令具足復次戒有二種退戒得戒云何名退能滅非戒云何名得得衆善法除

諸非戒如斷光影以斷非戒離於惡趣以得正戒能趣善道以斷非戒成就住分復次戒有二種世戒出世戒云何出世戒如聖道果之所得戒是出世戒所餘世戒以世戒成就故有具足以出世戒成就故有解脫復次戒有二種有量無量不具足戒是名有量若具足戒似佛所斷是名無量復次戒有二種有邊無邊云何有邊若人爲世利爲勝爲親友爲身爲命爲越所依而行受戒彼戒利養爲邊稱譽爲邊身有爲邊命有爲邊云何無邊此比丘爲出利爲勝爲身爲命如法受戒不起犯心何況故犯此謂無邊戒復次戒有二種有依無依云何有依有相戒依愛戒盜相應戒依見自譽毀他相應戒依慢此有依戒若成就解脫資用是無依戒若有依戒非慧

人所樂若無依戒是慧人所樂復次戒有二種梵行之初學微細戒云何梵行之初正業正語正命所謂戒此謂梵行之初有餘學戒此謂輕戒復次戒有二種有心相應無心相應云何有心謂初學梵行云何無心謂餘輕戒聲聞於梵行之初堅戒上戒於此輕戒得犯得起何以故佛不說此障於解脫復次有二種戒謂無犯戒清淨戒云何無犯謂聲聞戒云何清淨戒佛及緣覺戒復次戒有二種謂時分戒及盡形戒少時暫受不俱形命謂時分戒從師始誓乃至捨壽謂盡形戒時分戒者果報有時盡形戒者果報無時何者爲三謂止惡不犯受不犯斷不犯云何止惡不犯雖未受受至非所行處心不生犯是謂止惡不犯云何受不犯從受受已終不復犯是

謂受不犯云何斷不犯聖人以聖道斷諸惡因是謂斷不犯復次戒有三種謂觸戒不觸戒犯戒云何爲觸有爲相初見愛爲觸是凡夫善戒資用入道是謂無觸戒云何犯戒謂阿羅漢戒復次有三種謂依世戒依身戒依法戒何者依世戒若人有恐怖將護世意除諸惡法是名依世何者依身戒若人有恐懼將護於身命除諸惡法是名依身何者依法戒若人驚畏將護於正法除諸不善是名依法復次戒有三種謂所願不等所願等無所願云何所願不等惱他受戒此謂所願不等云何所願等戒受戒爲現有樂及未來解脫樂是謂所願等云何無所願戒受戒不悔爲饒益他此謂無所願復次戒有三種謂清淨戒不清淨戒有疑戒云何清淨戒以二因緣

戒成清淨一不犯二犯已能悔此謂清淨戒
以二因緣成不清淨一自故犯二犯不悔此
謂不清淨云何有疑戒以三因故成就有疑
一以不分別處二不分別犯三不分別不正
行此謂有疑戒若生禪人戒不清淨深生慙
悔成清淨樂又有疑惑令現知罪得成安樂
復次戒有三種謂學無學非學非無學云何
爲學七學人戒云何無學阿羅漢戒云何非
學非無學凡夫人戒復次戒有三種謂畏戒
憂戒癡戒云何爲畏有人畏罪不敢爲惡斯
謂畏戒云何爲憂若人念離親友暫生愁苦
以愁苦故不起諸惡斯謂憂戒云何癡戒有
人受牛戒狗戒斯謂癡戒癡戒若成則爲牛
狗若復不成則墮地獄復次戒有三種謂下
中上云何爲下謂上煩惱上上煩惱大煩惱

隋三

九

所觸不知足所染此謂下戒云何爲中細煩
惱所觸知足所染此謂中戒云何爲上無所
觸知足所染此謂上戒下戒成滿令人具足
中戒成滿令天具足上戒成滿令得解脫復
次戒有四種謂退分住分勝分達分云何退
分不除道障礙離精進人知而故犯犯已覆
藏此謂退分云何住分於戒成就不起放逸
不生寂見成就住分於戒定成滿不起放逸
不生寂見成就勝分於戒定成滿不起放逸
以生寂見成就達分

復次戒有四種比丘戒比丘尼戒不具足戒
白衣戒云何比丘戒波羅提木叉威儀是比
丘戒比丘尼戒波羅提木叉威儀是比丘尼
戒沙彌沙彌尼十戒式叉摩尼戒是謂不具
足戒優婆塞優婆夷五戒及八戒是白衣戒

復次戒有四種謂性戒行戒法志戒初因戒云何性戒鬱單越戒是謂性戒云何行戒如姓族國土外道等法是謂行戒云何法志戒菩薩入胎戒是謂法志戒云何初因戒菩薩及摩訶迦葉戒是謂初因戒

復次戒有四種戒集戒滅戒滅道具足戒云何戒戒者有二種善戒不善戒此謂戒戒云何集戒善心集善戒不善心集不善戒云何滅戒得善戒滅不善戒得阿羅漢滅善戒云何滅道具足戒謂四正勤此謂滅道具足戒如是分別曉了四法是謂精進十非真持戒是名正勤

復次戒有四種波羅提木又威儀戒命清淨戒根威儀戒緣修戒云何波羅提木又威儀戒於比丘波羅提木又威儀所覆住行行

處具足畏於細罪正受學可學戒此者於此師法比丘者有凡夫善復次有學無學不動法波羅提木又者是戒是起是初是行是護是威儀是脫受善是無縛是諸法面爲正受善法名波羅提木又義不起身口業是威儀所覆者以此波羅提木又威儀成就住者護四威儀衆行具足者復有行有非行云何非行若有比丘於彼一人或施林竹或施花葉果實或施楊枝澡浴或販弄美惡或爲調戲或諂諛自進或恣驅馳遠招會賞如此諸行佛之所制謂邪命自活此爲非行復次二種非行身口非行云何身非行若有比丘以凌慢心往至僧中排觸大德叨很自前或倚或行先坐上位推大於下或坐倚俳調或拍肩笑語上座徒跣自著革屣耆德下路已行高

陌以衆異緣故相輕惱或以勝待少推劣與長或於浴室燒諸薪木關閉門戶皆無諮問或詣水邊輒自先入矯身擊搏現諸鄙相若入他舍超越前後行坐無次或在屏處戲善女人及諸童女摩觸其首如是等過謂身非行云何口非行若有比丘心無敬畏不諮宿望輒自說法或說波羅提木叉或拍肩而語或入他家顧問女人何所姓字有可食物不有者現我我欲得食如是等語爲口非行一切犯戒此謂非行云何爲行及於非行復次比丘有恭敬慚愧成就威儀無所乏少攝護諸根能節飲食初夜後夜未嘗睡眠成就智慧少欲知足不狎世務起勇猛心於同學所深生敬重此謂爲行行處者謂有行處有非行處云何非行處若有比丘入於姪舍寡婦

舍處女舍不男舍比丘尼舍及諸酒肆親近國王大臣外道沙門非法伴侶如是等輩無信樂心常於四衆不生饒益甚可厭患此謂非行處如佛所說比丘行非梵行處云何行非梵行處謂販賣女色行處可知復次三種行處依行處守護行處繫縛行處云何依行處謂十處功德成就善友依此功德未聞得聞若已聞聞已令其增廣斷除疑悔正見清白能隨法學深信勇猛以戒聞施慧念念增長此謂依行處云何守護行處若有比丘須入他舍及行村里看地而前不踰尋仞威容整肅人所瞻敬不看象馬車乘及男女遊會不看官第巷陌仰觀四望此謂守護行處云何繫縛行處如佛所說若有比丘觀其家境界此謂繫縛行處是名爲行以此行處成就

故曰具足行處畏於細罪者我於所學畢故
敢造謂畏細罪復次有說若起不善心是謂
微過於此微過心生避遠見過患畏見出離
此謂於微過見畏正受學可學者可學何名
謂七聚威儀正受一切隨逐此謂正受學可
學此謂波羅提木叉威儀戒問云何名清淨
戒答謂不犯邪命云何邪命懈怠諂曲示相
以瞋罵示相以施望施云何懈怠懈怠有三
處思計欲得要他四事假肅威儀普自稱說
若比丘心懷惡欲貪樂財利讓勝衣食趣求
麤弊如不欲得有若慙他如此四事謂緣計
懈怠若有比丘惡欲貪利詐現威儀我入禪
定要引供施讀誦經典此謂威儀懈怠若有
比丘貪欲諂誑向人有言我得聖法栖止閑
寂有若禪習所說深微示過人相貪利向已

廣自宣揚是謂懈怠諂曲者如其心念虛相
推舉善言稱讚販弄好惡爲調要利排諧相
悅引利自向此謂諂曲云何示相依有利者
而爲說法要利爲已心不能普此謂示相瞋
罵示相者或罵他令畏或空相毀薄或加打
觸怖人要利此謂瞋罵示相云何以施望施
者好爲輕施輒要厚答此謂以施望施以是
諸惡謂爲邪命復有邪命或施林竹或施花
葉果實或施楊枝澡浴或占相夢悟觀察星
宿善解禽獸音聲等業推步吉凶惡言離散
燒花事火商旅販賣將領軍衆蓄銳兵刃如
是種種此謂邪命若不犯者名清淨戒問云
何守護根威儀戒答於見聞覺知色聲香味
觸法煩惱相著及受持不犯此謂守護根威
儀戒此守護根戒以九行成滿以惡爲相斷

諸根故彼對治不作意故如救頭燃終不暫捨故如見難陀以威儀故伏惡心故於定相心自在故不守護根人遠離故於守護根人和合故問云何修行四事戒答以此八行已觀修行乞食一者不爲凶險行不爲自高行二者不爲裝束不爲莊嚴三者爲此身住爲自調護四者爲除飢渴五者爲攝受梵行六常自思惟飲食爲除先病不起新疾七當以少自安八無過貪住問云何不凶險行不自高行答我以貪食勇健凶險戲暴爭競馳走是凶險行高慢自舉不知厭足如瞋者打撲不裝束莊嚴者爲身分充滿面貌肥悅令人愛樂情無厭足是有欲人爲此身住爲自調護者貪身安住如穀須膏除飢渴者常資少食如是修行猶瘡塗藥攝受梵行者依少食

刀樂得聖道如是修行猶食子想爲除先病不起新疾者不少不多如是修習如服湯藥以少自安者以少功德自安已身常應習行如看病人無過者以少自安如是修行不令身無是智慧所難是故無過安住若食調適未嘗懈怠初中後夜亦不昏睡成就安隱如是以此八行已觀修行乞食當如是修復次此八行畧爲四觀謂可斷觀事觀以少自安觀以少功德觀問云何可斷觀答不爲凶險行不爲自高不爲先身不爲嚴首此謂可斷觀爲此身住爲正調護爲除飢渴爲攝受梵行此謂事觀我當除先病不起新疾者此謂以少自安觀我當以少自安無過成安樂住此謂少功德觀此四觀已略成三謂斷二邊得中具足以斷觀斷欲樂著謂除飢渴斷於

本疾不起新疾又以此觀斷著身疲餘中具足觀應當修行又觀衣服爲除風寒暑蚊蟲蟻觸爲生慙恥遮覆醜露於具足觀如是修行又觀服藥乃至疾病若如此說當何時觀於乞食服藥一食時觀又於衣服卧具及初得時觀又於日日時時中觀我命由他是故當觀如是一切皆成觀行先師所說四種受用謂盜受用負債受用家財受用主受用云何盜受用謂犯戒人受用云何負債受用謂無慙無愧邪命人受用云何家財受用謂精進人受用云何爲主受用謂聖人受用復有二種受用謂穢汙受用清白受用云何汙穢有慙愧人而不能觀是名汙穢云何清白有慙愧人觀知自節有厭惡想此謂清白以清白故常當修習四事可知此謂修行四事戒

於是律儀戒者以深信應令滿命清淨戒者以深精進應令滿根威儀戒者以深信應令滿修行四事者以深慧應令滿於此命清淨戒是隨從律儀何以故不爲壽命而斷諸事安者所作得身口業威儀此二種戒是隨從根威儀何以故謂於善以守護心善守護身口業修行四事是根威儀何以故已知集相依處違獸正念正定如此世尊所說若有比丘能知搏食及知五欲具足於此律儀及命清淨是戒陰所攝根律儀戒是定陰所攝修行四事戒是慧陰所攝何者令受戒清淨若比丘初受禪法於七聚中觀於自身若具犯波羅夷斷比丘法住不具足戒若住具足戒當得勝法是先師所說若見犯僧伽婆尸沙以衆事懺悔若見犯餘罪於其所犯向一人

懺若見犯邪命於其所犯作相應懺如此悔已我不更作見如是受持犯根威儀及修行四事我不更作若受持者當得未來勝上威儀彼人如是從清淨戒所有身口業可作現作當觀彼彼作善除惡當觀朝夕住清淨戒若如是者令戒清淨何戒清淨相者成相應及諸煩惱不起退悔得定成滿謂清淨相戒幾行住者以二戒住一稱量犯戒過患二稱量戒功德何等稱量過患若人犯戒成非功德成諸惡處畏於四衆疑難智人有戒棄避不可教禪天人鄙穢衆所憎薄思所犯戒見人讚歎持戒功德心悔不信於四衆中每生忿諍於其親友多起嫌怨背有戒人成惡朋黨不復堪得殊勝定法雖假嚴飾而故醜陋猶如屎尿人所憎惡如模範等尠有所堪如

卷三

十六

淤泥等於現未來無所饒益常生憂悴若已作罪追生慙悔心不安隱如盜在獄心不樂聖如梅陀羅無欲王位其有聞慧樂說功德人不貴敬猶如糞火生不如處死時惛忘神行惡道如此等過是可稱量若變此惡成戒功德亦可稱量如是稱量其犯戒者心意沮屈情志退散其有戒者唯深精進倍生信敬成精進人成信敬人一心護戒如蟻守卵如聲牛愛尾如護一子如護一眼如巫師護身如貧人護寶如海師護舶此諸護中我所修戒最應敬護如是受持心被擁衛安住禪定戒得守護

解脫道論卷第一

卷三

十七

音釋

也切抑	也	範	模	也	蓄	足	徒	繖
莫交切	蘇旱切	莫胡切	莫胡切	許竹切	親地也	親地也	跣謂徒	蓋也
牛名	俳調	規範也	切法也	切聚也	也	也	行	俳調
舟傍	俳調	也	也	也	也	也	所綺切	俳調
大船也	戲也	也	也	也	也	也	而振切	戲也
	徒跣	也	也	也	也	也	八	徒跣
	淺切	也	也	也	也	也	也	淺切
	也	也	也	也	也	也	也	也

解脫道論卷第二

第三同卷

階四

羅漢優波底沙造

梁扶南三藏僧伽婆羅譯

頭陀品第三

問爾時淨戒坐禪人心欲成就勝善功德又
為欲得頭陀功德當如是成就何故受此頭
陀功德答為坐禪人性不一種為於少欲為
於知足為於無疑為於滅愛為欲增長勇猛
精進為自少營不受外施為於安住為斷所
著守護戒善是諸定眾具是初聖種是勝功
德觀何者為頭陀有十三法二法衣相應謂
糞掃衣及三衣五法乞食相應謂乞食次第
乞食一坐食善量食時後不食五法坐卧相
應一無事處坐二樹下坐三露地坐四塚間
坐五遇得處坐一勇猛相應有一種謂常坐

不卧云何糞掃衣答性能受持是謂為性餘
亦如是云何受糞掃衣斷居士施云何受三
衣謂斷長衣云何乞食謂斷他請云何次第
乞食謂斷超越乞云何一坐食謂不再坐云
何節量食斷於貪恣云何時後不食謂斷於
後望云何無事處坐斷聚落住云何樹下坐
斷屋舍住云何露地坐斷眾覆處云何塚間
坐斷餘勝處云何遇得處坐斷貪樂處云何
常坐不卧謂離寢寐何故受糞掃衣見居士
衣有求乞等過復見受持衲衣功德我見如
是斷居士施故受衲衣云何受衲衣功德以
似居士衣受持無關得不由他失亦不憂心
無貪染盜賊不取足周常用少所經營善人
所習是行無疑勝善相應現法樂住令人欣
慕使得正受是衲衣功德佛所稱歎問衲衣

有幾何人受持何因而失答納衣有二種一
無主守護二世人所棄或於塚間或於糞掃
或於市肆或於道路拾煎浣染掩緝裁縫成
就受持此謂無主或翦鑿之餘牛鼠所嚙或
火所燒或人所擲施覆屍衣及外道服此謂

附四

二

世人所棄云何受糞掃衣若比丘斷居士施
是謂受糞掃衣云何失若比丘受居士施此
謂失衲衣云何受三衣爲有長衣應須淨施
守護受著知是等過見三衣功德我從今日
棄捨長衣故受三衣云何受三衣功德善人
所行離畜遊長少於營造約身知足如鳥飛
空無所顧戀善人所習是法無疑問云何名
三衣云何爲受云何爲失答謂僧伽黎鬱多
羅僧安陀會此謂三衣云何受三衣若比丘
不畜盈長是受三衣若受四衣是名爲失云

何受乞食若受他請則妨自業不爲悅人不
與非法比丘接膝共坐知是過患復見乞食
功德我從今日斷受他請受乞食法云何乞
食功德依心所願進止自由不希供饌消除
懈怠斷滅憍慢不貪滋味饒益衆生常於四
方心無限礙善人所行是業無疑問請有幾
種云何爲受云何爲失答請有三種二似食
請二就請三遇請除此三種請受乞食若受
三請是失乞食云何受次第乞食若於次第
處得多美味則不重往若其重往則受常食
若有疑慮亦應遠離知是過患復見次第功
德我從今日捨非次乞受次第乞云何次第
乞功德以平等心饒益一切除憎嫉惡斷遊
狎過不喜喚召不樂多語遠人宅舍離於疾
行如月希現人所瞻仰善人所行是業無疑

附四

三

問云何名次第乞云何爲受云何爲失答若比丘始行乞食入於聚落從最後家以爲初次此謂次第行乞云何爲失謂越超隣比是名爲失云何受一坐食謂於二坐處數坐數受食數洗鉢與此相違名一坐食善人所行是業無疑知如是過見一坐食功德是故應受我從今日捨二坐食受一坐食云何一坐食功德不多不少不貪不淨施無諸病惱起居無妨自事安樂善人所行是業無疑問云何受一坐食云何爲邊云何爲失答邊有三種謂坐邊水邊食邊云何坐邊食已猶坐受水洗鉢不得更食此謂水邊云何食邊若於搏食生最後想若吞不更食此謂食邊若經二坐則失一食除水藥等諸佛所歎此謂食邊云何受節量食若食飲無度增身睡重常

生貪樂爲腹無厭知是過已見節量功德我從今日斷不貪恣受節量食云何節食功德籌量所食不恣於腹多食憎羸知而不樂除貪滅病斷諸懈怠善人所行是業無疑問云何受節量食云何爲失答若受飲食應自思惟所須多少以爲常准不取長食善知籌量斷無期度謂節量食若不如是此則爲失云何受時後不食斷於望想離於長食知是過患見時後不食功德我從今日斷於長食受時後不食云何時後不食功德斷所貪樂節階四護其身離於宿食息所營求無告於他不隨心欲善人所行是業無疑問時後幾種云何爲受云何爲失答時後有二種謂不節邊受持邊云何不節邊若受長食得別請罪不當更食云何受持邊已食二十一搏不當更受

時後不食則斷於長若受長食失時後不食
云何受無事處國中喧雜識觸五塵心生染
樂若住閑處去來紛動知是過患復見無事
處功德我從今日斷國中住受無事處云何
無事處功德離於國中喧雜識觸五塵心生
染樂若住閑處去來紛動見十種語功德最
勝可愛天人歡喜不樂狎俗樂得寂寂樂少
聲從心禪坐善人所行是業無疑問云何最
後無事處云何爲受云何爲失答離於國城
栖處郊外避於邊遠取中人四肘五百弓內
是最後無事處除國中住此謂無事處若住
國中則失無事處云何受樹下坐捨於覆處
不積畜修治貪愛求索知是爲過見樹下功
德我從今日斷於覆處受樹下住云何樹下
功德依樂可受不交世俗樂離作務與天同

隋四

五

止斷住處嫉及離愛著善人所行是業無疑
問何樹可住何樹可離云何而受云何而失
答於日中時樹影至處及無風時葉所墮處
是所可住除危朽樹空腐樹鬼神樹離諸覆
處是受樹下若往覆處則失樹下云何受露
地住不樂覆處及在樹下藏畜物處知是過
患見露住功德我從今日斷不樂處受覆地
住云何露住功德莫往不樂處斷懈怠睡眠
猶如野鹿隨意而行無所追慕善人所行是
業無疑云何爲受云何爲失斷於覆處及在
樹下是受露住若住覆處及在樹下則失露
住云何受塚間住若於餘處少行放逸不起
畏惡知是過患見塚間功德我從今日斷於
餘處受塚間住云何受塚間功德得死時念
得不淨相得非人敬重不起放逸伏於欲染

多所厭患不懼可畏觀身空寂斷計常想善人所行是業無疑問云何受塚間功德於何可住於何可行何受何失答若恒有人常多哭泣恒有煙火若初欲住如是塚間當先觀察有餘靜處便可往住若比丘止於塚間不當作房及安牀座不從風坐不逆風住卧時不熟無食魚味不飲乳酪不食麻粿不觸肴肉不住屋中不安鉢器若人已去捉持坐具及餘衣物往到塚間當其住處如擲物遠明相現時攝諸衣具還僧伽藍除餘處住是謂塚間若往餘處則名爲失云何受遇得處住不樂人所貪不惱他令避知是過患見遇得處功德我從今日斷貪住處受遇得處云何遇得處功德覓知足處貪於寂靜斷多受樂人所敬重住於慈悲一向斂攝善人所行是

廣四

大

業無疑云何爲受云何爲失斷貪所止是謂依遇若往樂處則名爲失云何受常坐不卧於所住處睡眠懈怠知是過患見常坐功德我從今日斷於憍卧受常坐不卧云何常坐功德斷生怠處除爲身嫉離染觸樂少於纏睡常多寂靜堪修禪勝善人所行是業無疑云何爲受云何爲失謂斷睡卧若寢名失云何離糞掃衣於居士施衣芻麻古具憍奢耶欽婆羅等以方便受不失衲衣云何三衣若畜長衣已過十日有月望衣有功德衣又有長衣爲護卧具敷具覆瘡衣手巾雨浴衣不受持不淨施若以方便不失三衣云何乞食方便若僧次食及常住食行籌食十五日食布薩食衆食等食以方便受不失乞食若見此過亦應捨離云何次第乞食方便見象馬

等當門而闢可羞鄙處諸如是等若見宜避
又見梅陀羅履鉢學家隨和尚闍黎客行比
丘諸如是等方便而越不失次第云何一坐
食方便若正食時見象馬牛蛇兩和尚闍黎
客比丘來方便而起起已更食不失一坐若
節量食及時後食無方便云何無事處方便
或爲受戒懺罪問法布薩自恣自病看疾問
經疑處如是等緣方便住聚落不失無事處
云何樹下方便若遇雨時宜入覆處明相既
現還而不失樹下露住塚間遇得此等方便
亦復如是餘住處可住常坐不卧無方便復
有一說若灌鼻時得作方便不失常坐以此
十三頭陀更成八法如毗曇中說八頭陀是
時後不食攝節量一坐其所受持成一種類
是無事處攝樹下露坐塚間何故於無事處

若營造房舍樂爲作務多所聚蓄愛著住處
非心所樂作如是意於樹下塚間露地淨住
是故成八於八頭陀復成三法一無事處二
糞掃衣三行乞食若三清淨頭陀成滿故佛
爲難陀說何時見汝成無事處受糞掃衣不
時後食趣養身命無見所欲問誰名頭陀分
頭陀有幾種法云何三行人修頭陀行幾頭
陀有時節有是頭陀說頭陀答有十三頭陀
是佛所說佛所制戒此謂頭陀分比不應說
善不善無記何以故不善人與惡欲同故不
除惡欲共起非法貪樂利養是故不善頭陀
幾種法者謂有二頭陀法不貪不癡如佛所
說若糞掃衣比丘依少欲知足樂靜無疑依
於解脫是謂受糞掃衣諸餘頭陀亦復如是
不貪不癡以此不貪於此十三處能除貪欲

以此不癡於十三處能除無明復次以此不貪佛之所許能生厭患相似無疑除欲染欺誑以此不癡相似除身羸欺誑此二頭陀法是不貪不癡云何三行人修頭陀行謂貪癡行人是修頭陀行瞋恚行人不能修行何以故貪癡行人而能修行頭陀如貪人至愛成不放逸若不放逸則能伏貪如癡無癡依頭陀受成不放逸若不放逸則能伏癡何故貪癡人修行頭陀瞋人受苦更成其惡如痰病者若服熱湯轉增其疾是故瞋人不當修行復說瞋人應住無事處及在樹下何故住無事處以無世間苦故幾頭陀有時節三頭陀八月時謂樹下住露地住塚間住是安居時佛聽覆處問云何是頭陀說頭陀答亦有頭陀說頭陀有頭陀不說頭陀有非頭陀說有

階四

八

頭陀有非頭陀不說頭陀云何有頭陀說頭陀謂阿羅漢成就頭陀云何有頭陀不說頭陀謂阿羅漢不成就頭陀受云何有非頭陀說頭陀謂學人及凡夫成就頭陀受云何非頭陀不說頭陀謂學人凡夫不成就頭陀受問頭陀何相何味何起答少欲爲相知足爲味無疑爲起復次無所著爲相無過爲味不退爲起云何初中後謂受爲初修行爲中歡喜爲後分

分別定品第四

階四

九

問爾時淨戒坐禪人已行頭陀受成就勝善處當何所作答今定起問何定何相何味何起何處何人受禪解脫定止受何差別幾定因可見以此起定障定有幾法定幾功德定幾衆具幾種定云何起定答定者有清淨心

一向精進與寂靜功德等正真住不亂此謂定復次煩惱猛風無傾心慮如殿裏燈光炎不動如阿毗曇說若心正住無所攀緣亦不動亂寂靜無著正定根定力此謂爲定云何相何味何起何處心住是相伏怨是味寂靜是起於染不著心得解脫是名爲處何人受定謂受心數等方便定等如手執稱令心心數等如鉢中油念與精進等行爲定猶如四馬齊力牽車思惟等爲定如彼箭師注心調直以除怨故如藥消毒如毗曇說斂攝是定義從是定義滿是定義禪者四禪謂初禪等解脫者謂八解脫內有色想外觀色等定者三定謂有覺有觀等正受者謂九次第正受云何爲禪思惟事故思惟怨故心喜樂故離障解脫故令平等故方便發定故得自在故

不以二義住正受故樂起定故解脫正受者幾功德今定得起見四功德今定得起云何爲四現見法樂樂住以觀樂事神通現證有具足何者現見法樂樂住謂人得定能生無漏心起悅味受出世樂現見法樂樂住是故世尊說彼此身從靜生喜使得清涼令漸圓滿具足成就等如佛告比丘我先作尼乾七日七夜身不動搖口不言說默然端住一向受樂是謂於聖法現見法樂樂住以觀樂事者謂坐禪人得心定事無有蓋纏調柔堪受持觀見陰入界等自性安樂是故世尊教諸比丘應當修行如是一切以心依如實知神通現證者已得定人依證五通謂如意天耳他心宿命天眼是故世尊說已得心定隨宜轉變如是一切今得如意有具足者已得定

人未到無學終今不退由定得報得色無色有具足如佛所說少修初禪得梵天眷屬如是種類一切生彼如是一切此四功德能生彼定一一當起障定有幾者謂八法欲欲瞋恚懈怠睡眠調戲疑惑無明無喜樂一切惡法是障法幾定因者謂有八法是因出離不瞋明相不亂一切善法令心歡喜能生法智是爲定因幾定資者謂有七種戒衆具知足覆蔽根門節量飲食初中後夜而不睡眠常念智慧住處靜寂定有幾種者定有二種一世間定二出世間定聖果所得謂出世定餘名世定其世間定是有漏有結有縛是流是軛是蓋是戒盜見盜是取是煩惱此謂世間定與此相違名出世定復次定有二種邪定正定云何邪定不善一心是謂邪定若善一

附四

十一

心是謂正定邪定當斷正定應修復次如是一種外定安定彼彼定初分此謂外定性除無間此謂安定復次定有三種有覺有觀定無覺少觀定無覺無觀定云何有覺有觀謂初禪有覺有觀二禪無覺少觀餘禪無覺無觀復次定有三種謂共喜生定共樂生定共捨生定初禪二禪謂共喜生三禪謂共樂生四禪謂共捨生復次定有三種善定報定事定云何善定聖道學人及凡夫修色無色定是謂善定聖果學人凡夫生色無色界是謂報定無學人受色無色定是謂事定復次定有四種欲定色定無色定無所受定謂彼彼行正受行是謂欲定四禪是謂色定四無色定及善業報此謂無色定四道果謂無所受定又定有四種修行謂苦修行鈍智苦修行

利智樂修行鈍智樂修行利智此四人一者
密煩惱二者踈煩惱三者利根四者鈍根於
密煩惱人鈍根苦修行鈍智得定密煩惱利
根苦修行利智得定踈煩惱人鈍根樂修行
鈍智得定踈煩惱利根樂修行利智得定於
是密煩惱人已密煩惱故苦折伏煩惱是故
苦修行鈍根人以鈍根故久積禪行覺鈍知
是故名鈍知以此方便一切應分別復次定
有四種謂小定小事小定無量事無量定小
事無量定無量事云何小定小事定不隨心
所得定小精進此謂小定小事云何小定無
量事定不隨心所得彼事大精進此謂小定
無量事云何無量定小事定隨心所得彼事
小精進此謂無量定小事云何無量定無量
事定已隨心所得彼定大精進此謂無量定

階四

十二

無量事復次定有四種欲定精進定心定慧
定欲定者依欲修得謂爲欲定依精進得謂
精進定依心修得謂爲心定依慧修得謂爲
慧定復次定有四種有定是佛所得非聲聞
所得有定聲聞所得非佛所得有定是佛所
得及聲聞所得有定非佛所得非聲聞所得
大悲定雙變定是佛所得非聲聞所得學果
定是聲聞所得非佛所得九次第定無學果
定佛所得及聲聞得無想定非佛所得非聲
聞得復次定有四種有定爲起不爲滅有定
爲滅不爲起有定爲起爲滅有定不爲起亦
不爲滅問云何爲起不爲滅答欲界善不善
定此謂爲起不爲滅四聖道定是爲滅不爲
起學及凡夫色無色善定爲起亦爲滅一切
果定及事定非爲起非爲滅復次定有四種

初禪二禪三禪四禪離於五蓋成就覺觀喜樂一心此謂初禪離於覺觀成就三支離喜成就二支離樂捨一心成就第四禪復次定有五種謂初禪二禪三禪四禪五禪五禪者爲五支覺觀喜樂一心離五蓋成就五支是

附四

十三

謂初禪離覺成就四支是謂二禪離喜成就二支是謂三禪離樂成就二分謂第四禪所謂捨一心問何故說四禪及五禪答由二人執故第二禪二種謂無覺無觀無覺少觀問是誰坐禪人令初禪自在起第二禪答於麤覺觀攝念思惟復知覺觀過患令起無覺觀第二禪是其修四禪次第復有一人已令初禪自在現起第二禪於麤覺攝念思惟唯知覺過患見無覺少觀起第二禪是其受五禪次第是故說於五禪復五種定謂五分正受

喜滿樂滿心滿光滿觀想於是初禪二禪喜滿於是三禪樂滿於他心智是名心滿於天眼通是名光滿從彼彼定起觀智是名觀想復次定有五種謂五智正定此定現在樂亦未來樂報依身智起此定是聖所行無煩惱此定慧人修習此定寂寂快樂猗所得成就無二不伏生死此定寂寂最樂猗成一性所得非伏生死我此定念入念起依身智起復次已分別行處已分別修行事及下中上以如是定有多種可知一切諸定皆入四定

覓善知識品第五

問爾時何以故起定答若初坐禪人欲生禪定當覓勝善知識何以故初坐禪欲生禪定得最勝定若離善知識成不住分如經中說有雲比丘成於退分如人獨遊遠國無侶開

示隨意自行如象無鉤若坐禪人所修之行得善知識說法教戒令其攝受示除過患使得善法從教修行精勤苦行得最勝定如富商主衆所敬貴如親善人如親父母善知識者如象所繫令不動故如御車人使隨去住

階四

十四

故如人執梃爲得善道如醫治病爲消苦楚猶如天雨潤益諸種如母養兒如父教子如親無難如友饒益如師教誡一切善法依是成滿是故世尊教於難陀一切梵行所謂善知識是故當覓勝善之人爲善朋友云何是勝善知識謂有所成就明了修多羅毗曇毗尼是謂所得成就明了業種得善神通得見四諦此二種人功德成就是所當覓若不得二種功德成就人以七分成就善知識是亦當覓云何七分可敬愛可重可貴能說忍辱

說深語不安非處云何可敬愛依二種行者善說共住樂心解不難是謂可敬可愛可重者戒行寂靜守念成就不貪欲多語是謂可重可貴者聞慧功德成就知坐禪可重是爲可貴能說者我言可愛可重可貴有果如是思惟饒益彼故尊重法故於非可作制伏攝受終不棄捨是謂能說忍辱者能令解無滯綺語總語相如賢聖故是謂忍辱深語者通達業處若分別想念作意安著皆由執相善說如法不如法煩惱取相能令滅盡是說深語不安非處者若於姓族住處業聚誦著非住可避若於堪事處行令得安隱是住可住此謂不安非處以此七分成就是善知識可覓問云何應覓答若知某甲住處是功德成就就可重若有禪師應當往彼若自不知餘處

階四

十五

同學知應往親觀已知時節如法未說其意恭敬勞問起居諮訪所行何處國土何處住止有衆安住有僧靜坐有是禪師其行若爲以何功德一切所貴應作如是問同學應答某國某住某衆禪坐某人禪師衆所愛重得聞是已深思隨喜當往彼處親觀受行應整衣服到和尚所自說意樂和尚聽我我當往彼親觀禪師和尚應聽答善哉我亦隨喜是善人所作此謂善人共住善人所行是隨法修行若見聞者得大利益何況共住汝當往彼汝已往彼慎莫放逸若是善人可勤修學若於一時及一切時等加信敬誠當善語守護身口曉解修行當得成就一切依師莫生輕易如初嫁小女往事舅姑應生慙愧聽受教誡若見弟子無衣服湯藥若往彼時如法

料理說法教誡乃至將送行坐教以善法彼坐禪人齊整衣服恭敬圍遶禮師足下於行所半路園外諸有水地往彼一處衣鉢革屣澡灌禪具高置一處不使近水當浴不聲若浴竟已齊整衣服著鬱多羅僧衣鉢禪具置右肩上卷僧伽黎若置肩上若入寺舍低蓋繞塔若見比丘當往諮問此處有坐禪人不有糞掃衣人不有乞食人不有律師不有者於何處住從何可至有者當往若無此人有律師者我亦當往又無律師誰爲上座我亦當往若上座大僧爲取衣鉢勿與若餘小者應與若無人取下置一處若見上座應當禮足於一面住舊住比丘以座以水及澡洗處如法供給近其消息安其衣鉢示其便處訪問僧制日將入時周行寺內若見律師共語

階四

十六

諮問所疑之罪及不犯罪若見阿毗曇師爲應修慧當問陰入界業若見頭陀人爲相應慧當問頭陀功德若住於彼日日應往處處諮問若欲行當併疊卧具禮大僧足白云何行去此是比丘爲客法用於彼坐禪人應往親近禪師若至雖小亦代取衣鉢禪師之法可行不可行不應即行令去是先所作應當修行若欲教人先取學坐禪人先已行法看視住處安置衣鉢少時消息知識時節親觀禪師恭敬禮拜少時靜默當坐若禪師問所欲當隨說所樂若不問者則不應說從此已後楊枝澡洗等當請依止修所行業若乞時至往問闍黎如法當作食時若至爲闍黎洗足及安坐處授鉢於其自鉢食應問闍黎所取多少安置自鉢減與弟子如是攝受如是

隋書

十七

不難爾時食已取闍黎鉢洗訖安處知時親觀恭敬禮拜少時靜默當坐若闍黎問隨說所樂若不問禮拜闍黎請聽我說本來所欲若蒙聽許隨我意問闍黎若聽一切當說若不問禮阿闍黎見時節當說我來因緣願闍黎聽我所說若阿闍黎聽一切其所樂當說闍黎言善哉善哉如法教誡應當攝受是故世尊說偈

以時而親近 令心無憍慢 梵行能護法
譬如樹無風 念法而修行 及法戲自樂
法住法分別 當說如實法 毀法不當行
綺語憂戲笑 瞋恚勿懈怠 忿恨貪慢癡
愛染很戾等 修行悉伏除 守義不自高
知善誠實語 爲定實知聞 若人輒放逸
聞慧不增長 若人知正法 天人所恭敬

恭敬成信心 多聞能護法 令得所樂聞
如是諸功德 隨法能修行 能生勝妙解
成就智慧人 若有如是師 當修不放逸

解脫道論卷第二

解脫道論卷第三

羅漢優波底沙造

梁扶南三藏僧伽婆羅譯

分別行品第六

爾時依止阿闍黎以數日觀其行其行相應
行處應當教於是行者十四行欲行瞋恚行
癡行信行意行覺行欲瞋恚行欲癡行瞋癡
行等分行信意行信覺行意覺行等分行復
次愛見使等種種行可知於是貪欲意使行
性樂著無異於是義由行故成十四人欲行
人瞋行人癡行人信行人意行人覺行人欲
瞋行人欲癡行人瞋癡行人等分行人信意
行人信覺行人意覺行人等分行人於是欲
欲欲使欲性欲樂此謂欲行人其欲常行增
上欲是謂欲行如是一切當分別爾時此十

階四

十八

四人略成七人如是欲行人信行人成一瞋
行人意行人成一癡行人覺行人成一欲瞋
行人信意行人成一欲癡行人信覺行人成
一瞋癡行人意覺行人成一二等分行人成
一問何故欲行人信行人成一答欲行人於
善朋增長信行欲親觀功德故復次以三行
欲及信此句成一相有愛念義覓功德義非
捨義於是欲者念欲信者念善欲者覓欲功
德信者覓善功德欲者不捨非可愛為相信
者不捨可愛為相是故欲行及信行成一相
問何故瞋恚行及意行成一答瞋行人於善
朋增長智行瞋親觀功德故復次以三行瞋
恚及智成一相非愛念故覓瞋故捨故於是
瞋人非安愛念智者非安行念瞋恚人覓瞋
智者覓行過患瞋人安捨智者安捨行是故

階四

十九

瞋行人及意行成一相等故問何故癡行人及覺行人成一答癡行人爲得善增長覺行癡親觀功德故信慧動離故得復次以二行癡覺成一相不自定故動故於是癡安亂故不安覺種種覺憶故成不安癡無所趣向成動覺輕安故成動是故癡行及覺行成一相等故以此方便餘行當分別如是此成七人於此七人云何速修行云何遲修行欲行人速修行以安可教化信力故癡覺薄故瞋行人速修行安可教化有意力故癡覺薄故癡行人遲修行難可教化有癡覺力故信意薄故欲瞋行人速修行安可教化有信意力故癡覺薄故欲癡行人遲修行難可教化不安信故癡覺力故瞋癡行人遲修行難可教化不安意故癡覺力故等分行人遲修行難可

教化不安住意故有癡覺力故爾時此七人由本煩惱成三欲行人瞋恚行人癡行人問此三行何因緣云何可知此欲行人此瞋行人此癡行人云何行受衣乞食坐卧行處威儀答初所造因緣諸行界爲因緣過患爲因緣云何諸行初所造因緣於初可愛方便故多善業成欲行人復從天堂落生於此多起殺割析械怨業成瞋行人不愛業所覆從地獄從龍生墮落生此初多飲酒離間成癡行人從畜生落生此如是行初造因緣云何界爲因緣二界最近故成癡行人所謂地界水界二界最近故成瞋行人所謂火界風界四界等故成欲行人如是諸行界爲因緣云何過患爲因緣最多痰成欲行人最多瞻成瞋行人最多風成癡行人復有說最多痰成癡

階四

二十

行人最多風成欲行人如是過患爲因緣云
何可知此人欲行此人瞋行此人癡行答以
七行可知如是以事以煩惱以行以受取以
食以業以卧云何以事可知欲行人見所有
事未常見而見既見恒觀於真實過患不作
意於小功德成不難不從此欲解脫既觀不
能捨行知於餘事諸如是行欲行可知瞋行
人者見所有如是事如倦不能久看隨取過
患多毀人於多功德非不難從此不捨唯以
過患得已便知行餘事亦如是行瞋行可知
癡行人見所有如是事於功德過患成信他
聞他人所薄亦薄聞他所讚歎亦讚歎自不
知故以如是行於外事癡行可知如是以事
問云何以煩惱可知答欲行人五煩惱多行
嫉怪幻諂欲此謂五瞋恚行人五煩惱多行

忿恨覆惱瞋此謂五癡行人五煩惱多行懶
懈怠疑悔無明是五如是以煩惱可知問云
何以行答欲行人見行以性舉脚疾行平舉
脚平下脚不廣舉脚可愛行如是以行欲行
可知瞋恚行人見行以性急起脚急下相觸
以半脚入地如是已行瞋恚人可知癡行人
見行以性起脚摩地亦摩下以脚觸脚行以
如是行癡行人可知如是以行問云何以著
衣欲行人答欲行人若捉衣以性不多見不
寬著衣太下周正圓種種可愛可見瞋行人
著衣以性太急太上不周正不圓不種種可
愛不可觀癡行人若著衣以性多寬不周正
不圓非種種可愛可觀如是以著衣可知問
云何以食可知答欲行人樂肥甜瞋恚行人
樂酢癡行人不定樂復次欲行人食時自量

相應中適取搏食亦知氣味不速食若得少味成大歡喜瞋行人見食多取搏食滿口食若得少味大瞋惱癡行人見食不圓小搏食不中適少取以食塗染其口半搏入口半墮盤器亂心不思惟食如是以欲可知問云何以事可知欲行人掃地平身捉掃帚不駛不知土沙而能清淨瞋行人若掃地急捉掃帚兩邊駛除去沙土急聲雖淨潔而不平等愚癡行人若掃地寬捉掃帚展轉看盡處處不淨亦不平等如是浣染縫等一切事平等作不與心是欲人瞋行人於一切事不平等作不與心癡行人亂心多作不成如是以事可知問云何以卧坐欲行人眠不駛眠先拚擋卧處令周正平等安隱置身屈臂眠夜中有喚即起如有所疑即答瞋行人若卧駛隨得

所安置身面目顰蹙感於夜若有人喚即起瞋答癡人若眠卧處不周正故手脚覆身而卧夜中若有人喚應聲噫噫久時方答如是以卧可知問何行何法用受衣乞食坐卧行處答欲行人衣麤不下色可憎是與其衣當著瞋行人衣精細衣淨潔好色下可愛是應當著癡行人衣隨所得當著欲行人乞食麤不淨潔無美氣味少乞食瞋行人乞食服美淨潔好氣味如意所得癡行人乞食隨所得有節欲行人卧坐於樹影水間於小遠村處復於小未成寺於無卧具處是其當眠坐瞋行人坐卧樹影水邊成就平正於寺已成卧具具足成其坐卧處癡行人依師親觀當住欲行行人處麤飯飲食處若人聚落應向日而行於惡人處是其當行瞋行人處於飯水

飲食具足逐日而入多信向人處是其當入
癡行人隨所得處欲行人威儀多行脚處瞋
行人依坐卧癡行人依行處於是散句欲者
依可愛境界爲信瞋患者不可愛境界爲信
癡者不觀爲因欲者如奴瞋患者如生癡者
如毒貪者少過患斷無染瞋恚大過患使無
染癡者大過患斷無染欲行人樂色瞋行人
樂諍癡行人樂懈怠

分別行處品第七

爾時依止師觀其所行授三十八行當復教

階四

二十三

示令二行相應問云何三十八行處答謂十
一切入地水火風青黃赤白空處識處一切
入又十不淨想胖脹想青瘀想爛想棄擲想
鳥獸食斃想身肉分張想斬斲離散想赤血
塗染想蟲臭想骨想又十念念佛念法念僧

念戒念施念天念死念身念數息念寂寂又
四無量心慈悲喜捨觀四大食不淨想無所
有處非非想處斯謂三十八行處此三十八
行處以九行當知最勝一以禪二以正越三
以增長四以緣五以事六以勝七以地八以
取九以人

問云何爲禪答謂十行處成禪外行又十一
行處成就初禪又三行處成就三禪又一行
處成就四禪又九行處成就四禪五禪又四
行處成就無色四禪問云何十行處成禪外
行答除數息及觀身餘八念及觀四大食不
淨想是謂十外行問云何十一行處初禪所
攝答十不淨想及觀身是謂初禪所攝問云
何三行處三禪所攝答謂慈悲喜問云何一
行處四禪五禪所攝答除空一切入識一切

入餘殘八一切入及數息念問云何四行處
四無色所攝答虛空一切入識一切入無所
有處非非想處是名四行如是以禪可知問
云何以正越答入行處成爲越色除無色一
切入餘八一切入餘三十行處不成爲越色
又三行處成爲越事三無色一切入及無所
有處餘三十五行處不成爲越事又一行處
成爲越想受所謂非非想處餘三十七行不
成爲越想受如是以越可知問云何以增長
答十四行處可令增長所謂十一切入及四
無量心餘二十四行處不應令增長如是以
增長可知問云何爲緣答九行處爲神通緣
除無色一切入八一切入及分別虛空一切
入餘三十行不成神通緣三十七行處成爲
毗婆舍那緣除非非想處又一行處不成毗

階四

二十四

婆舍那緣所謂非非想處如是以緣可知問
云何爲事答二十一行處是分別事十二行
處是爲實事五行處不應說分別事實事問
云何二十一行處是分別事答除識一切入
餘九一切入十不淨想及念數息念身問云
何十二實事答識一切入非非想處及十禪
外行問云何五不應說分別事及實事答謂
四無量心及無所有處
復次二行處內營事內事又二行處內營事
外事又一行處外營事內事又二十一行處
外營事外事又四行處內營事內事設外事
又四行處設內營事外事設外營事又二行
處設內營事設外營事設內事設外事又一
行處內外營事內事又一行處內營事不應
說及內事外事於是二行處內營事內事者

階四

二十五

謂識一切入及非非想處又二行處內營事
外事者所謂念數息念身又一行處外營事
內事者所謂念死又二十一行處外營事外
事者謂十不淨想四無量心四色一切入虛
空一切入及念佛念僧又四行處內營事內
事設外事者謂念戒念施觀於四大及不淨
食想又四行處設內營事設外營事設外事
謂四色一切入又二行處設內營事設外營
事設內事設外事謂念法念寂寂又一行處
內外營事內事謂爲念天又一行處內營事
內事外事不應說謂無所有處又二行處過
去事謂識一切入及非非想處又一行處於
未來事所謂念死又一行處於現在事所謂
念天又六行處設過去事設未來事設現在
事謂念佛念僧念戒念施及觀四大不淨食

想又二行處設過去事設現在事設不應說
過去未來者所謂念法念寂寂又二十六行
處不應說三世事謂九一切入十不淨想四
無量心及念數息念身無所有處又四行處
動事謂火一切入風一切入及蟲爛想及念
數息其處則動其相不動餘三十四不動事
如是以事可知問云何爲勝答八一切入四
無色定是名勝真實事故以八一切入是名
定勝故彼第四禪得勝地故四無色定成勝
十不淨想及食不淨想是名想勝以色以形
以空以方以分別以和合以執著故以不淨
想事故以十念處是名勝念微細故隨念故
四無量心以無過爲勝受饒益故觀四大是
名慧勝以執著空故如是以勝可知問云何
以地答十二行處不生於天上謂十不淨及

念身食不淨想又十三行處不生於色有初十二及數息念不生色有除四無色處餘行處不生於無色有如是地可知問云何以取答謂十七行處以見應取相除風一切入及無色一切入餘七一切入十不淨想又一行處以觸應取相謂念數息又一行處或以見或以觸應取謂風一切入餘十九行處以聞分別應取又五行處初坐禪人不應修行四無色及捨餘三十二初學禪人應取如是以取可知問云何以人答欲行人四無量不應修行以淨相故何以故欲行人作意淨想非其所行如痰病人多食肥腴非其所宜瞋行人十不淨想不應修行瞋恚想故瞋恚作意非其所行如病痰人飲食沸熱非其所宜癡行人未增長智不應令起修行處離方便

故若離方便其精進無果如人騎象無鉤欲行人應修不淨想及觀身是其欲對治故瞋行人應修四無量心是瞋對治故或當修色一切入心隨逐故信行人當修六念處處念佛爲初信定故意行人當修觀四大於食不淨想念死念寂寂深處故復次意行人於一切行處無所妨礙覺行人當修念數息以斷覺故癡行人以言問法以時聞法以恭敬法與師共住令智增長於三十八行隨其所樂應當修念死及觀四大最勝復說於分別行處我見彼勝六人於所分別略而爲三問若然於初有妨答二欲行人謂鈍根利根爲鈍根欲人修不淨觀爲其欲對治是所應教行修得除欲利根欲人初信增長當修念處是所應教行修得除欲二瞋行人謂鈍根利根爲

鈍根瞋恚行人修四無量是其瞋恚對治是
所應教行修得除瞋利根瞋恚行人以智增
長修行勝處是所教修得除瞋二癡行人謂
無根鈍根爲無根癡行人不應教修行處爲
鈍根癡行人爲除覺應教修念數息如是以
略唯成三人是故無妨於是法一切入及數
息以空增長無妨成一切行若已得勝功德
勝一切行所行之處故成不妨

解脫道論卷第三

音釋

緝七入切 嚙五巧切 粹博管切 脍徒可切
也續也 械寒剛切 酢倉故切 筵之九切
也也 駛疎士切 擗解早切 輦毗賓切
疾也疾也 脹胖匹切 瘵依據切 血壅積也
慈貌 胖脹 眼知亮切 瘵依據切 血壅積也

解脫道論卷第四

階五

羅漢優波底沙造

梁扶南三藏僧伽婆羅譯

行門品第八之一

問云何地一切入何修何相何味何處何功

德一切入者何義幾種地何地取相云何作

曼陀羅法何修地法答是心依地相生此謂

地一切入心不亂住是名爲修善樂著地想

爲相不捨爲味意無異念爲處何功德者謂

有十二功德從地一切入是相易得於一切

時於一切行心無行無礙如意神通履水遊

空如地受種種色辯初念宿命辯及天耳界

辯隨行善趣甘露爲邊問一切入何義答謂

周普一切入如佛說偈言

若人念佛德 生喜充遍身 觀地一切入

周滿閻浮提 此觀緣地生 心喜亦如是

修如是觀是曼陀羅遍一切入問地幾種何
地取相可修答地有二種一自相地二造作
地堅爲自相地界是謂自相地若手自掘若
教人掘造作所成是謂作地成四種色謂白
黑赤及如明色於是坐禪人於自相地不應
作意應除白黑赤何以故若觀自相地從此
不起彼分相若取白黑赤色成修色一切入
何以故觀自相地離白黑赤若作不作當取
其相如明相現當取其相問云何名不作地
答處處平坦離於草石無諸株杌於其眼境
當今起心是名地想是謂不作地答舊坐禪
隨樂不樂即見彼分地相住於不退新學初
禪取作地相作曼陀羅不觀非作地問云何
作曼陀羅答若坐禪人欲於地作曼陀羅初

從當觀寂寂或於寺舍或在石室或在樹下
不住幽闇無日光處非人行路於如是處皆
遠一尋灑掃清潔當令地燥擇於處所如明
相現時土色使與地性得相發起籌量調適
威儀恭敬取於器物以水和土刪去草杙却
除糞芥取其衣帔擠漉泥滓於淨潔地障蔽
坐處遮斷光明安置禪座不近不遠以規作
圓圓內平滿無有痕跡然後以泥泥地不雜
餘色以別色不雜於地應安乃至未燥當覆
守護若至燥時以異色界其外或如米篩大
或如鈔鑼大或圓或方或三角四角應當分
別本師所說最勝圓作曼陀羅若於衣若於
板若於壁處皆作曼陀羅於地最勝如是先
師所說問云何修地法答若坐禪人欲修地
一切入從初當觀欲過患復應觀出離功德

問何故應觀欲過患答欲者少氣味故多憂
苦於是處多過患欲者如骨喻少氣味欲者
如肉搏喻以多屬故欲者如逆風把火喻隨
燒故欲者如炎炭喻大小故欲者如夢喻倏
忽無故欲者如借物喻勢不得久欲者如樹
果喻爲人所折故欲者如刀喻以斬斫故欲
者如槩喻以爲槩故欲者如毒蛇頭喻可怖
畏故欲者如風吹綿喻不可守護故欲者如
幻喻惑癡人故欲者是暗無所見故欲者是
障礙路礙諸善法故欲者是癡失正念故欲
者如熟以爛故欲者是械相駐縛故欲者是
盜功德物故欲者是怨家起鬭爭故欲者是
苦造諸過患故如是已觀欲過患應觀出離
功德名出離者謂初禪從初出家修諸善是
名出離問云何出離功德答無盡心自在住

寂寂樂堪忍苦樂住不忘失曠濟衆事得大
果地堪受供養二處饒益是大智慧是一切
善處名越三界復次名出離者彼出離婬欲
是寂寂諸蓋是樂無垢是處最勝地是道爲
得最勝是清淨心垢此是功德修行所造是
樂內所修行欲者是麤出是勝妙欲者有煩
惱出離者是無煩惱欲者是下出離者是上
欲者有瞋恚出離者無瞋恚欲者非可愛果
出離者是可愛果欲者有怖畏出離者無怖
畏如是已觀婬欲過患及觀出離功德依出
離生欲樂心生信生恭敬觀可作非可作依
節量食安置衣鉢身不懈倦心無怠惰當小
行脚小行脚已坐洗手足應念佛菩提念法
念僧修善行念已當令歡喜我能如此得具
足若我不得出離復不久安精進是故應作

勇猛去曼陀羅不遠不近如軛如尋遠應安
坐具對曼陀羅結跏趺坐令身平正內心起
念開眼少時除身心亂攝一切心成一心小
開眼髮髻令觀曼陀羅彼坐禪人現觀曼陀
羅形以三行取相以等觀以方便以離亂問
云何以等觀答坐禪人現觀曼陀羅非大開
眼非大閉眼如是當觀何以故若大開眼其
眼成倦曼陀羅自性現見自性彼分想不起
若最閉眼見曼陀羅成闇亦不見彼相便生
懈怠是故應離大開眼大閉眼唯專心住曼
陀羅爲心住故當觀如人映鏡見其面像依
鏡見面面從鏡生彼坐禪人觀曼陀羅見其
定相依曼陀羅起是故當觀等觀取相爲心
住故如是以等觀取相問云何以方便答謂
四作意方便一謂內隔二滿方三轉四遍滿

是時見相出散無隔是時當作內隔作意是時見小相或見半曼陀羅是時作令滿曼陀羅已方滿令作意是時心散亂及心懈懶是時應當策課如陶家輪是時若心得住是時令見曼陀羅遍滿無虧當觀捨如是以方便可知問云何以離亂答離亂有四種一最速作精進二最遲作精進三最高四最下問云何速作精進答謂急疾作意不待時節早坐晚罷乃至身疲是謂速作問云何遲作精進答謂離作意方便雖見曼陀羅不恭敬作意數起數眠若速作精進則成身懶心退心出外緣起諸調戲若遲作精進身心成懶懈怠起諸睡眠最高者其心退起諸調亂於所行處成不樂若不樂於初戲笑言語以由欲心成高復次若得諸相行由喜樂欲心成高最

附五

五

下者退調緣故於業處成不樂若不樂於初行處所作瞋處由瞋恚心成下復次又倦覺觀從勝退落其心由憂愛心成下是坐禪人若心速作退墮調處以念根定根攝伏令捨調若心進作退墮懶處以念根精進根攝伏令捨懶懶若高心者退墮欲處成現知令捨欲若下心者退墮於瞋恚成現知令捨瞋恚於此四處成清淨心成專一心若專一心想成名起相者有二種謂取相彼分相云何名取相若坐禪人以不散心現觀曼陀羅從曼陀羅起想如於虛空所見或時遠或時近或時左或時右或時大或時小或時醜或時好或時多或時少不以眼觀曼陀羅以作意方便取相起是名取相從彼作多故彼分相起名彼分相者若作意時隨心即現非見曼陀

羅後生心念但作心閉眼如先所觀若遠作意亦即遠見若近左右前後內外上下亦復如是隨心即現此謂彼分相相者何義謂因義相義如佛教比丘彼諸惡不善法有相起是因緣義復說智義相義如佛說以作想當捨是謂智義復說像義相義如見自面像想像彼分無異義爾時得相坐禪人於其師所起恭敬心取於勝相應當守護若不守護是則當失問云何應守護答以三種行應守護相如是以離惡故以修行善故以常作故云何離不善樂於作務樂種種語戲樂睡眠樂聚會樂狎俗不守護諸根不節於食初夜後夜不起禪習不敬所學多惡親友修不行處應離不好時節食卧坐不彼對治是善應常作問云何以常作答彼坐禪人善取此相常

隨五

六

觀其功德如珍寶想常歡喜行常修多修或晝夜多修行或倚坐卧心樂攀緣處處放心取相已取取已令起起已觀隨觀已修修有時時觀曼陀羅如是以常作見相彼如是現守護相成得自在若相隨心得禪外行若外行從心者由是得安問云何禪外行答此事從心作意不亂以伏諸蓋但求修行覺觀喜樂一心及信等五根雖得定力念念猶起是禪外行安者從此外行是法由心得修行力是覺信等法於事不動是名為安問外行及安有何差別答若伏五蓋是其外行以伏此五故成安以禪外行得勝定若得勝定是名為安若於身心未得寂寂於外定心動如船在浪若於身心已得寂寂處安不動如船無風在水諸根無力故於所為事外禪行不久

住如小童子諸根有力故於事安靜久住如
有力人修不自在故禪外行成不和合如人
誦經久廢則忘以修自在故成安和合如人
誦經恒習不忘若不善伏蓋猶如盲人於禪
外行成盲如是等不清淨教若善伏蓋成不

階五

盲於成安定如是等清淨教從相自在所初
乃至性除名爲外行性除無間是名爲安問
外行者何義答禪近故是名外行如路近村
是謂村路義一名異安者何義安爲和合義
如到曼陀羅出離禪安無異義於是坐禪人
住於外行應令增長一切入或於安定或於
初禪當令增長問云何應令增長答謂從初
相如手四指節當令漸增如是作意如是得
自在如是次第如輪如蓋如樹影如福田如
鄰如村如郭如城如是次第漸令增長遍此

大地若江山高下樹木棘刺諸不平正如是
一切不作意乃至大海作意地想乃至增長
時心所行成最勝定若坐禪人得禪外行不
能得安定此坐禪人以二行應令起安定方
便一以因緣二以受持以十行從因緣起安
定方便一令觀處明淨二遍起觀諸根三曉
了於相四制令心調五折伏懈怠六心無味
著七心歡喜八心定成捨九離不學定人親
近學定人十樂著安定問云何作明淨處觀
答以三種行得作分明處謂能修調適食樂
修時節樂修威儀樂遍起諸相觀者謂信等
五根不令消滅無作懈怠如快馬乘車曉了
於相者善提意想不急不寬如巧師繩墨平
等無偏善解作意急離不離制心令調者有
二種行以二種行成心調一多起精進二心

過度處成心調或往姪處及種種相處增長
亂意成於心調於坐禪人若多起精進過度
處成心調以二行應制伏心以令精進起每
中調適若往姪處及種種相增長調心以二
行折伏以觀覓衆苦及惡果報制伏懈心者
以二行成懈怠心附五以不得勝定令心無味故
成懈怠若多懈怠則欲睡眠是坐禪人若不
得勝定心無味著故成懈怠以二行當折伏
謂觀功德以起精進若懈怠睡眠懶心以四
種行能伏若多食者取懈怠相轉行四威儀
以自作意於光明相住於露處令心歡喜無
所復著以三行成無味少方便故以鈍慧故
以不得寂寂樂故於是坐禪人心若無味以
二種行令得歡喜一以恐怖二以歡喜若觀
生老死及四惡趣見諸可畏心生愁惱若念

佛法僧戒施天見六行功德心生歡喜心定
成捨者以二行成於禪外地定以斷諸蓋心
成定或於所得地以起禪支故成心定是坐
禪人心定有二行當捨非成住故中方便調
適故離不學定人或安定或外行定或威儀
定彼人無此不修不學不應供養修學人者
若有安定有外行定及威儀定應從修學亦
應供養樂著安者此坐禪人如彼深源如彼
奔泉如彼低樹常樂恭敬多所修行行此十
事因緣生於安定問云何以受持能生安定
方便答彼坐禪人善解緣起附五入寂寂處其所
解相於所修定隨心自在生其欲樂令心得
起從此身意堪任有用令得受持從生歡喜
心得受持從生適樂身心得受持從生光明
心得受持從生悲傷心得受持以是悲傷令

心得靜善取靜心得受持如是善取令捨心得受持從無邊煩惱心得解脫成就受持以解脫故彼成一法味以一味心得受持修行是故從此勝妙心得增長如是住受持起安定方便如是善解緣起及心受持不久起定彼坐禪人離欲不善法有覺有觀於寂靜處心所成就有喜有樂得於初禪是地一切入功德於是離欲者離有三種謂身離心離煩惱離問云何身離答遠離諸惱出處山野云何心離以清淨心到勝善處云何煩惱離無結累人無生死行處復次離有五種謂伏離彼分離斷離猗離出離云何伏離謂修初禪伏於五蓋云何彼分離謂修達分定伏於諸見云何斷離謂修出世間道斷諸煩惱云何猗離謂得果時樂云何出離謂涅槃也欲

者有二種一者處欲二者欲煩惱天堂及人所愛色香味觸此謂欲處於此欲處起欲染思惟是謂欲煩惱從此欲以心別離以伏別離是遠離是出離是解脫是不相應是謂離欲問云何離不善法答謂不善根有三種一貪二瞋三癡與彼相應受想行識及身口意業此謂不善法說不善有三種一自性二相應三生緣性是三不善根謂貪瞋癡是名自性與彼相應受想行識是名相應所起身口意業此謂緣性以此三不善法是謂遠離是出是脫是不相應是謂離不善法復次離欲者離貪欲蓋離不善法者謂離餘蓋問以說離不善法欲是不善已在其中何故別說離淫欲答淫欲是出對治佛所說欲能除煩惱離欲者佛說爲出如得初禪欲想相應作意

成起此退分法是故以欲和合煩惱欲若別離一切煩惱皆亦別離是故別說離欲復次離欲者已得出成離欲離不善法者若得不瞋成離於瞋若得明相成離懈怠睡眠若得不亂成離調戲若得不悔成離於悔若得安定成離於疑若得智慧成離無明若得正思惟成離邪念若得歡喜成離不樂若心得樂成離於苦若得一切善法則離一切不善如三藏說以不貪滿故成就離欲以不瞋以不癡滿故成就離不善法復次離欲者是說身離不善法者是說心離復次離欲者是說斷欲覺離不善法者是說斷瞋恚害覺復次離欲者是說避欲樂離不善法者是說避著身懈怠復次離欲者是說斷於六戲笑及歡喜樂離不善法者是說斷戲覺及憂苦等亦說

附五

十一

斷於戲笑及捨復次離欲者是現得樂出於欲樂離不善法者是現得樂心無過患復次離欲者謂超出欲流離不善法者所餘煩惱應生欲有而生色界是名超越有覺觀者云何爲覺謂種種覺思惟安思想心不覺知入正思惟此謂爲覺此覺成就故初禪有覺復次入地一切入依地相無間成覺思惟是名爲覺如心誦經問覺者何想何味何起何處答覺者修猗想爲味下心作念爲起想爲行處云何爲觀於修觀時隨觀所擇心住隨捨是謂爲觀以此相應成初禪有觀復次入地一切入定人從修地相心之所觀如觀諸義爲觀問觀何相何味何起何處若觀者隨擇是相令心猗是味隨見覺是處問覺觀何差別答猶如打鈴初聲爲覺後聲爲觀復次如

心所緣初爲覺後爲觀復次求禪爲覺守護
爲觀復次憶是覺不捨是觀復次羸心受持
爲覺細心受持爲觀若處有覺是處有觀若
處有觀於處或有覺或無覺如三藏所說初
安心於事是覺得覺未定是觀如遠見來人
不識男女及識男女如是色如是形爲覺從
此常觀有戒無戒富貴貧賤爲觀覺者求引
將來觀者守持隨逐如鳥陵虛奮迅爲覺遊
住爲觀初放爲覺久放爲觀以覺守護以觀
搜擇以覺思惟以觀隨思惟覺行不念惡法
觀行受持於禪如人有力默而誦經隨念其
義是觀如覺所覺覺已能知觀於辭辯及樂
說辯是覺義辯法辯是觀心解於勝是覺心
解分別是觀是爲覺觀差別寂寂所成各寂
寂者謂離五蓋是名寂寂復次色界善根復

隋五

十二

說初禪外行復說禪心從此心生是謂寂寂
所成如地水生花名地水花喜樂者心於是
時大歡喜戲笑心滿清涼此名爲喜問喜何
相何味何起何處幾種喜答喜者謂欣悅遍
滿爲相歡適是味調伏亂心是起踊躍是處
幾種喜六種喜從欲生從信生從不悔生從
寂寂生從定生及菩提分生喜云何從欲生
貪欲染著心喜是名欲生喜云何從信生多
信人心喜及見陶師等生喜云何從不悔生
喜清淨持戒人多生歡喜云何從寂寂生入
初禪人喜云何從定生入二禪生喜云何菩
提分生喜於第二禪修出世間道喜復次說
喜五種謂笑喜念念喜流喜越喜滿喜笑喜
者如細雨露身令毛皆豎念念喜者生滅不
住如夜時雨流喜者如油下流久灌其身終

不周遍越喜者周市一切心生歡喜不久便失如貧人見伏藏滿喜者身住周滿如雷如雨於是小喜及念念喜以信起於外行流喜者有力起於外行起喜者於曼陀羅正與不正皆起處方便滿喜者生於安處問云何爲樂答是時可受心樂心觸所成此謂爲樂問樂何相何味何起何處幾種樂喜樂何差別答味爲相緣愛境是愛味攝受是起其猗是處幾種樂者有五種謂因樂資具樂寂寂樂無煩惱樂受樂云何名因樂如佛所說戒樂耐老此謂因樂是樂功德資具樂者如佛所說佛生世樂寂寂樂者謂生定捨及滅禪定無煩惱樂者如佛所說第一涅槃受樂所謂受樂也於此論中受樂是可樂喜樂何差別者心踊躍是喜心柔軟是樂心猗是樂心定

是喜麤喜細樂喜行陰所攝樂受陰所攝是處有喜有樂是處有樂或有喜或無喜初者形第二爲名外行成就入初禪禪枝謂覺觀喜樂一心也禪者何義謂於事平等思惟也奮迅五蓋也思惟對治也入初禪得正受者已得已觸已作證住復次離欲不善法者從欲界地說初禪爲勝相從有覺觀說第二禪爲勝相以寂寂所成有喜有樂從寂寂所成喜樂說爲勝相復次離欲不善法者謂能斷對治有覺觀者謂說禪相寂寂所成喜樂者謂說相似禪正受入住者謂得初禪離於五分成就五分三善十想具足二十五功德相應以此福善上生梵天勝妙居處離五分者謂離五蓋云何爲五謂貪欲瞋恚懈怠睡眠調悔疑貪欲者謂於五塵心生愛染瞋恚者

謂行十惱處懈怠者謂心懶惰睡眠者謂身
悶重欲得寤寐眠有三種一從食生二從時
節生三從心生若從心生以思惟斷若從飲
食及時節生是羅漢眠不從心生無所蓋故
若眠從食及時節生者以精進能斷如阿菟
樓駄所說我初盡漏得不從心眠于今五十
十四
五歲於其中間斷食時節即已二十五年間
若眠成色法何故爲心數煩惱答色者一向
成心數煩惱如我見人飲酒及食是則可知
問若眠身法懈怠心數法何故二法合成一
蓋答此二種法一事一相所謂疲懈共爲一
調者心不寂寂悔者心恨不定其相既等故
成一蓋疑者心執不一有四種疑一者奢摩
他難二者毗婆舍那難三者二俱難四者於
諸非難於是具足爲得奢摩他或於此疑或

於身疑我堪得寂寂爲不得寂寂若於彼成
疑此謂奢摩他難或於四聖諦或於三世疑
此謂毗婆舍那難或於佛法僧疑此二俱難
或於國城道路或於男女名姓是謂非法難
於此經中疑爲寂寂難是可取蓋者何義謂
障礙乘義覆義煩惱義縛義此無異義問有
諸細結謂覆惱等何故但說五蓋耶答以集
執取成五復次以婬欲執著能攝一切貪欲
以瞋恚執著能攝一切不善法以懈怠睡眠
調悔疑執著能攝一切癡不善法如是以五
十五
蓋執著能攝一切煩惱以此相故成五蓋五
分成就者謂覺觀喜樂一心問若說初禪成
就五支爲禪不應更復別說其支爲禪若別
說支何故初禪說五支相應答依禪支成禪
不離禪支有禪無別異禪如依一一車分說

車離分無車如依軍分說軍非離軍分有軍如是依禪支名禪非離支有禪以一種名禪以可分名支說事名禪說功德名支以說依制名禪以說依性制名支問於有念精進等法何故但說五支耶答以執著成五問云何爲執相答覺者隨於事心而得自安觀者隨於持心覺觀不雜起於方便若方便具足喜樂生若起方便具足得生喜心增長樂心成滿以此四功德心成就不亂若心不亂得定是名執相如是執著成五復次蓋對治故成五初蓋對治初禪及至五蓋對治五禪覺者初禪爲勝支以覺除欲若覺入正定餘支亦起觀者於五支第二禪是起初喜者於第三禪是起初樂者於第四禪是起初一心者於第五禪是初起如是以勝支成五復次以五

蓋對治成五如二藏所說一心是婬欲對治歡喜是瞋恚對治覺是懈怠眠對治樂是調悔對治觀是疑對治以蓋從對治是故成五問此坐禪人作意於一切地相何故乃起喜樂耶答地一切入相非起喜樂因離五蓋熱隨性修故是以法子應起喜樂又問若然法子何故不於第四禪起喜樂答非其處故又得第四禪已斷喜樂故復次初已起喜樂以方便伏斷見有過患已貪著最寂寂捨樂是故不起喜樂三種善者謂初中後善以清淨修行爲初善已捨增長爲中善以歡喜爲後善云何清淨修行謂諸善資具云何捨增長是謂安定云何爲歡喜是謂爲觀如是初禪成三種善十相具足以清淨修行三相以捨增長三相以令歡喜四相問以清淨修行云

何三相答是禪障礙從彼心清淨以清淨故心得中奢摩他相以得故於彼心跳躑此謂以修清淨三相問云何以捨增長三相答若心清淨成捨若得寂寂成捨一向住成捨而捨增長此謂三相問云何以令歡喜四相答謂於此十相生法隨逐修行令成歡喜於此諸根以爲一味成令歡喜隨行精進乘成令歡喜以能修行成令歡喜此謂四相如是初禪十相具足二十五功德相應者謂初禪覺觀喜樂一心具足信精進念定慧具足初中後具足斂攝具足修行具足寂寂具足依具足攝受具足從具足觀具足修具足力具足解脫具足清淨具足最勝清淨修成住二十五功德相應是天勝居從寂寂生謂喜樂住超越人間天居勝處如佛世尊教諸比丘如

卷五

十七

勤浴師浴師弟子以好銅盤盛豆米屑以水和攪合而爲丸浸潤內外相著不散如是比丘身心寂寂能生喜樂灌令遍濕無所不著如以寂寂所生喜樂於其身心無不著處是勤浴師及浴師弟子坐禪之人亦復如是如是銅盤一切入相如是可知問一切入何等相耶答如銅盤浴屑處堅細光炎善取一切入相成堅生喜成細清淨故光炎心心數法以成事故是謂銅盤等一切入相心心數法如浴屑如是可知問云何浴屑等心心數法性答如麤浴屑既不和合隨風飛散如是心心數法性離喜樂成麤離定不和合與五蓋風共飛此謂是浴屑等心心數法性云何水等謂喜樂定如水令浴屑濕軟爲丸如是喜樂令是心心數法濕軟爲定如是水等喜樂定如

欲水攪令相著如是覺觀可知問云何丸等
答謂覺觀如欲使以欲屑置於銅盤中以水
澆攪以手作丸若作丸已合諸濕屑共作於
丸不令散失置銅盤中如是坐禪人心心數
法貯於事中能生寂寂初禪以喜樂爲水以
覺觀爲手攪作以丸能生寂寂所成心心數
法喜樂相隨成一丸禪心不散亂置於禪事
如是丸等覺觀如濕屑內外遍濕相著不散
如是坐禪人初禪於身上下從頭至足從足
至髑髏皮髮內外喜樂遍滿住於不退如是
成住梵天問名喜樂非色法無有對相何以
遍住於身答名者於色色依名色是故若名
已成喜色亦成喜若名已成樂色亦成樂復
次色從樂生令身起倚一切身成彼色倚樂
是故無礙令生梵天功德者初禪成有三種

附五

十八

謂下中上若觀勝緣不善除五蓋不至如意
自在是謂下禪若觀勝緣善除五蓋至如意
自在是謂中禪若觀勝緣善除五蓋至如意
自在是謂上禪於是坐禪人若修下初禪命
終生於梵天種類彼壽命一劫三分若修中
禪初命終生於梵天壽命半劫若修上初禪命
終生大梵天壽命一劫是生梵天功德成有
四種有人成退分有人成住分有人成勝分
有人成達分是鈍根人欲住放逸作意相隨
成起此禪故成退分復次以二禪行成於退
分最大纏故令不精進若人從初已起惡覺
不能消除以此大纏故成速退其於樂禪事
業樂語話樂睡眠不住精進是故成退問誰
退何以退答有說若急疾煩惱成起退失復
說悠悠煩惱故退復說若失奢摩他成退復

解脫道論卷第五

階六

羅漢優波底沙造

梁扶南二藏僧伽婆羅譯

行門品第八之二

此明求第二禪思惟初禪過患二種功德爾

時坐禪人欲樂起第二禪已於初禪身得自

在何以故若於初禪未得自在雖復思惟欲

除覺觀望得二禪還復退失遂不堪起第二

禪定亦復不能入於初禪如世尊說爲諸比

丘作山獼喻山獼愚癡不知食處未解行步

欲詣嶮遠便自作念我今當往未嘗至處敢

未嘗草飲未嘗水前足未立復舉後脚蹉搖

不安莫能前進遂不能至未嘗至處亦不得

敢未嘗食草及不得飲未嘗之水更復思惟

既不能去正當資昔飲食如是比丘愚癡未

達不知所行處不解離欲入於初禪不修此
法不多學習輒自作念欲入第二禪離於覺
觀不解自安復更思惟我不能得入第二禪
離於覺觀欲退入初禪離欲愚癡比丘如彼
山獼不解行步是故應修初禪令心得自在
於未食時及食後時初夜後夜隨心所樂隨
欲久近隨意無礙爲起入觀若從一時乃至
多時多入多出若從一時乃至多時於彼初
禪成得自在得自在樂起第二禪越於初禪
復更思惟此初禪麤第二禪細於初禪見有
過患於第二禪見有功德問云何初禪過患
答近五蓋怨貪覺觀動身成懈怠心成散亂
其一切法是爲麤定不住爲神通證既樂初
禪不成勝分是初禪過患第二禪功德是其
對治已觀初禪過患復見第二禪功德是一

切入相作意修行第二禪事不作意和合初禪不作意於覺不作意於觀以從定生喜樂自在令心受特彼坐禪人如是作意不久覺觀成滅以定所起喜樂自在令心安住此明二禪四支義彼坐禪人覺觀滅故成其內信

階六

心成一性無覺無觀從定生喜樂入第二禪是地一切入功德覺觀滅者以善分別覺觀滅亦名斷問云何爲覺觀滅答亦是初禪覺觀過患及一切覺觀根覺觀過患及覺觀根與覺觀併除故成覺觀滅復次以斷下麤禪得上勝禪復令現次第滅內者現證名內內有三種一內內二內定三內行處云何爲內內謂六內入內定者於自觀身此謂內定內行處者於內自思意不出外攝義是性是謂內行處於此經中內內是可樂信者信正信

思惟增長信此謂信於內心是謂內信內信者何相何味何起何處不亂爲內信相寂寂爲味不濁是起覺觀爲處心成一性者謂心住正定此謂心成一性心成一性者何義心者是意一者說於念名性者如聲論說生性性者說自然義此第二禪一心能滅覺觀以一性得起此謂心成一性心成一性者何相何味何起何處專正爲相寂寂爲味無浪爲起覺觀滅爲處問信及心成一性何故非初禪所攝答初禪以覺觀爲浪動故成濁內信心成一性者成不清淨如水有風浪見於面像不復清淨如是初禪覺觀爲浪浪動濁故內信及心一性成不清淨是故以禪支非初禪所攝無覺無觀者謂斷覺無覺離觀無觀問覺滅無覺無觀此二種斷覺觀何故說二

階六

三

答覺觀滅者爲現內信心一性爲因無覺無觀爲現寂寂所成喜樂妙相復次覺觀滅者以此覺觀見覺觀過患斷彼過患法無覺無觀者斷色界覺觀復次無覺無觀者有二種一不以覺觀滅無覺無觀以覺觀滅無覺無觀於是五識及第三禪等不以覺觀滅成無覺無觀第二禪以方便寂寂故以覺觀滅成無覺無觀是說二義從定生者名定初禪從彼智生第二禪成從初禪定生復次定者於第二禪與一心共生故定生喜樂喜樂者初已分別第二禪者依初得名此第二禪入正受者謂入第二禪禪者內信喜樂一心是名爲禪入正受住者成得第二禪離於二支成就二支三種善十相具足二十三功德相應是天住是功德生光耀天如初廣說天住者

從定生喜樂越人住故名爲天住是故世尊告比丘言如池生水非四方來亦非雨出無有時節是從泉出清冷浸灌盈溢流遠如是比丘此身從定生喜樂令得清涼無不潤澤從定生喜周遍身心猶如泉水彼坐禪人入第二禪其身可知如不從四方無流水來無天雨水如是覺觀滅可知如是從泉出流令身成滿不起波浪如是從定生喜樂此名色身令滿不起亂心如以冷水令身清涼遍一切處如是從定生喜樂一切名色身成滿足修定果報如是天居生光耀功德此第二禪有三種下中上是坐禪人修下禪命終生少光天壽命二劫修中禪生無量光天壽命四劫修上禪生光耀天壽命八劫念二禪過患爾時坐禪人已修第二禪身得自在第二禪

麤三禪寂寂知二禪過患見三禪功德起第三禪云何二禪過患謂近覺觀是定之怨與喜滿相應故禪成麤以喜成滿心大踊躍不能起餘禪支若著於喜是則爲失若知是失則成不失若不堪作神通證若樂二禪不成勝分是知第二禪過患見第三禪功德是其對治已觀二禪過患復見三禪功德是依一切入相作意令喜心滅以由喜樂受持心如是作意不久以無喜樂令心得安解三禪支彼坐禪人不染喜故得捨念智以身受樂是聖所說得捨念智樂住第三禪正受是地一切入功德不染喜故喜者先已分別不染者斷喜得捨住云何爲捨是捨是護不退不進是心平等此謂捨於是捨有八種謂受捨精進捨見捨菩提覺捨無量捨六分捨禪支捨

音六

五

清淨捨五根爲受捨有時不作意捨相爲精進捨苦集我今當斷成得捨爲見捨修菩提覺是爲菩提捨慈悲喜捨是爲無量捨以眼見色不苦不喜成捨是爲六分捨喜無染故成捨住者是禪支捨捨念清淨是清淨捨於此八捨除受捨餘七捨法是爲平等捨復次有三種捨一相應乘二少經營三無經營於一切禪行是禪平等方便不急疾不遲緩是名相應乘捨此下捨近第二禪能斷大踊躍心若心無經營是名少經營捨此捨近第三禪是其能斷一切踊躍心以不動身心無經營事心是名無事捨此捨近第四禪捨者何相何味何起何處平等爲相無所著爲味無經營爲起無染爲處問何故說此捨於此禪非第二禪及初禪答是處喜滿未滅心著以

緣喜樂是故未滅以大踊躍充滿身心是故於二種禪不說捨以不滿故於此第三禪無喜染故以滅相著故成起禪支以由禪支自在故說捨念正智云何爲念念隨念彼念覺憶持不忘念者念根念力正念此謂念問念者何相何味何起何處答隨念爲相不忘爲味守護爲起四念爲處云何爲智知解爲慧是正智此謂爲智於是正智有四種有義智自相智不愚癡智行處智於是義智者有四威儀自相智者入於空處不愚癡智者知於世間八法行處智者謂於事處於此經中行處智是可取問智者何相何味何起何處答不愚癡爲相緣著爲味擇取諸法爲起正作意爲處問何故此念正智一切處不妙答若人失念不起正智不堪起禪外行問何故

皆六

六

說第三禪不說第二禪及初禪答於此喜爲首巖禪支滅故正定細故此定入細處以此正智堪能起第三禪是故以禪支自在復次此禪易起到彼樂處最氣味地亦作愚心是名著處是故於此禪支得自在堪爲斷喜又說喜樂者共爲親友是故此念智分別無喜有樂於事成住如彼犢子隨逐其母不捉兩耳觸突隨母如是無喜有樂以念智分別樂得住行處若不緩分別反入於喜成禪退分以此禪支自在故說念智以此捨念智成就

是故說有捨念智以身受樂問云何心樂答心攝受是心樂從心觸生攝受是心樂受是謂爲樂問云何身答想陰行陰識陰此謂爲身此樂以身受謂身受樂問何故此樂無喜非以身爲受答於第三禪樂根滅何故世尊

說於第三禪樂根滅是樂聖人所說聖者佛及弟子開合制教分別顯示此謂聖所說問何故聖說於此身非餘處答此第三禪易起到彼樂處彼無受樂聖者向於樂住是聖人成就是故聖人說此禪勝成捨有念樂住者捨念樂此已分別成就入住第三禪^六第三者依第二名爲第三第三禪者是捨念正智樂一心此謂禪成就入住者彼已得第二禪離一分五分成就三種善十相具足二十二功德相應天居生遍淨天如初禪廣說天居者無喜樂住越人住名天居是故世尊告諸比丘如是比丘於鬱波羅池花分陀利池花若鬱波羅花波頭摩花分陀利花水生水增長從水起住水中從根至首以令水滿其中如是比丘此身以無喜樂令滿潤澤以無喜之

樂遍滿身心於是如鬱多羅波頭摩分陀利花從水而起如是入第三禪其身當知如藕生水從根至首一切皆滿如是入第三禪其身以無喜之樂遍滿身心修定果報如是天居生遍淨天功德此第三禪亦成三種謂上中下於是坐禪人修行下禪命終生少淨天彼壽命十六劫修行中禪生無量淨天彼天壽命三十二劫修行上禪生遍淨天壽命六十四劫念三禪過爾時坐禪人如是已作第三禪身得自在樂起第四禪越第三禪第三禪麤第四禪妙見第三禪過患復見第四禪功德云何三禪過患謂近喜爲怨正定以樂支麤不能堪忍爲得禪通第三禪不成勝分如是已見第三禪過患見第四禪功德是其對治彼坐禪人如是已見第三禪過患見第

四禪功德唯彼作一切入相作意令現滅樂
滅以由捨心受持如是作意不久以由捨心
得安解四禪支彼坐禪人斷樂故先以斷苦
故以初喜憂盡故不苦不樂捨念清淨成就
住第四禪是地一切入功德斷樂者名身樂
斷斷苦者名身苦斷前喜憂滅者喜名心樂
憂名心苦皆盡滅也問樂苦憂已斷何處滅
答初禪時滅於此第四禪佛說若滅問何處
苦根起無餘時滅答佛告比丘初禪成就離
欲是處苦根起無餘時滅問何故於初禪苦
根滅答以喜滿故身樂身樂故苦根滅以斷
對治故是故於初禪苦根滅於第二禪憂根
滅成斷憂根如佛所說何處喜根起無餘時
滅於此比丘覺觀滅故第三禪正受住是處
憂根起無餘時滅何故第二禪憂根滅若有

覺觀久隨覺觀成身懈怠成心懶惰若心懶
惰憂根即起於第二禪覺觀滅說憂根滅於
第三禪是處樂滅如世尊說何處樂根起無
餘時滅於此比丘厭於喜故第三禪入正受
住是處樂根已起無餘時滅問何故於第三
禪樂根滅答喜滅故喜爲因樂成滅是故於
第三禪樂根滅問若苦樂憂於三禪處已滅
何故於此四禪說滅答三禪是四禪道路於
三禪已滅受是故於第四禪說滅復次以不
苦不樂受爲現對治是故說苦樂對治不苦
不樂受復次四禪共對治受收合故復次捨
煩惱現無餘斷不苦不樂受者意不攝受心
不棄捨此謂不苦不樂受不苦不樂受者何
相何味何起何處中間爲相住中爲味除是
起喜滅是處云何捨念清淨者是謂中性爲

捨此謂爲捨念者謂念隨念正念此謂爲念以捨爲念成分明清白此謂捨念清淨問何故此念以捨分明清白答此捨離一切煩惱故受相似相應故成不動無經營以此無經營與捨相應故此念至無動成無經營是故此念已捨成分明清白四者依彼三禪此第四成就入定者此謂四禪捨念一心此謂禪成就入住者成得彼第四禪離一分三分成就三種善十相具足二十二功德相應報居天上生果實天功德如初廣說天居者捨樂住出於人住此謂天居是故世尊告諸比丘有人坐以白氈覆身從頭至足一切身分無覆不著如以白氈無不覆處如是比丘以清白心令滿一切身分以清白心無所不著譬如有人白氈自覆是坐禪人亦復如是離一

切上煩惱在第四禪可知如以白氈覆身從頭至足不寒不熱時節調和身心清淨如是入第四禪不苦不樂是爲捨樂令滿於身修定果報如是於天生果實天功德修第四禪命終凡夫生果實天若心厭患生無想天壽命五十劫若沙門或生果實天或生五淨居處如是果實功德問何故於三禪處下中上說果地勝不說第四禪答依三禪所得有麤有妙是故以勝支說果地勝此第四禪已到妙支彼岸從此更無妙支是故於此無勝果地念四禪過爾時坐禪人於第四禪已得自在樂起虛空定越於色界復更思惟色定麤虛空定細彼坐禪人見色過患復見虛空定功德云何色過患如取器仗相打鬪諍兩舌妄語截手脚等種種諸事眼痛疾患寒熱飢

渴諸苦是謂欲色過患云何第四禪過患此近喜成怨依於色事是名爲羸於是著樂不成勝分依虛空寂寂解脫於此定成羸於色見第四禪過患見虛空定功德是其對治彼坐禪人如是已見於色及見第四禪過患已見虛空定功德念入第四禪明無邊虛空定從此定起除地一切入相修虛空定地相成失於虛空所作事無邊作意若如此現作意不久地相成失從地相心起成越於虛空以虛空入相自在心得安彼坐禪人已起一切色相有對想滅於種種想不作意故正受入住無邊空處一切者說於無餘起色相者云何色相入色界定想智正智此謂色相越者從此起有對想滅者云何是有對想色想聲想香想味想觸想此謂有對想滅者彼種種

皆大

十一

想盡不作意者云何種種想不入定人或意界和合或意識界和合想智正智此謂種種想此種種想不作意此謂種種想不作意問何故止說越想不說受行識答若越於想彼一切皆亦成越何以故若不離想心不得起復次世尊欲說越色事說越色想一切定事皆由想故問若不爾入色定有對想種種想非爲無也答有人入色界定有對想有種種想以斷故問何故於彼不修道答爲厭於色是故於彼不滅於彼不盡故入初禪聲是其刺如是佛所說於此爲厭色以修行道是故於此成斷於此斷故無色定不動行想寂寂解脫想如迦蘭鬱頭藍弗入無想定五百車從前去來不見不聞是故說於處滅於是起一切色想說斷色界法有對想滅種種想不

作意者說斷欲界法復次越一切色想者說得無色界有對想滅者說斷彼定外亂爲顯現無動種種想不作意者說斷定內亂說顯現寂寂解脫相問無邊虛空者云何爲空答是空入空界空穴不爲四大所觸此謂爲空於空正安心令滿無邊此謂無邊無邊空者是無邊空入入虛空處心心數法此謂虛空入虛空入者何義是虛空無邊性是無邊性空處此說虛空義如住天處名天處彼虛空處定此謂虛空處入正住者得虛空處定越色事三分成就三種善十相具足二十二功德相應寂寂居住修定果報此功德生虛空處如初廣說功德生虛空者已修虛空處命終生虛空天壽命二千劫念空虛空定過爾時彼坐禪人於虛空處已得自在樂起識一

卷六

十二

切入定越虛空一切入思惟虛空定麤見識處細復見虛空過患復見識處功德云何虛空過患此定近色爲怨於虛空定是事成麤與有對想種種想不相遠離成彼念著不得勝分如是見虛空過患見識一切入功德是其對治明無邊識定彼坐禪人已見如是虛空過患已見識處功德安詳念入安詳念起修虛空識令滿作意令識無邊由識處想心受持如是現作意不久從虛空處想心起越於識處由識處想而心得安彼坐禪人起一切虛空故思惟無邊識成就入正受於一切識處住一切者說於無餘越虛空處者越虛空處越者謂正度是謂越一切虛空處無邊識者唯彼虛空以識作意令滿無邊是謂無邊識處問色非色法云何執爲無邊答唯無

色法故成無邊何以故非色之法無有邊際
不可得故復次虛空無邊故說無邊無邊者
作無邊意故成無邊是故不妨識入處者是
入識處心心數法此謂識處識處者何義是
識無邊此謂識無邊識處者如天住處名天
處此識已受持定此謂識處定入正受處者
得彼於識處定者越虛空事三分成就以三
種善十相具足二十二功德相應住於寂寂
修定果報是功德生識處如初廣說生識入
功德者修行識處入命終生識處天壽命四

千劫

識入已竟

念無邊識定過患爾時坐禪人已得識處自
在欲起無所有處定越於識處復更思惟識
處定羸無所有處定細復見識處過患復見
無所有處定功德云何識處過患此定近虛

空爲怨識事爲羸以思惟無邊想成彼念著
不得勝分無所有處功德是其對治彼坐禪
人如是已見識處過患復見無所有處功德
從識處定安詳而起彼識不復修行不復分
別成失彼識已見無所有處相自在心願受
持如是現作意不久從識處想起以由無所
有處想其心得安彼明無邊識定坐禪人起
一切識處見無所有入正受處住一切者說
於無餘越識處者成越此識超入正度此謂
越一切識處無所有處者不復修行不復分
別成失彼識但見無所有此謂無所有處入
無所有處心心數法此謂無所有處無所有
處者何義是識無性是無所有無所有處者
說受持言無所有受持正定此謂無所有處
定入正受住者成得無所有定越識事三分

成就三種善十相具足二十二功德相應住
於寂寂修定果報是功德生無所有處如初
廣說生無所有功德者修行無所有處定命
終生無所有天壽命六千劫無所有定竟

念無所有處過患爾時坐禪人於無所有處

已得自在欲起非想非非想處定十四越無所有

處復更思惟無所有處麤見非想非非想處

細復見無所有處過患復見非想非非想處

定功德云何無所有定過患此定近識爲怨

與分明想共起故成麤成彼念著不得勝上

如是見無所有處過患復見非非想入功德

是其對治復次見此想是患是癰是刺無想

是正是寂寂是妙所謂非想非非想彼坐禪

人如是已見念入無所有處安詳而起彼無

所有處寂寂作意修行餘定如是現作意不

久從無所有處想心起由非非想處想而心
得安彼明非非想處想定坐禪人越一切無
所有處故成就入住非非想處一切者說於
無餘越無所有處者成越無所有處超入正
度此謂越一切無所有處非非想者彼無所

有處寂寂作意修行餘定此謂非非想處非

非想處者入非非想處心心數法是謂非非

想處非非想處者何義滅分明想故成於無

想細想有餘故成非想非非想是其處是謂

非非想入正住者成得非非想處定越無所

有處十六三分成就三種善十想具足二十二功

德相應住於寂寂明修定果報以是功德生

非非想天如初廣說是功德生非非想天者

修行非非想處定命終生非非想天壽命八

萬四千劫問何故說非非想處何故不說爲

識處答離無邊執故起想細故不成識處又問何故依此定不成漏盡答離分明想不堪得見道復次此定最細微非非想不能分別是故不成漏盡處

非非想定已竟

重明上義問於是定處云何散句答所謂滅聲顛倒起越外行覺受疑不應得滅者入初禪語言斷入第四禪出入息斷次第滅聲香若人入定聞有音聲不得言說何以故是入定人耳識不和合故復次入色定人是聲成亂如世尊所說入禪人聲是其刺顛倒者入地一切入於非地想而作地想問若然何故不成顛倒答此四顛倒想不異故知此地想是其相是故不成顛倒起者以五因緣從於定起以威儀苦以最多境界以障礙起以方便不平等以隨意若入無色定以最多境界

不得起住不動故入滅禪定及入果定以初作行得起不以餘因越者越有二種分越事越從色禪越色定是謂分越從色禪越無色定復從無色定越無色定是謂事越外行者一切定外行成就五分覺者第二禪等性除無間成無覺觀受者第四禪等性除無間共捨越有人樂相似無間疑者未斷一切貪欲等蓋住非非想處說於有餘如畏毒蛇上樹有四種人不得起定必墮惡趣無因作五逆邪見

散句已竟地一切入已滿

階六

十六

問云何水一切入何修何相何味何起何功德云何取其相答心緣水相此謂水一切入心住不亂此謂修行於外一切入專意爲相不除水想是味心不作二意是處於水一切入不共五功德於地出沒自在於地山官殿

令動令降雨令身能起水令化江海於地一切入所說功德亦共有明修水一切入處處皆見水云何取其相者若取水一切入於水現取相若自然水若自作水於是舊坐禪人於非水處取水相彼人處處見水若於井於瓶若於池沼江湖淮海是其所觀隨意即見彼分水相得起不如新坐禪人新坐禪人於作處取相不能於非作處明修水一切入方便彼坐禪人從初以觀如是寂寂處若寺舍若石室若樹下是處不闇不日光炙無塵無風無蚊蚋等無諸障礙於如是處若針若毫埋淨地中令與地平周迴一尋盛以雨水不雜以餘色水令滿鉢瓮應於此處作意水想想以三行取相以平等觀以方便以離亂餘事如地一切入廣說乃至非非想處水一切竟

階六

十七

問云何火一切入何修何相何味何處何功德云何取相答心於火相此謂火一切入彼時心住不亂此謂修行火相巧於放意爲相不除火想爲味作意無雙爲處何功德者不共五功德於火一切入經營起煙炎以光明相起滅餘色光隨意所燒以作光明曉了於火界如地一切入所說功德同因修火一切入處處皆見火云何取其相者若現取火一切入於火取相或於自作處或自然處於是舊坐禪人取於自然相彼處處見或草火或薪火或林火或屋火熾然焰盛從此爲初以作於觀或自樂不樂即見彼分火相得起不如新坐禪人新坐禪人唯於作處取相不能於非作處彼修火一切入方便新坐禪人從初經營斷截樵薪於清淨處積聚焚燒或日

出時或日入時從下焚燒於草薪皆不作意於上生煙炎皆不作意於聚炎中現作火想以三行取相以平等觀以方便以離亂如初廣說

火一切入已竟

問云何風一切入何修何相何味何處何功德云何取其相答心於風相此謂風一切入修心住不亂此謂修風一切入放意爲相不除風想爲味作意無雙爲處何功德者不同三功德於風一切入風行自在能令風起作意受持令清涼如地一切入所說功德修風一切入方便云何取其相者新坐禪人現取風一切入以二行取於風相或見或觸云何以見取相彼坐禪人或甘蔗園或於竹林或多草處以風鼓動彼已見作風想以三行取相以平等觀以方便以離亂如是已見取相

階六

十八

云何以觸取相新坐禪人如是寂寂坐處作意想隨風來處是處穿壁作孔竹荻爲筒安置其內當筒處坐使風觸其身作意取風相如是以觸取相若舊坐禪人於處處分即見風相起若行住坐卧風觸其身隨風所動於初已作觀若自樂不樂即見彼分風相得起不如新坐禪人

風一切入已竟

問云何青一切入何修何相何味何處何功德云何取其相答心於青相此謂青一切入彼心住不亂此謂修於青相放意爲相不除青想爲味作意無雙爲處何功德者不同五功德於青一切入心緣隨逐得淨解脫得青除入如青花心受持令化種種青色修青一切入處處皆見青云何取其相者取青一切入相若作處若自然處舊坐禪人取不作處

相彼坐禪人於處處見或青花或青衣或青色於其目前常見隨若樂若不樂即見彼分青相得起不如新坐禪人新坐禪人取於作處相不能取非作處修青一切入方便彼坐禪人於衣於板於壁處以阿多思花色青色階六十九以此色作曼陀羅花或三角或四角以異色遶其外於此作青相以三行取相以平等觀以方便以離亂餘如初廣說青一切入已竟問云何黃一切入何修何相何味何處何功德云何取相答心於黃相此謂黃一切入修彼心住不亂此謂修於黃一切入放意是相不除黃想爲味作意無雙爲處何功德者不同五功德於黃一切入心緣隨逐得淨解脫得黃除入作意如金花種種黃色修黃一切入處處皆見黃云何取彼相者現取黃一切

入取於黃相若自作處若自然處於是取非非作處相彼坐禪人於處處見或黃花或黃衣黃色從此常見隨樂不樂即見彼分黃相得起非如新坐禪人新坐禪者取於已作處相不能於非作處修黃一切入方便彼坐禪人或衣或板或壁以迦尼迦羅花色黃色作曼陀羅華或三角或四角異色遶其外於彼作黃相以三行取相以平等觀以方便以離亂餘如初廣說黃一切入已竟問云何赤一切入何修何相何味何處何功德云何取其相答心於赤相此謂赤一切入彼修心住不亂此謂修於赤相放意爲相不離赤想爲味作意無二爲處何功德者不共四功德於赤一切入隨心得淨解脫得赤除入化種種赤色不共功德者如說於地一切

入修赤一切入處處皆見赤云何取其相者
現取赤一切入取於赤相若作處若自然處
舊坐禪人於自然處取相於處處見相或赤
花或赤衣或赤色從此爲初常見隨樂不樂
即見彼分赤相得起不如新坐禪人新坐禪
人於作處取相不能於非作處修赤一切入
方便彼坐禪人或衣處或板或壁處如盤偷
時婆花生赤色或以朱丹作曼陀羅花或三
角或四角以異色界其外於此作赤相以三
行取相以平等觀以方便以離亂如初廣說
赤一切入已竟

入功德於白一切入隨心得淨解脫得白除
入伏懈怠眠除闇作明白一切入得起天眼
餘功德如地一切入所說修白一切入處處
皆見白云何取其現相者取白一切入於白
取相若作處若自然處舊坐禪人於自然處
取相彼於處處見相或白花或白衣或白色
或月光或日光或星色或鏡圓從彼爲初常
見隨樂不樂即見彼分自相得起不如新坐
禪人新坐禪人於作處取相非不作處取相
修白一切入方便彼坐禪人或於衣處或板
或壁處以太白星等色以此色作曼陀羅花
或三角四角以異色界其外於此作白相以
三行取相以平等觀以方便以離亂如初廣
說白一切入已竟
問云何光明一切入何修何相何味何處何

功德云何取其相答心作光明相此謂光明一切入修彼心住不亂此謂修光明相放意爲相不離光明想爲味作意無二爲處何功德者與白功德等修光明一切入處處見光明云何取其相者現取光明一切入於光明取相若作處若自然處舊坐禪人於自然處取相彼於處處見相或月光或日光或燈光或珠光從彼初常見隨樂不樂即見彼分光明即起不如新坐禪人新坐禪人於作處取相不能於非作處修光明一切入方便彼坐禪人如是或依東西壁坐令水滿鉢安置日光所至處從彼水光起曼陀羅從曼陀羅光起著壁光於此見光明相以三行取相以平等觀以方便以離亂如初廣說光明一切入已竟

解脫道論卷第五

音釋

積徒谷切嶮虛領切蹉千箇切鬱紆勿切藕五口切
筒徒紅切鬱徒協切癰於容切允蒲奔切荻徒歷切

解脫道論卷第六

階七

阿羅漢優波底沙造

梁扶南三藏僧伽婆羅譯

行門品第八之三

問云何虛空一切入何修何相何味何處何功德云何取其相答虛空而一切入有二種有虛空離色有虛空不離色虛空入處相所謂離色虛空并空虛空相此謂不離色虛空彼修此想心住不亂此謂修於虛空想放意爲相不離虛空想爲味作意無二爲處何功德者不共二功德於虛空入障礙處所不能礙若牆壁山等身行無礙自在無畏云何取其相者於虛空入取虛空相若作處若自然處舊坐禪人於自然處取相能於處處見或於孔穴或櫺窗間或樹枝間從彼常見隨樂

不樂即見彼分虛空相即起不如新坐禪人新坐禪人於作處取相不能於非作處彼坐禪人或於屋內或於屋外不障礙處作圓孔穴作虛空想以三行取相以等觀以方便以離亂於虛空一切入生四禪五禪餘如初廣

說虛空一切入已竟

問云何識一切入答曰識虛空此謂識一切入餘如初廣說十一切入已竟

問於是一切入云何散句答若一相得自在一切餘相隨其作意若於一處一切入於初禪得自在堪任餘一切入能起第二禪如是第二禪得自在能起第三禪第三禪得自在能起第四禪問於諸一切入云何最勝答四色一切入是爲最勝成解脫故得除入故白一切入勝作光明故心得自在於八一切入

及於八定以入十六行安庠而起隨所樂處
其所樂定隨意無障次第上次第下次第上
下令一一增長或俱令增長或中少或分少
或事少或分事少或分俱或事俱或分事俱
隨其所樂處者或於村或於阿蘭若是斯所
樂處入於三昧階七如所樂者是其所樂禪入於
禪定如其所樂時者隨意所樂時入於三昧
或多時入正受次第上者於初禪入定次第
乃至非非想處次第下者從初入非非想定
次第乃至初禪次第上下者越於往還從初
禪入第三禪從第三禪入第二禪從第二禪
入第四禪如是乃至入非非想定令一一增
長者以次第入第四禪或上或下俱令增長
者入第四禪從此虛空入第三禪如是二種
入定中少者已入初禪從此入非非想處從

此入第二禪從此入無所有處如是現入正
受能辨虛空處分少者一禪於八一切入
定事少者於二一切入入於八定分事少者
所謂二定及一切入分俱者於二一切入
二二禪事俱者於二二一切入二禪分事
俱者是此二句散句 已竟
問云何增長相何修何相何味何處何功德
云何取其相答增長相者滿一切處猶如韞
囊滿中臭穢死屍此謂脞脹於脞脹相以正
智知此謂脞脹想彼修此想心住不亂此謂
修於脞脹想相隨觀階七爲相狀脞脹想爲味臭
穢不淨作意爲處何功德者脞脹想有九功
德得念內身得無常想得死想多狀患伏姪
欲斷色憍斷無病憍向善趣向醍醐云何取
其想者新坐禪人現取脞脹不淨想以無二

行以念不動不愚癡以諸根內入以心不出外以往彼處是處不淨有諸死屍住於彼處離於逆風對不淨相不遠不近或倚或坐彼坐禪人若倚若坐近不淨處若石若土埵或樹或杙或藤爲作相作事思惟此石不淨此不淨相此石如是土埵等已爲作相已作事以十行降服不淨相從其自性修行當觀以色以男女形以方以處以分別以節以穴以坑以平地以平等觀於一切處以色者若黑以觀黑若不黑不白以觀不黑不白若白以觀白若臭皮觀以臭皮以形者若女形若男形隨觀若少若長若老隨觀者若長以長若短以短若肥以肥若小以小隨而觀之以方者於此方擲頭於此方擲手於此方以脚於此方以背於此方以腹於此方我所坐於此

方不淨相如是隨觀以光明處於此光明處是擲手處於此光明是擲脚處於此光明是擲頭處於此光明是我坐處於此光明是不淨相處以分別觀從頭至足從下至頭髮皮爲邊是一屎聚以分別觀觀以節者於二手六節於二脚六節髓節項節此謂十四大節以肉者謂口或開或閉隨觀眼或開或閉隨觀手間脚間孔穴隨觀以坑以平等地者不淨相隨其處所或於空處或於地上是處隨觀復次我在空處不淨相地上或不淨相在^{附七}下我於地上隨觀以一切處從我不取近遠若二尋三尋隨觀彼坐禪人如是一切正隨觀見彼相善哉善哉如是受持以善自安彼坐禪人已善取相已善受持已善自安一無一行以念不動心不愚癡諸根內入心不出

外去來道路若行若坐觀彼不淨心常受持
無二行者何義爲得身寂寂令念不動者以
不愚癡以諸根內入心不出外去來道路者
何義爲得身寂寂離逆風者何義爲離臭氣
坐不取遠近者何義若取遠不成除相若取
近不成其狀不見其性以不見其性彼相不
起是故不取遠不取近坐遍觀一切相者何
義爲不愚癡名不愚癡若坐禪人入寂寂處
見不淨相如在其前心起驚怖是故坐禪人
若死屍起逐不起心思惟如是已知念正智
受持已觀相遍是其遍相如是作意是名不
愚癡問取十種行相何義答爲於心縛觀去
來道路者何義爲起次第法名次第法者若
坐禪人入寂寂處有時心亂以不常觀不起
不淨相是故坐禪人攝一切心當觀去來道

隋七

五

路當觀於坐處當觀遍相當觀十種取相彼
坐禪人如是數數現觀復更起相如以眼見
此謂起次第法初坐禪人於此死屍成珍寶
想如是歡喜心得受持心常修行滅於諸蓋
禪分成起彼坐禪人已離欲已離不善法有
覺有觀寂寂所成有喜樂入初禪定及降脹
相問何故以不淨行起於初禪非起餘禪答
此行未作觀故此成縛處故常隨覺觀覺觀
恒現其相得起非離覺觀其心得安是故初
禪起非餘禪復說此不淨相色形等以不一
行思惟令起於行思惟者是覺觀事不能堪
住離於覺觀爲思惟行是故唯初禪起非餘
禪復說此不淨相不可耐事於不耐事不能
舉心於不淨處心由喜樂故除覺觀方便以
覺觀方便力是時修行由如臭屎是故唯初

禪起非餘禪問於不耐事云何起喜樂答不

耐事非因爲起喜樂復次善斷蓋熱故以修

心自在故起喜樂行餘如初廣說

勝脹相已竟

問云何青瘀相何修何相何味何處何功德

云何取其相答青瘀者或死一宿或二三宿

成青瘀相如青所染色隨生此謂青瘀相彼

青瘀是謂青相以正智知此謂青瘀相心住

不亂此謂修受持青相爲相狀爲味作意不

耐爲處等勝脹相功德修其相者如初廣說

青瘀相已竟

問云何潰爛相何修何相何味何處何功德

云何取其相答潰爛者或死二三宿潰爛膿出

猶如灌酪身成潰爛此謂潰爛於潰爛相以

正智知是謂潰爛相心住不亂此謂修受持

潰爛爲相狀爲味作意不耐爲處等勝脹相

勝七

六

功德取相如初廣說

潰爛相可知

問云何斬斫離散相何修何相何味何處何

功德云何取其相答斬斫離散者或以刀劍

斬斫身體離散復說所擲死屍此謂斬斫離

散於斬斫離散是正智知此謂斬斫離散想

心住不亂此謂修斬斫離散想爲狀相爲味

作意不淨爲處等勝脹相功德問云何取其

相答於兩耳二指作片片想作斬斫離散想

如是取相於一二上取其空相餘如初廣說

斬斫離散相已竟

問云何食噉想何修何相何味何處何功德

云何取其相答食噉者或烏鵲鴟梟鷂鷲猪

狗狐狼虎豹食噉死屍此謂食噉於彼食噉

是相以正智知此謂食噉想心住不亂此謂

修食噉想爲相狀爲味作意不淨爲處等勝

脹相功德餘如初廣說

食取想已竟

問云何棄擲想何修何相何味何處何功德云何取其相答棄擲者於處處方散擲手足此謂棄擲於棄擲想是正智知此謂棄擲想心住不亂此謂修受持棄擲想爲想狀爲味作意不淨爲處^{脛七}脛脹想等功德云何取其相者一切身分聚在一處安諸分節相離二寸安已作棄擲想取相餘如初廣說

棄擲想已竟

問云何殺戮棄擲想何修何相何味何處何功德云何取其相答被殺棄擲者或以刀仗或以弓箭於處處斬斫殺戮死屍此謂殺戮棄擲於殺戮棄擲是想是正智知此謂殺戮棄擲想心住不亂此謂修受持殺戮棄擲想爲相狀爲味作意不淨爲處等脛脹想功德云何取其相者如初廣說

殺戮棄擲想已竟

問云何血塗染想何修何相何味何處何功德云何取其相答血塗染者或斬截手足形分出血塗身此謂血塗染於血塗染相是正智知此謂血塗染想心住不亂此謂修受持血塗染想爲相狀爲味作意不淨爲處等脛脹想功德云何取其相者如初廣說

血塗染想已竟

問云何蟲臭想何修何相何味何處何功德云何取其相答蟲臭者諸蟲生滿其身猶如白珠純是蟲聚此謂蟲臭於蟲臭想以正智知此謂蟲臭想心住不亂此謂修受持蟲臭想爲相狀爲味作意不淨爲處等脛脹想功德云何取其相者如初廣說

蟲臭想已竟

問云何骨想何修何相何味何處何功德云何取其相答骨者謂鈎鎖相連或肉血筋脉所縛或無血肉但有筋纏或無肉血此謂骨

於此骨想以正智知此謂骨想心住不亂此
謂修受持骨想爲相猒爲味作意不淨爲處
等脭脹想功德云何取其相者如初廣說骨想
竟已

問於不淨處云何散句答初坐禪人有重煩
惱於不種類增七不應取相不種類者如男女身
若不淨業人不淨相不應作意何故常觀事
故不成猒於畜生身不起淨想以一骨起起
相自在於骨聚亦復如是若不淨相以色起
由一切入當觀若以空起以男當觀者以不
淨起以不淨當觀問何故十不淨不多不少
答身失有十種故復由十人故成十想欲人
當修脭脹想色愛欲人當修青瘀想如淨欲
人當修壞爛想餘亦可知復次不淨想不可
得故一切不淨想欲對治故若欲行人是其

所得彼當取相是故說一切不淨爲十種不
淨想問何故不令增長答若人樂猒欲令起
自性身想何故若有自性身想於想速得猒
彼分故已令增長不淨想是其身相得除已
除自身想不速得猒是故不應令增長又說

若得無欲爲修大心成令增長如阿毗曇說
處離欲等初禪正受住脭脹及起無量事如
大德擇狗文說偈

比丘佛家財 於怖畏林處 旣已修骨想
普令滿此地 我知彼比丘 速當斷欲染

十不淨
已竟

增七

九

問云何念佛何修何相何味何處何功德云
何修行答佛者世所尊自然無師於未聞法
正覺正諦能知一切得力自在此謂爲佛念
佛世尊正遍知道菩提功德念隨念念持念

不忘念根念力正念此謂念佛心住不亂此謂修令起佛功德為相恭敬為味增長信為處若修行念佛成得十八功德信增長念增長慧增長恭敬增長功德增長多歡喜堪任苦行離於怖畏於受惡法得生慚愧常與師共住心樂佛地行向善趣最後醍醐如說修多羅涅槃底里句若人欲念佛其可恭敬如佛像處云何修行初坐禪人往寂寂處攝心不亂以不亂心念如來世尊應供正遍知明行足善逝世間解無上士調御丈夫天人師佛世尊於是彼者到一切功德彼岸世尊者得世稱譽故名世尊復得妙法故名世尊復得供養故名世尊得福具足故名世尊道法之主故名世尊以是因故得名世尊以彼因故受供養名阿羅漢殺煩惱怨名阿羅漢折生

死輪輻名阿羅漢正遍知者以一切行正知一切諸法名正遍覺復殺無明名正遍覺以獨覺無上菩提名正遍覺明行足者明者三明宿命智明衆生生死智明漏盡智明世尊以宿命智明斷殺過去無明以衆生生死智明斷殺未來無明以漏盡智明斷殺現在無明已斷殺過去無明故以一切行一切過去法世尊應念即現已斷殺未來無明故以一切行一切未來法世尊應念即現已斷殺現在無明故以一切行一切現在法世尊應念即現行者戒定足具戒者謂一切善法處故言明行足者謂一切神通處故名明行足具者謂一切定於是世尊以一切智以三明以行得大慈悲以作世間饒益明得自在以知處故以起論道無人能勝滅諸煩惱以清淨

正行以明具足成世間眼現饒益不饒益故以行具足成世間依作救怖畏以明解脫於第一義已得通達以行成濟渡作世間義於一切事自然無師所行平等得無上寂寂以明行足世尊成就此謂明行具足善逝者到善路故名曰善逝不復更來到於醍醐界無爲涅槃故名善逝復說法不顛倒故名善逝復說法不僻故名善逝復說法無過患故名善逝復說法不多不少故名善逝世間解者世間有二種謂衆生世間行世間世尊以一切行知衆生世間以知衆生種種欲樂以根差別以宿命以天眼以從去來以和合以成就以種種可化以種種堪不堪以種種生以種種趣以種種地以種種業以種種煩惱以種種果報以種種善惡以種種縛解以如是

隨七

十一

等行世尊悉知衆生世間復說行世間者世尊亦知以一切業亦知諸行以定相以隨其自相因緣善不善無記以種種陰以種種界以種種入以智明了以無常苦無我以生不生如是等行世尊悉知世間諸行此謂世間解無上者世無有上此謂無上復次無人與等復次最勝無比餘不能過故名無上調御丈夫者有三種人或聞法即悟或說因緣或說宿命世尊御八解脫道調伏衆生故名調御丈夫天人師者世尊能度天人從生老死怖畏園林故名天人師復次教誡見思惟道名天人師如是以此門以此行當念如來復次如本師說以四種行修念世尊本昔因緣以起自身以得勝法以作世間饒益從初所願乃至最後生於此中間久遠之時二十阿

僧祇劫一百千億觀凡夫根念根所初慈哀
世間我已得脫當令彼脫我已得調當令彼
調我已得安當令彼安我已入涅槃當令彼
得入涅槃施戒出忍諦受持慈捨精進智慧
皆令滿足爲得菩提世尊爲菩薩時說本生
因緣作兔子身常行布施當念可護生戒摩
訶瞿頻陀生當念出離生忍辱生當念忍普
明生當念實語當念啞謦生當念受持當念
帝釋慈悲當念毛豎捨當念商主正真當念
藥生當念長壽生遂父語當念六牙白象恭
敬仙人當念白馬生往羅刹國度諸衆生當
念鹿生護彼壽命捨自壽命當念猴生令得
解脫所屬大苦復次當念猴生見人落坑以
慈心拔出設樹根果以爲供養彼人樂肉以
破我頭以慈悲說法語其善道如是以衆願

隨七

十二

門當念世尊本生功德云何當念世尊自拔
身功德世尊有如是等本生具足爲年少時
斷一切居止著斷兒婦父母親友著以捨難
捨獨往空閑無所有處欲求無爲泥洹寂滅
於摩伽陀國波尼連禪河坐菩提樹降伏魔
王及諸鬼兵於初夜時自憶宿命於中夜分
修得天眼於後夜中知苦斷集得證醍醐界
修行八正道分作證漏盡得菩提覺從於世
間拔出自身住第一清淨漏盡之地如是以
衆行門當念世尊自拔身功德云何當念世
尊得勝法功德如是世尊有解脫心解脫以
如來十力以十四佛智慧以十八佛法已與
不一禪法成就到自在彼岸當念云何世尊
成就十力如來知是處非處如實而知如來
知過去未來現在善業因緣以戒以因若果

報等如實而知如來知至一切處具足如實而知如來知不以一戒種種戒世間如實而知如來知衆生種種欲樂如實而知如來知衆生種種諸根如實而知如來知禪解脫定正受有煩惱無煩惱如實而知如來知宿命如實而知如來知衆生生死如實而知如來知漏盡如實而知以此十力世尊成就云何世尊成就十四佛智慧謂苦智集智滅智道智義辯智法辯智辭辯智樂說辯智諸根智衆生欲樂煩惱使智雙變智大慈悲定智一切智不障礙智以此十四智世尊成就云何世尊成就十八法於過去佛智不障礙未來佛智不障礙現在佛智不障礙隨於佛智遍起身業隨於佛智遍起口業隨於佛智遍起意業以此六法世尊成就欲無退精進無退

念無退定無退慧無退解脫無退以此十二法世尊成就無可疑事無誣師事無不分明無有急事無隱覆處無不觀捨無可疑事者無有威儀爲於狡獪誣師事者無急速威儀無不分明者以知無不觸無急事者無威儀以急事無隱覆者心行無有非不憶智無不觀捨者無有不知捨以此十八佛法世尊成就復次世尊以四無畏以四念處以四正勤以四如意足以五根以五力以六神通以七菩提分以八聖道分以八除入以八解脫以九次第定以十聖居止以十漏盡力以餘不一善法世尊成就到自在彼岸如是以此門以此行當念世尊得勝法功德云何當念世尊作饒益世間功德世尊成就一切行到一切功德彼岸爲慈悲衆生所轉法輪世間所

不能轉以密護無內外開醞酏門已作無量
天人於沙門果無量衆生得功德分能令功
德具足以三種變身變說變教變令世間信
已伏邪見諸相呪師已覆惡道已開善趣已
往天上得解脫果已安聲聞住聲聞法已制
諸戒已說波羅提木叉已得勝利養得佛勝
法已得自在遍滿世間一切衆生恭敬尊重
乃至天人皆悉聞知安住不動慈悲世間饒
益世間所作世尊已作以此門此行當念世
尊已作世間饒益功德彼坐禪人以此門此
行以此功德現念如來其心成信以信自在
以念自在心常不亂若心不亂滅蓋禪分起
內行禪成住問何故念佛起內行非安答佛
功德者於第一義深智行處第一義事於深
智行處心不得安以細微故復次當念不一

功德若坐禪人憶念不一功德心種種緣作
意共起心成不安是相爲一切外行行處問
若念不一功德心既不一外行禪不當成若
專一心外行禪成住答若念如來功德及念
佛成一心是故無過復說以念佛四禪亦起

念佛
已竟

問云何念法何修何相何味何處云何修行
答法者謂泥洹及修行至泥洹云何泥洹滅
一切行出離一切煩惱滅愛無染寂滅此謂
泥洹云何修行至泥洹謂四念處四正勤四
如意足五根五力七覺支八正道分此謂修
行至泥洹念法出離功德乘功德彼念隨念
正念此謂念法彼心住不亂此謂修起功德
法爲相擇法爲味解義爲處念佛功德等云
何修者初坐禪人入寂寂坐攝一切心以不

亂心念法者善說世尊法現證無時節來見乘無時節來見乘相應智慧人現證可知善說世尊法者離兩邊故名爲善說不異故名爲善說不謬故三種善故名善說滿清淨故名善說今現泥洹及修行至泥洹故名善說現證者次第得道果故名現證作證泥洹及道果故爲現證無時節者不異時得果故名現證來見者汝來我處見我善法性堪教他是名來見乘相應者若人受降伏成入醍醐界名爲乘相應向沙門果名乘相應智慧人現證可知者若人受降伏不受他教起於滅智無生智解脫智是名智慧現證以餘行當念法者是眼是智是安樂是醍醐乘門是出離是方便是至滅是至醍醐無有墮落是醍醐無爲寂寂微妙非相師所行是妙智人所

知濟渡彼岸是歸依處彼坐禪人以此門以此行以此功德現念於法其心成信由其信念心住不亂以不亂心滅於諸蓋禪分得起外行禪成住餘如初廣說念法已竟問云何念僧何相何味何處何功德云何爲修答僧者聖人和合此謂爲僧現念僧修行功德彼念隨念正念此謂念僧彼念住不亂此謂修今起僧功德爲相心恭敬爲味歡喜和合功德爲處念佛功德等云何修者初坐禪人入寂寂坐攝一切心不亂心念想善能修行世尊沙門衆隨從軟善世尊沙門衆隨從如法世尊聖衆隨從和合世尊聖衆所謂四雙八輩世尊沙門衆堪可恭敬供養堪可合掌無上世間福田於是善修行世尊沙門衆者隨從善說法故名修行隨從爲自他饒

益故名修行隨從至已具足故名修行隨從
無怨具足故名修行隨從離二邊中具足故
名修行隨從離幻諂故名軟善離身口邪曲
惡故名軟善隨從如者八正聖道彼隨從故
名如隨從復次如者謂泥洹爲隨從得泥洹
故如修行世尊所說四聖諦隨從如智故名
如修行隨從和合者隨從沙門和合具足故
名隨從和合若如是隨從作和合事成大果
大功德如是隨從故名隨從和合四雙八輩
者住須陀洹道及住其果故爲一雙住斯陀
舍道及住其果故爲一雙住阿那含道及住
其果故爲一雙住阿羅漢道及住其果故爲
一雙此謂四雙者彼住道及道果故名四雙
八輩者四向四果此謂八輩沙門者從聞成
就故名沙門僧者聖和合衆可請可供養可

階七

十七

施可恭敬無上世間福田可請者堪受請名
爲可請可供養者於衆施成大果堪受供養
可施者若於衆施得大果報名可施可恭敬
者堪受恭敬事名可恭敬無上者最多功德
故名無上世間福田者是衆生功德處故多
世間福田以餘行當念衆生是勝衆真實衆
是名醍醐戒具足定具足慧具足解脫具足
解脫知見具足彼坐禪人以此門以此行以
現念衆功德如是現念衆功德其心成信由
於信念心成不亂以不亂心能滅諸蓋禪分
得起外禪成住餘如初廣說念僧已竟
問云何念戒何修何相何味何處何功德云
何修行答以功德念清淨戒彼念隨念正念
此謂念戒念戒住不亂此謂修今起戒功德
爲相見過患怖爲味歡喜無過樂是處若人

修行念戒成得十三功德成尊重師重法重
僧重戒學重供養重不放逸於細微過患常
見憂怖護自身亦護他從此世怖畏解脫彼
世怖畏解脫多歡喜可愛一切戒功德是念
戒功德云何修行者初坐禪人入寂寂坐攝
一切心不亂心念自身戒無偏無穿無點無
垢無雜自在智慧所歎無所觸令起定若無
偏是無穿若無穿是不點如是一切可知復
次若滿清淨戒是善法住處故名不偏不穿
作性稱譽故名無點無垢以斷愛故名爲自
在聖所樂故無有過患智慧所歎離戒盜故
名無所觸成不退處故令起定以餘行當念
戒名戒者是樂無過患是性可貴以財物自
在如先所說戒功德如是廣說可知彼坐禪
人以此門以此行以此功德現念戒由信念

皆七

十八

心不亂以不亂心滅於諸蓋禪分成起外行
禪成住餘如初廣說念戒已竟
問云何念施何修何相何味何處何功德云
何爲修答施者爲利他故樂饒益他爲他人
得捨自財物此謂施以念施功德現念捨彼
念隨念正念此謂念施彼念住不亂此謂修
令起施功德爲相不畜爲味不慳爲處若人
修行念施成得十功德如是施隨樂無慳無
貪意爲多人念善取他意於衆不畏多歡喜
慈悲心向善趣向醍醐云何修行者初坐禪
人入寂寂坐攝一切心不亂心自念施以所
捨物我有利我善得利世人爲慳垢所牽我
住無慳垢心手常施與常樂行施常供給常
分布彼坐禪人以此門以此行以此功德現
念施彼心成信由信由念故心常不亂以不

解脫道論卷第七

階八

羅漢優波底沙造

梁扶南三藏僧伽婆羅譯

行門品第八之四

問曰云何念安般何修何相何味何處何功

德云何修行答曰安者入般者出於出入相

階八

彼念隨念正念此謂念安般心住不亂此謂
修念令起安般想爲相觸思惟爲味斷覺爲
處何功德者若人修行念安般成寂寂成勝
妙成莊嚴可愛自娛樂若數數起惡不善法
令除滅身成不懈怠眼亦不懈怠身成不動
不搖心成不動不搖令滿四念處令滿七覺
意令滿解脫世尊所歎聖所住止梵所住止
如來所住止云何修者初坐禪人若往阿蘭
若若往樹下若往寂寂處結跏趺坐正身在

前彼坐禪人念入息念出息若長出息我息
長出如是知之若長息入我長息入如是知
之若息短入我息短入如是知之若短息出
我短息出如是知之我入息如是覺我出息
如是覺知喜知樂知心所行令滅心行令歡
喜心令教化心令解脫心見無常見無欲見
滅見出離如是覺見出離我息出如是覺見
出離我息出如是於是現前令學安者謂繫
念住於鼻端或於口脣是出入息所緣處彼
坐禪人以安念此處入息出息於鼻端口脣
以念觀觸或現念令息入現念令息出現於
息入時不作意於出時亦不作意是出入息
所觸鼻端口脣以念觀知所觸現念令入現
念出息如人解材以緣鋸力亦不作意鋸去
來想如是坐禪人於入出息亦不作意入出

息想所觸鼻端口脣以念觀知現念令入息
現念令出息若坐禪人於出入息作意內外
其心成亂若心起亂其身及心成懈怠動搖
此是過患若最長息若最短息不應作意若
作處最長最短息其身及心皆成懈怠動搖
此是過患由出入息種種相故不應作著若
如是作心餘緣成亂若心亂其身及心皆成
懈怠動搖如是過患無邊起出入息以無邊
觸故應作想如是心不亂若心遲緩若心利
疾不當精進若作遲緩精進成懈怠睡眠若
作利疾精進成起調若坐禪人若與懈怠睡
眠共起若與調共起其身及心成懈怠成動
搖此是過患彼坐禪人以九小煩惱清淨心
現念入息彼相得起名相者如抽綿抽古貝
觸身成樂觸如涼風觸身成樂觸如是入出

息風觸鼻口脣念作風想不由形色此謂相
若坐禪人以修多修相成增長若鼻端增長
於眉間於額成多處住成滿頭風從此增長
滿身猗樂此謂具足復有坐禪人從初見異
相如煙如霧如塵如碎金猶如針刺如蟻所
啗見種種色若坐禪人心不明瞭於彼異相
心作異想成顛倒不成出入息想若明了坐
禪人不作異意念現入息念現出息雖作
餘想若如是作意異相即滅是坐禪人得微
妙相心不放逸念現入息念現出息彼相自
在以相自在欲起修行由欲自在念現入息
念現出息起喜已喜自在已欲自在念現入
息念現出息起捨於彼已捨自在已欲自在
已喜自在念現入息念現出息其心不亂若
心不亂諸蓋滅禪分起此坐禪人已得寂滅

勝四禪定如初廣說復次先師說四種修念
安般所謂筭隨逐安置隨觀問曰云何名筭
答曰初坐禪人從初出息及至入息從一至
十過十不算復說從一至五過五不算不令
意誤是時當筭乃至離筭從入出息事念住
此謂名筭名隨逐者攝筭以念無間逐出入
息此謂隨逐名安置者或鼻端或於脣是入
出息所觸處於彼作風想令念住此謂安置
名隨觀者由觸自在當隨觀相於此所起喜
樂等法應當隨觀此謂隨觀彼筭爲覺滅令
得出離覺隨逐者爲滅麤覺於出入息作念
無間安置者爲斷於亂作不動想隨觀者爲
受持想爲知勝法若長入息若短出息於短
入息如是學之者方便所作過於其性此謂
長性者現智短爲現不愚癡事問曰云何不

愚癡事答曰初坐禪人得身心倚以入出息
念現作住其出入息成細出入息細故成不
可取時坐禪人若長息隨觀作長乃至相起
住若相已起住以性應作意此謂不愚癡復
次當爲心消息有時作長有時作短如是當
修復次坐禪人以事令分明相起是事當修
知一切身我入息如是學者以二禪行知一
切身不愚癡知以事故問曰云何無愚癡知
一切身答曰若坐禪人念安般定身心喜樂
觸成滿由喜樂觸滿一切身成不愚癡問曰
云何以事知一切身答曰出入息者所謂一
處住色身出入息事心心數法名身比色身
名身此謂一切身彼坐禪人如是以見知一
切身雖有身無衆生無命如是學者謂三學
一增上戒學二增上心學三增上慧學如實

戒此謂增上戒學如實定此謂增上心學如實慧此謂增上慧學彼坐禪人此三學於彼事以念作意學之修已多修此謂學之令滅身行我入息如是學云何名身行者此謂出入息以如是身行曲伸形隨神動踊振搖如是於身行現今寂滅復次於麤身行現今寂滅以細身行修行初禪從彼以最細修第二禪從彼最細修行學第三禪令滅無餘修第四禪問曰若無餘滅出入息云何修行念安般答曰善取初相故以滅出入息其相得起成修行相何以故諸禪相知喜爲事知我入息如是學者彼念現入息念現出息於二禪處起喜彼喜以二行成知以不愚癡故以事故於是坐禪人入定成知喜以不愚癡以觀故以對治故以事故成知樂我入息如是學

者彼現念入息現念出息於三禪處起樂彼樂以二行成知以不愚癡故以事故如初所說知心行我息入如是學者說心行是謂想受於四禪處起彼彼心行以二行成知以不愚癡故以事故以如初說令寂滅心行我息入如是學者說心行是謂想受於麤心行令寂滅學之如初所說知心我入息如是學者彼現念入息現念出息其心入出事以二行成知以不愚癡以事故如初所說令歡喜心我入息如是學者說令歡喜說喜於二禪處以喜令心踊躍學之如初所說令教化心我入息如是學者彼坐禪人現念入息現念出息以念以作意彼心於事令住令專一心教化以彼心住學之令解脫心我入出息如是學者彼坐禪人現念入息現念出息若心

遲緩從懈怠令解脫若心利疾從調令解脫
學之若心高從染令解脫學之若心下從瞋
恚令解脫學之若心穢污從小煩惱令解脫
學之復次於事若心不著樂令著學之常見
無常我入息如是學者彼現念入息現念出
息其入出息及入出息事心心數法見其滅
生滅學之常見無欲我入息如是學者現念
入息現念出息彼無常法彼法無欲是泥洹
入息學之常見滅我入息如是學者彼無常
法如實見其過患彼我滅是泥洹以寂寂見
學之常見出離我入息如是學者彼無常法
如實見其過患於彼過患現捨居止寂滅泥
洹使心安樂學之如是寂寂如是妙所謂一
切行寂寂一切煩惱出離憂滅無欲寂寂泥
洹於此十六處初十二處成沙摩他毗婆舍

六

那見初無常後四處唯成毗婆舍那如是以
沙摩他毗婆舍那可知復次彼一切四種謂
如是修令起觀具足有時見現念入息現念
出息此謂修知長短令滅身行令滅心行令
心歡喜令教化心令解脫心此謂令起知一
切身知樂知心所行知心者此謂觀具足常
見無常所初四行此謂有時見復次修者以
念安般受持地是修是安般念受持地是受
持是有學彼有覺有觀有觀地知喜者是二
禪地知樂者是第三禪地知心者是第四禪
地復次彼一切成二種謂修及滿於是修行
唯彼名滿者十六行不滅修者如種功德因
故名滿者猶如花果從相似出故若如是修
行念安般成滿四念處修四念處滿七菩提
分修七菩提分滿明解脫問曰云何得如此

答曰長出入息所初四處成身念處知起所
初成受念處知心所初成心念處見無常所
初成法念處如是修念安般成滿四念處云
何以修四念處成滿七菩提分修念處時於
念成住不愚癡此謂念覺分彼坐禪人如是
念住知擇苦無常行此謂擇法菩提分如是
現擇法行精進不遲緩此謂精進覺分由行
精進起喜無煩惱此謂喜覺分由歡喜心其
身及心成猗是謂猗覺分由身猗有樂其心
成定此謂定覺分如是定心成捨此謂捨覺
分以修四念處成滿七菩提覺分云何以修
七菩提覺分成滿明解脫如是多修行七覺
分於剎那道成明滿於剎那果成解脫滿如
是修七菩提分成明解脫滿問曰一切諸行
由地成有覺無覺如是念安般何故說唯念

安般爲除覺不說餘耶答曰不依如此說覺
不住者是禪障礙是故除覺依此義說何故
於風樂觸由樂心著如覺乾闥婆聞聲隨著
是故斷覺復次如行堤塘以心專念猗不動
故是故說念安般爲除覺念安般已竟
問曰云何念死何修何相何味何處何功德
云何修答曰壽命行斷此謂爲死彼念住不
亂此謂爲修自壽命斷爲相猒患爲味無難
爲處何功德者若修行念死於上善法成不
放逸成憎不善法於諸服飾不多受畜心不
慳吝見身壽命心不貪著作無常想苦想無
我想皆令成滿成向善趣向於醍醐臨命將
終心不謬誤云何修行初坐禪人入寂寂坐
攝一切心以不亂心念衆生死我入死法向
於死趣不過死法如涅槃底履波陀修多羅中

說若人樂觀死當觀被殺人見死因緣於是念死有四種憂相應驚相應中人相應智相應如喪愛子心生緣念此謂憂相應悲念童子卒暴命終此謂驚相應念如閻維人念離生故此謂中相應念常觀世間心生厭患此謂智相應念於是坐禪人憂相應驚相應中相應不應修行何以故不能除過患唯智相應勤修行能除過患死者有三種等死斷死念念死云何名等死依假衆生此謂等死名斷死者謂阿羅漢煩惱已斷名念念死者諸行念念滅復次死有二種不時節死時節死或自殺或他殺或以病或無因緣中間死此謂不時節死或壽命盡乃至老死此謂時節死應念此二種死復次以八行先師所說修念死如兇惡人逐以無因緣以本取以身多

屬以壽命無力故以久遠分別以無相故以剎那故問曰云何以兇惡逐修行念死答曰如被殺人將往殺處以兇惡人拔刀隨逐彼見兇惡人拔刀隨後如是思惟此人殺我何時我當死我行一一步於何步當死我去必死我住必死我坐必死我眠必死如是坐禪人以兇惡人逐故當修念死問曰云何以無因緣故修念死答曰無因緣無方便以生能念令不死如日月出無因緣無方便能令不沒如是無因緣故修念死問曰云何以本取故修念死答曰彼先多財王大乘王大神力大善見王頂生王等彼一切王皆入死法復次先仙人大神通大神力毗沙蜜多闍摩達梨仙人身出水火復入死法復次先聲聞有大智慧有大神通有大神力舍利弗目捷連

等彼入死法復次諸緣覺人自生無師一切功德成就亦入死法復次諸如來應供正覺無量無上明行具足到功德彼岸亦入死法何況於我少時壽命不當入死法如是以先取故修念死問曰云何以身多屬故修念死答曰以風痰和合成於死法或諸蟲種和合或飲食不調成入死法或毒蛇蜈蚣射蚰蜒鼠啣成入死法或師子虎豹龍牛等兌成入死法或人非人所殺成入死法此身如是多所屬故修念死法問曰云何以壽無力故修念死以二行以壽命無力故修於念死處無力故依無力故成壽命無力問曰云何處無力故壽命無力答曰此身無自性如水泡喻如芭蕉喻如水沫喻無有真實離真實故如是處無力故成壽命無力問曰云何依無力

故成壽命無力答曰此名出入息所縛四大所縛飲食所縛四威儀所縛暖所縛如是依無力故成壽命無力如是以此二行以壽命無力故修念於死問曰云何以遠分別修念死答曰從於久遠一切已生於現在世不過百年皆入死法所謂久遠分別故修念死復次當修我於日夜詎能得活日夜思惟世尊諸法我得大恩如是一日我詎能活或復半日我詎能活或復少時我詎能活或一食時或半食時我詎能活或四五搏我詎能活或入息時我詎能活階八至出息時我詎能活十至入息時以久遠分別故修念死問曰云何以無相故修念於死答曰以無有相死無有時以無相故修念於死問曰云何以剎那故修死念答曰以不數過去未來但數現在緣

衆生壽命於一念時住從彼無二念住一切衆生於剎那心沒如阿毗曇中說於過去心無已生無當生無現生於未來心無已生無現生無當生於現在心剎那無已生無當生有現生復如說偈

壽命及身性 苦樂及所有 與一心相應
剎那速生起 於未生無生 於現在有生
心斷故世死 已說世盡故

如是以剎那故修念死彼坐禪人以此門以此行如是現修念死起其厭患由厭患自在以念自在成心不亂若心不亂諸蓋滅禪分成起外行禪得住問曰無常想念死此二何差別答曰陰生滅事名無常想念諸根壞名爲念死以修無常相無我相爲除憍慢以修念死無常相及苦相成住以壽命斷心滅此

附八

十一

謂差別念死已竟

問曰云何念身何修何相何味何功德云何修答修念身性彼念隨念正念此謂身念住不亂此謂修令起身性爲相厭患爲味見無實爲起何功德者以修念身成堪耐堪受怖畏堪任寒熱等無常想無我想不淨想過患想彼想成滿成隨意得四禪以分明諸法修令滿足向於善趣向於醍醐云何修者初坐禪人入寂寂坐攝一切心不亂心唯修心性云何修心性所謂此身髮毛爪齒皮肉筋骨髓腦肝心脾肺膽胃肪膏腦膜大腸小腸屎尿膿血痰汗涎淚涕唾不淨初坐禪人於此三十二行初次第上以次第下善哉以口語言應常說常觀善哉以常觀口諸語言是時以一一四行唯以心當覺以色以行以形以

處以分別所起麤相或一或二或多善取相應彼坐禪人如是以三種覺成起以色以猒以空若坐禪人以色起相彼坐禪人由色一切入自在應作意若坐禪人以猒起相彼坐禪人以不淨應作意若坐禪人以空起相彼坐禪人以界應作意若坐禪人依一切入起於四禪若坐禪人依不淨事起初禪若坐禪人依界事起外行禪於是瞋恚行人以色起相貪欲行人以猒起相慧行人以界起相復次瞋恚行人以色當作意貪欲行人以猒當作意慧行人以界當作意復次以十三行當念身性如是以種以處以緣以流以次第以形以蟲種以安處以聚以憎以不淨以處以不知恩以有邊問云何以種當念身性答如毒種所生茱萸拘沙多紀等一切生如是此

身從父母不淨生不淨種生此身成不淨如是以種當念心性問曰云何以處當念身性答此身不從鬱多羅花生非拘牟陀分陀利迦花生於母腹生不淨臭穢迫近處生從生熟兩藏生從左右脇胞囊所纏依脊骨住是處不淨身成不淨如是以處當念身性問云何以緣當念身性答此不淨身若增長住不以金銀珠等能得增長復不以栴檀多伽羅沉香等緣能得增長此身從母腹生母所食噉涕垂涎痰相雜母胎所生臭食流液得增長住從如是出其所噉食飯乳粹豆涕垂涎痰共相和雜此身以臭不淨流得增長住如是以緣當念身自性問云何以流當念身自性答如皮囊盛滿屎尿以多穿故不淨流出此身亦然盛滿屎尿如是此身所嘗飲食及

雜涕唾屎尿臭穢種種不淨從九孔流溢以
多穿故不成滿故如是以流應念身自性問
云何以次第形當念身自性答此身以初業
次第立於初七日成迦羅羅二七日成阿浮
陀三七日成俾尸四七日成啊那五七日成
五節六七日成四節七七日復生四節八七
日復生二十八節九七日及十七日復生脊
骨十一十日復生三百骨十二七日復生八
百節十三七日復生九百筋十四七日復生
百肉九十五七日復生血十六七日生膜十
七七日生皮十八七日成皮色十九七日業
所生風遍處處二十四七日成九竅二十五
七日生一萬七千腠二十六七日成堅身二
十七七日有力二十八七日生九萬九千毛
孔二十九七日成一切身分具足

復說七七日有體依母背下頭蹲踞坐四十
二七日以業所生風轉脚向上頭向下向產
門此時生世說假名人如是以次第形當念
身性

問云何以蟲種當念身性答此身入萬尸蟲
之所食噉依髮之蟲名髮鐵依髑髏蟲名耳
種依腦之蟲名顛狂下顛狂復有四種一名
堀拘霖婆二名濕婆羅三名陀羅呵四名陀
呵尸邏依目之蟲名舐眼依耳之蟲名舐耳
依鼻之蟲名舐鼻復有三種一名樓扣母呵
二名阿樓扣三名摩那樓母可依舌之蟲名
勿伽依舌根蟲名母但多依齒之蟲名狗婆
依齒根之蟲名優婆狗婆依喉之蟲名阿婆
離呵依頸之蟲有二種一名虜呵羅二名毗
虜呵羅依毛之蟲名舐毛依爪之蟲名舐爪

依皮之蟲有二種一名兜那二名兜難多依
膜之蟲復有二種一名鞞藍婆二名摩訶鞞
藍婆依肉之蟲復有二種一名阿羅婆二名
羅婆婆依血之蟲復有二種一名婆羅二名
婆多羅依筋之蟲復有四種一名賴多虜二
名喜多婆^{階八}三名婆羅婆多羅^{十四}四名羅那婆羅
那依脉之蟲名寄栗俠那依脉根之蟲復有
二種一名尸婆羅二名優婆尸婆羅依骨之
蟲復有四種一名過禰^{湯里切}毗馱二名安那
毗馱三名殆^{塗履切}履陀毗陀四名過禰絙可
羅依髓之蟲復有二種一名弭^{忙比切}社二名
弭社尸羅依脾之蟲復有二種一名尼羅二
名比多依心之蟲復有二種一名死毗多二
名優鉢陀死毗多依心根之蟲復有二種一
名滿可二名尸羅依肪之蟲復有二種一名

寄羅二名寄羅尸羅依膀胱之蟲復有二種
一名弭寄羅二名摩訶寄羅依膀胱根復有
二種一名寄羅二名寄羅尸羅依胞之蟲復
有二種一名沙婆羅二名摩訶沙婆羅依胞
根之蟲復有二種一名賴多二名摩訶賴多
依小腸之蟲復有二種一名帚賴多二名摩
訶賴多依腸根之蟲復有二種一名波二名
摩訶死波依大腸根蟲復有二種一名安那
婆呵二名博果婆呵依胃之蟲復有四種一
名優受寄二名優社婆三名知社婆四名先
市婆依熟藏^{階八}之蟲復有四種^{十五}一名婆呵那二
名摩訶婆呵那三名陀那盤四名粉那母可
依膽之蟲名必多離訶依唾之蟲名纖呵依
汗之蟲名髓陀離訶依脂之蟲名弭陀離訶
依彊之蟲復有二種一名藪婆呵母二名社

摩契多依彊根蟲復有三種一名處呵母珂
二名阿虜呵母珂三名婆那母珂有五種蟲
依於身前食於身前依於身後食於身後依
於身左食於身左依於身右食於身右蟲名
梅陀死羅屑呵死羅不倫羅等依下二孔有
三種蟲一名拘樓拘羅唯喻二名遮羅喻三
名寒頭波陀如是以蟲居止當念身性云何
以安當念身自性於足骨脛骨安住脛骨於
胫骨安住胫骨於髌骨安住髌骨於脊骨安
住脊骨於胛骨安住胛骨於臂骨安住臂骨
於項骨安住項骨於頭骨安住頭骨於頰骨
安住頰骨於齒骨安住如是此身骨節纏裹
以皮覆上成此穢身從行業生非餘能造如
是以安當念身自性云何以聚當念身自性
九頭骨兩頰骨三十二齒骨七項骨十四胛

骨二十四脇骨十八脊骨兩髌骨六十四手
骨六十四足骨依肉六十四軟骨此三百骨
八百節九百筋纏九百肉九一萬七千腠八
百萬髮九萬九千毛六十間八萬蟲種膽唾
腦各一波賴他梁言重四兩血一阿牠梁言
以三斗如是等不可稱計種種形唯是屎聚
屎集名身如是二聚當念身自性云何以憎
當念身自性彼所重物第一清淨所愛服飾
如是花香塗身衣服莊嚴眠坐隱囊枕褥氈
氍毹毼牀帳卧具等種種飲食住止供養心
生愛重後成憎惡如是^{階八}以憎惡當念身自性^{十六}
云何以不清淨當念身自性如是衣物種種
服飾已不淨潔可更浣治還得清淨何故以
性清淨故此身不淨不能令淨復次以香塗
身以香水洗浴不能令淨何以故性不淨故

如是以不清淨當念身自性云何以處當念身自性如花依花池生如果依果處生如是此身從種種煩惱疾患故生如是眼痛耳痛鼻痛舌痛身痛頭痛口痛齒痛患味急氣寒熱腸痛心悶癇狂風病霍亂癩癰吐血癰瘡疥癩淋秘寒病等此身有無邊過患如是以處當念身自性云何以不知思當念身自性其人雖復料理自身以最勝飲食或洗浴摩香眠坐衣被以自莊嚴此毒樹身返不知思向老向病向死如親友不知思如是以不知思當念身自性云何以有邊當念身自性此身或可閹維或可噉食或可破壞或可磨滅此身有邊如是以有邊當念身自性彼坐禪人以此門以此行以自性當念此身以念自在以慧自在成不亂心若不亂心諸蓋滅禪

卷八

十七

分起隨其所樂成得勝念身已竟問云何念寂寂何修何相何味何處何功德云何修答寂寂者滅身心動亂已伏斷故此謂寂寂現念寂寂彼念隨念正念此謂念寂寂以念住不亂此謂修令起不動功德為相不調為味妙解脫為處何功德者若修行念寂寂成安眠安覺成寂寂心諸根寂寂心願具足成可愛慚愧具足常為人所貴重向善趣向醍醐云何修彼者初坐禪人入寂寂坐攝一切心不起亂心如彼比丘諸根寂寂心寂寂樂一處寂寂以相應住彼比丘以身口意若見若聞以寂寂念以寂寂功德如世尊所說彼比丘戒具足定具足慧具足解脫具足解脫知見具足若比丘得見彼比丘我說彼大得大恩若聞彼比丘我說大恩若往彼

我說大恩若往彼說我大恩若親供養彼若
念彼若隨出家我說彼大得恩何故如是等
諸比丘聞其說法得二離憤鬧所謂身離憤
鬧心離憤鬧彼比丘入初禪以寂寂念諸蓋
滅若入第二禪念彼覺觀滅若入第三禪念
彼喜滅若入第四禪念彼樂滅若入虛空定
念色想瞋恚想種種想滅若入識定念彼虛
空滅若入無所有定念彼識入想滅若入非
想非非想定念彼無所有想滅若入想受滅
念彼想受滅若得須陀洹果念見一處煩惱
滅若得斯陀洹果念麤婬欲瞋恚煩惱滅若
得阿那含果念細煩惱婬欲瞋恚滅若得阿
羅漢果念彼一切煩惱滅若入泥洹以寂寂
念一切皆滅彼坐禪人以此門以此行如是
以功德念寂寂彼心成信以信自在以念自

十八

十八

在心成不亂若不亂心諸蓋滅禪分起外行
禪成住念寂寂已竟已十念
於十念處此散句若念過去未來佛功德此
謂修念佛如是念緣覺功德若念善說一法
是謂修念法若念一聲聞修行功德此謂修
念僧念彼戒此謂修念戒念彼施此謂修念
施若欲樂念施施於有功德人當取受相若
有人受施未施乃至一搏悉不應食念天者
成就信有五法當修念天散句
已竟

音釋

數數並色角 鋸居御切 額鄂格切 齒五巧切
閨他達切 堤塘堤都奚切 岸防也 捷乾音 詎許
也豈切 髓息委切 腦乃老切 脾頻眉切 肺芳吠切
膽觀敢切 胃于貴切 肪敷房切 膜音莫
肝膽也 胃穀府也 肪脂也 膜膜也

解脫道論卷第八

階九

羅漢優波底沙造

梁扶南三藏僧伽婆羅譯

行門品第八之五

問云何慈何修何相何味何起何功德云何
修行答如父母唯有一子情所愛念見子起
慈起饒益心如是於一切衆生慈心饒益心
此謂慈彼修住不亂此謂修令趣饒益爲相
愛念爲味無瞋恚爲起若修行慈成得十一
功德安眠安覺不見惡夢爲人所愛念爲非
人所愛念諸天守護火毒刀仗不加其身使
心得速定面色悅澤命終不亂若未得勝法
生梵世云何修行初坐禪人樂修行慈初觀
忿恨過患及忍辱功德心應受持忍辱云何
當觀忿恨過患若人初起忿恨焚燒慈心令

其心濁從此增長面目顰蹙從此增長口說
惡語從此增長觀於四方從此增長手捉刀
仗從此增長瞋忿吐血從此增長散擲財物
從此增長打壞諸物從此增長或殺他或自
殺復次若人恒忿恨或殺父母或殺阿羅漢
或破僧或惡心出佛身血如是作可畏事如
是當觀復次如是當觀我名聲聞者不斷忿
恨誠可羞慙我憶鋸喻脩多羅中所說我樂
善法若我令忿恨增長誠可憎惡如人樂浴
還入不淨我自多聞若未伏忿恨人所棄薄
猶如醫師還自霍亂我爲世所貴若我不除
忿恨人所棄薄猶如畫甕內盛不淨而不覆
蔽若人有智慧而猶起忿恨如人故食雜毒
何以故從此忿恨最可棄薄成苦果報如人
爲毒蛇所齧自有毒藥而不肯服彼人可知

樂苦不樂樂如是比丘若忿恨起不速制伏
彼比丘可知樂苦不樂樂何故從此忿恨最
爲可畏復次當觀忿恨忿恨者爲怨家所歎
爲親友慙愧雖有深德復被輕賤本所貴重
翻爲輕易若已得稱譽成被譏毀若求樂成
苦若不動成令動若有眼成盲若聰明成無
智如是當觀忿恨過患問云何觀忍辱功德
答忍辱是力是鎧能護身能除忿恨是稱譽
智人所歎是樂令不退是守護令護一切具
足是曉了令觀諸義是名爲起慙愧復次當
觀我已剃頭唯應忍辱是我所愛我已受國
施以忍辱心令彼施主有大果報我持聖形
飾我此忍辱是作聖行我有瞋恚令無瞋恚
我名聲聞令實名聲聞彼檀越施我雜物以
此忍辱令彼施主得大果報我有信此忍辱

是我信處我有智慧此忍辱是智慧處我有
忿恨毒此忍辱是我却毒藥如是觀忿恨過
患及忍辱功德令心受持我當向忍辱人有
惡罵我當忍辱我當軟無憍慢如是坐禪人
向忍辱樂作自饒益入寂寂處不亂心從初
其身令滿我復樂樂心不耐苦云何我無怨
家無瞋恚樂離諸煩惱闍成就一切功德彼
坐禪人制伏其心作軟心作堪受持心若心
成軟堪受持事從此應修行慈於一切衆生
如其自身若坐禪人修行慈於一切衆生從
初不能修慈於怨家中人惡人無功德人亡
人處起慈彼坐禪人所貴重人爲起慙愧不
爲輕賤不爲所中爲饒益故起慈於彼不起
嫉不瞋恚是彼人處初當修慈初當念其饒
益功德貴重功德如是以性成就以稱譽成

就以聞成就以戒成就以定成就以慧成就
我所貴重如是以施以愛語以利益以同事
成就是我饒益如是善念所重功德及饒益
功德令起重想及親友想於彼人處當修行
慈當作饒益心常覺觀願無怨心無願瞋恚
成於安樂願離一切鬧願成就一切功德願
得善利願有稱譽願有信願有樂願有戒願
有聞慧願有施願有慧願得安眠願安覺願
不見惡夢願人所愛敬願非人所愛敬願諸
天守護願火毒刀杖等不著身願速得定心
願面色和悅願生中國願值善人願自身具
足願無疾病願得長壽願恒得安樂復次如
是應思惟於彼不善法若未生願令不生若
已生願滅斷彼善法未生願生若已生願增
長復次彼不愛念法願不生若已生願滅彼

可愛念法未生依彼由慈心得信彼坐禪人
以信自在取心以取自在令念住以念自在
以取自在以信自在成不亂心彼現知不亂
以此門以此行於彼人修慈心修已多修彼
坐禪人現知不亂以此門以此行於彼人修
已多修慈心以軟心受持心次第於愛中人
修慈想於所愛人已修慈想次第於中人當
修慈想於中人已修慈想次第於怨家當修
慈想如是於一切衆生猶如自身令滿作分
別若如是修行慈若中人處彼慈不行若坐
禪人暫不起慈當作厭患於我不善不可愛
我樂得善法信心出家我復說言依大師故
饒益衆生起大慈悲於一中人不起慈心何
況於怨家若如是厭患瞋恚不滅彼坐禪人
爲修慈不應精進以餘方便應修行行於彼

人爲除瞋恚問云何方便除瞋恚答與彼應
作周旋應思惟其功德因自業所作負債解
脫親族自身罪過不應作意自現業諸根自
性念滅和合應當觀空應作攝受彼人雖生
瞋恚若有所乞隨宜施與若彼有所施亦隨
宜取與常共善語彼所作事亦當隨從如是
攝受因彼此瞋恚成滅於功德者若見其功
德是功德應思惟不爲非功德如水有草除
草取水若彼無功德應起慈此人無功德當
向惡趣恩者應思惟彼恩若人作不愛敬令
起恩於彼若已作不愛敬應作功德復次已
令滅不善是善趣彼怨成作恩可知自業所
作者是人所作惡法是人所瞋處於彼惡業
當生觀負債解脫者若人罵我害我是初惡
業彼負債解脫我今作證以觀當作觀喜親

階九

五

族者於生死衆生相續是我親族已憶應令
起親族想自身罪過者其作我相彼瞋恚從
我生爲彼得非功德我成相令起自罪過相
不應作意者無瞋恚相不應作意如人不樂
見色閉眼苦者爲自苦無障礙應令起相何
故如愚癡人以慈不正憶自作苦因得心苦
如是現可知於有怨家處從彼應離其處使
不見不聞於處當住諸根自性者取可愛非
可愛境界諸根自性於此我瞋恚因是不正
憶如是當觀念滅者以彼生苦彼得苦此一
切法於一心剎那得滅我何故與彼非瞋處
我當作瞋如是當觀和合者內外不一分和
合故生苦我於一分處不堪作瞋恚心如是
當觀空者是人作苦是人受苦彼第一義不
可得此身因緣所生無衆生無我界聚草聚

等如是當觀是故世尊說偈

於村林中住 諸苦樂所觸 非從自他撓

依煩惱得觸 若無煩惱心 誰能觸細滑

彼坐禪人如是瞋恚滅方便明了於自親友

中人怨家已作分別已得自在心次第起慈

想當修住處種類比丘從彼當修住處僧衆

從彼當修自住處諸天從彼當修自住處衆

生從彼當修自住處外村如是從村至村從

國至國從彼當修一方彼坐禪人以慈心已

令滿一方從彼二方從彼三方從彼四方從

彼四維上下於一切衆生故慈悲一切世間

以慈心最大無量無怨無瞋恚令滿彼坐禪

人如是修行慈以三種令安禪以攝總衆生

以總攝村田以總攝方以一衆生令安慈禪

如是二三衆生乃至衆多於一村田衆生令

清九

六

安慈禪乃至多村於一方作一衆生令安慈

禪如是乃至四方於是若依一衆生修行慈

若其衆生死其事成失以失事不堪起慈是

故應廣修慈心乃至廣行是時成妙修行成

大果成大功德問慈者何根何起何具足何

非具足何事答不貪爲根不瞋恚爲根不癡

爲根欲爲根正作意爲根何起者是根令起

何具足者若慈成就殺除瞋恚除不善愛令

身口意業清淨此謂具足何非具足者以二

因失慈以自朋生怨以不善愛以對治生怨

以起瞋恚此謂非具足何事者於衆生爲事

問不然第一義衆生不可得云何說衆生爲

事答依諸根種於世假說衆生爾時菩薩摩

訶薩修慈流於一切衆生遍滿十波羅蜜問

何故然答菩薩摩訶薩於一切衆生行慈緣

饒益成攝受衆生施於無畏如是滿檀波羅蜜菩薩摩訶薩於一切衆生行慈依饒益於一切衆生成無害不失法用如父於子如是滿戒波羅蜜菩薩摩訶薩於一切衆生行慈依饒益一切衆生成無貪意出離非饒益向階九禪向出家如是滿出波羅蜜菩薩摩訶薩於一切衆生行慈依饒益一切衆生成多思惟饒益非饒益如義說方便明了爲除惡爲得善如是滿般若波羅蜜菩薩摩訶薩於一切衆生行慈依取饒益不捨精進一切時堅精進相應如是滿精進波羅蜜菩薩摩訶薩行慈於一切衆生依饒益彼衆生惡語罵詈成忍辱不忿恨如是是滿忍辱波羅蜜菩薩摩訶薩於一切衆生行慈依饒益於一切衆生說實語於實住受持實如是滿實諦波羅蜜

菩薩摩訶薩於一切衆生行慈依饒益於一切衆生乃至失命誓不捨願成聖受持誓願如是滿受持波羅蜜菩薩摩訶薩於一切衆生以自相饒益滿慈波羅蜜菩薩摩訶薩於一切衆生修慈於親友中人怨家平等心離瞋恚愛如是滿捨波羅蜜如是菩薩摩訶薩修行慈成滿十波羅蜜明慈滿四受持爾時菩薩摩訶薩修慈已滿十波羅蜜成令滿四受持所謂諦受持施受持寂寂受持慧受持於是諦波羅蜜受持波羅蜜精進波羅蜜令滿諦波羅蜜施波羅蜜戒波羅蜜出離波羅蜜令滿施受持忍辱波羅蜜慈波羅蜜捨波羅蜜令滿寂寂受持慧波羅蜜令滿慧受持如是菩薩摩訶薩已修慈遍滿一滿十波羅蜜令滿四受持令滿二法所謂奢摩他毗婆

舍那於是諦受持施受持寂寂受持令滿奢
摩他慧受持令滿毗婆舍那已滿奢摩他令
滿一切禪解脫定正受令起雙變定及大悲
定已滿毗婆舍那令滿一切神通辯力無畏
已滿令起自然智一切智如是菩薩摩訶薩
修行慈次第令滿佛地慈已竟

問云何悲何修何相何味何起何功德云何
爲修答如父母唯有一子心所愛念見子得
苦心起悲惱苦哉如是於一切衆生起慈憐
愍此謂爲悲悲住不亂此謂修不現非饒益
爲相樂爲味不害爲起與慈等功德云何修
者初坐禪人入寂寂坐攝一切心以不亂心
見彼得病得老得貧若見若聞如是作意彼
衆生得苦云何方便從苦當得解脫復次若
見其顛倒爲煩惱纏所縛入於無明或有功

德人而不修學若見若聞如是作意衆生得
苦當生惡趣云何方便從苦得脫復次若見
不善法相應善法不相應以不可愛法相應
可愛法不相應若見若聞如是作意彼衆生
得苦當生惡趣云何方便從苦得脫彼坐禪
人以此門以此行於彼人修行悲心多修行
彼坐禪人以此門以此行於彼人已修悲心
已多修悲心心成和軟堪能受持彼次第修
行於中人從彼修行於怨人餘如初廣說乃
至滿於四方問何悲具足何悲不具足答若
悲成就除於殺害不起憂惱除不善愛以二階九
因緣失悲以自親生怨以憂惱行以對治生
怨以起恐怖問昔者不於一切衆生有不一
切時有云何於一切衆生修於悲答衆生已
得苦善取相故已取彼相成一切處修悲復

次生死之苦一切衆生共有由彼成一切處

修行悲已竟

問云何喜何修何相何味何起何功德云何爲修答猶如父母唯有一子心所愛念見子得樂心生歡喜善哉如是一切衆生心生歡喜此謂爲喜喜住不亂此謂爲修欣悅爲相無怖爲味除無樂爲喜與慈等功德云何爲修者初坐禪人入寂寂坐攝一切心不亂心其人性所敬重見得安樂心生歡喜若見若聞如是作意善哉善哉願彼衆生長得歡喜復次若見與不善法不相應與善法相應與不可愛法不相應與可愛法相應若見若聞如是作意善哉善哉願彼衆生長得歡喜彼坐禪入以此門以此行於彼人修喜心以多修行彼坐禪人以此門以此行於彼人已修

喜心已多修行成和軟心堪能受持從彼次

第彼行於中人從彼修行於怨人餘如初廣

說乃至喜滿四方喜何具足何不具足若喜

成就殺除不樂不起不善愛除綺語以二因

失喜以自親生怨以戲笑起行以對治生怨

以不樂起如初廣說喜已竟

問云何捨何修何相何味何起何功德云何

爲修答猶如父母於一子非可念非不可念

成捨於彼成中心如是於一切衆生捨護中

心此謂捨捨住不亂此謂修無所著爲相平

等爲味伏悲愛爲起與慈等功德階九問云何爲

修答坐禪人從初與慈俱起與悲俱起與喜

俱起已起第三禪彼坐禪人已得第三禪自

在見慈悲喜過患愛悲近故與戲俱起與踊

躍歡喜共起以過患對治見捨功德彼坐禪

人如是已見慈悲喜過患已見捨功德從初於非可愛念非不可愛念人已與捨俱起令心滿足已修多修心成和軟堪能受持彼次第於怨人修行從彼於親友人修行餘如初廣說可知乃至滿四方彼坐禪人如是修行與捨俱起第四禪以三種令安已總攝衆生已總攝村田已總攝諸方問若坐禪人現修行捨於諸衆生云何作意答作意所說於慈悲喜是當作意於諸衆生除作歡喜行歡喜作意樂中如人親友久遠別離初見營待心生喜樂共住已後其心成中如是住慈悲喜人後成捨攝受如是作意修行於捨復有人說衆生衆生者如是作意云何捨具足捨不具足若捨成就殺除瞋愛不起無明以二因失捨以自親生怨以起無明以對治生怨以

皆九

十二

瞋愛起捨已竟

云何無量散句四無量以一衆生事起依餘處修行如母念子隨其時節如是於畜生於犯戒人於具戒人於獸欲人於聲聞人於緣覺於正遍知歸依勝處成勝無量可知問於慈悲喜何故三禪起非第四禪答衆生憂惱所起瞋害不樂彼憂惱以對治與喜俱生心修行慈悲喜是故三禪生非第四禪復次捨地是第四禪以二捨成就故所謂受捨法中捨於捨地住於衆生取饒益成捨由地故是故三無量三禪生非第四禪復說於四無量四禪生如世尊所說於四無量汝比丘當修此定有覺有觀汝當修有覺無觀汝當修無覺無觀汝當修與喜俱生汝當修與樂俱生汝當修與捨俱生問此四無量何故說四

非三非五答若然一切所疑復次爲瞋恚害
無樂瞋愛對治故成四無量復說此四唯慈
由人多起瞋恚害惱爲除故以四門成勝捨
者慈悲喜清淨瞋愛對治故四無量一性種
種相可知如是過患對治故衆生事故饒益
意故成一相復說對治勝故取事勝故取饒
益勝故成種種相如世尊說於黃衣修多羅
中清於清淨處慈爲第一於虛空處悲爲第
一於識處喜爲第一於無所有處捨爲第一
問云何得知答由依彼近故其義可知問何
故答修慈心於一切衆生隨從其意以常隨
從於青黃一切入現今作意以小方便令心
得安是衆生種類事成色界清淨一切入放
意彼坐禪人是時色界得第四禪是故說慈
於清淨第一彼坐禪人依色界第四禪慈是

附九

十二

時得越彼問此義云何答以修慈故心知色
界過患何故見衆生苦彼爲色因生慈從此
以心知色界過患於色出離現今作意於虛
空處以小方便其得心安以得依故是故說
悲於虛空第一彼坐禪人依喜越虛空處問
此義云何答已修喜故心無所著常取無邊
識事何故以此喜於無所著無邊識處安衆
生事從此心無所著常取無邊識事離色著
於虛空無邊識現今起作意以小方便其心
得安種類事故是故說識處爲喜第一問彼
坐禪人依捨越識處此義云何答已修捨故
心成離著何故不以修捨得著此衆生得樂
得苦或由喜或由樂從彼以心離著離無所
著無所有處現今心喜以小方便其心成安
不著種種事何故於無所有處而不得著或

識或無邊是故說無所有處捨爲第一

已徵句

問云何觀四大何修何相何味何起何功德
云何修答釋智自相內四大此謂觀四大彼
心住不亂此謂修隨觀四大爲相通達空爲
味除衆生想爲起何功德者成得八功德若

階九

十三

修行觀四大成能堪恐怖樂不樂於可愛非
可愛成平等心除男女意思成大智慧向善
趣向醍醐其所有明分法彼一切成滿修行
云何修彼者初坐禪人以二行取諸大以略
以廣問云何以略取諸大答彼坐禪人入寂
寂坐攝一切心不亂心此身以四大可稱於
此身一切堅性是地界濕性是水界熱性是
火界動性是風界如是此身唯有界無衆生
無命如是以略取諸界復有說彼坐禪人以
略取諸界以身依膜分別或以色或以形或

以處或以分別彼坐禪人已略取諸界依膜
分別一切身性或以色或以形或以處或以
分別依肉分別此身或以色或以形或以處
或以分別彼坐禪人依肉已分別一切身或
以色或以形或以處或以分別彼坐禪人依
脉分別一切身或以色或以形或以處或以
分別彼坐禪人依脉已分別一切身或以色
或以形或以處或以分別從此復依骨分別
一切身或以色或以形或以處或以分別彼
坐禪人於此四行以此四行伏心令伏作軟
心令心受持彼坐禪人於此四行以四行伏
心已作軟已令受持於此四行有堅性是地
界知之有濕性是水界知之有熱性是火界
知之有特性是風界知之彼坐禪人於此四
禪唯有界無衆生無命以比餘行成住如是

以略取諸界云何以廣取諸界以二十行廣取地界於此身髮毛爪齒皮肉筋脉骨髓腎心肝肺脾胃大腸小腸胞屎腦以十二行廣取水界此身有於膽唾膿血汗脂淚肪水唾涕涎尿以四行廣取火界以是熱以是暖以是溫以是平等消飲食噉嘗此謂火界以六行廣取風界向上風向下風依腹風依背風依身分分風出入息風如是以四十二行見此身唯有界無衆生無命如是已廣取諸界復次先師說以十行當觀四大所謂以語言義以事以聚以散以無所著以緣以相以種類非種類以一義種種義以界釋第一以言語義章問云何以語言分別諸界答二界語言同所謂同言勝言於是四大此同言地界水界火界風界此謂勝言問此四大何義答

大生名大有大悲實義令現實義是故名大者鬼等形名大云何大生名大諸界大生如世尊所說偈

略說地相有二十萬四那由他水四十萬八那由他風住虛空乃九十萬六那由他世界所住亦以火成世界之中有諸光炎上至梵世乃極七日如是大生是故名大問云何大悲實義令現實義答名大界者非男非女以男女色可見界者非長非短以長短色可見界者非樹非山以樹山色可見如是大悲實義令現實義名大云何諸鬼等異形如鬼入人身成其身以鬼形成起四行或身強或屎或熱或輕動如是於身以火界和合成起四行以地界和合成堅以水界和合成流以火界和合成熱以風界和合成輕

動如是鬼形等名大大者是語言義問地界
水界火界風界者何義答廣大名地義可飲
守護是水義令光明是火義去來是風義界
者何義持自相爲義復次地自性是地界水
自性是水界火自性是火界風自性是風界
云何地自性是堅性強性厚性不動性安性
持性此謂地性云何水性濕性澤性流性出
性滿性增長性喜性結著性此謂水性云何
火性熱性暖性蒸性熱性燒性取性此謂火
性云何風性持性冷性去來性輕動性低性
取性此謂風性此界義如是以語言義應觀
界問云何以事觀界答持爲事是持爲事水
界結著爲事火界令熟爲事風界遮爲事復
次地界立爲事水界下入爲事火界令上爲
事風界動轉爲事復次二界近故成舉初步

復次二界近故成舉後步二界近故成初坐
卧復次二界近故成後行立二界近故成初
懈怠睡眠二界近故成後精進勇猛二界近
故成初重二界近故成後輕如是以事觀四
大云何以聚觀四大聚者地界水界火界風
界依此界成色香味觸此八法或多共生住
不相離此和合名聚彼復成四種地聚水聚
火聚風聚於是地聚地界成最多水界火界
風界次第成最少於水聚水界成最多地界
火界風界次第成最少於火聚火界成最多
地界風界次第成最少於風聚風界成最多
火界水界地界次第成最少如是以聚觀諸
界問云何以散觀四大答觀於地界從於最
細鄰空微塵生此地爲水所和故不散爲火
所熟成不臭爲風所持成轉如是觀復先師

說中人身地界碎之爲塵成一斛二升是時以水和合成六升五合以火令熟隨風起迴轉如是以散觀諸界問云何以不相離觀四大答地界水所攝火所熟風所持如是三界和合水界者住於地處火所熟風所持如是三界所攝火界者住於地處水所攝風所持如是三界所熟風界住於地處水所攝火所熟如是三界所持於地住三界水所攝三界不散火所熟三界成不臭風所持三界得轉直住不散如是此四界依展轉成住不散如是以不離觀諸界問云何以緣觀諸界答四因四緣爲起諸界云何四所謂業心時食云何業從業所生四果以二緣成緣以生緣以業緣餘界以依緣成緣心者從心所生四界以六緣成緣以生緣以共生緣以依緣以食

附九

十七

緣以根緣以有緣成其緣餘界以緣以依緣以有緣於入胎時心諸色以七緣成緣共生緣展轉緣依緣食緣根緣報緣有緣後生心爲初生身以三緣成緣所謂後生緣依緣有緣此時爲時所成四大以二緣成緣生緣有緣餘界以二緣成緣依緣有緣此食從爲食所成四大以三緣成緣生緣食緣有緣餘界以二緣成緣所謂依緣有緣於是從業生四界共生界展轉以四緣成緣所謂共生緣展轉緣依緣有緣餘界以緣成緣所謂依緣有緣如是從心生從時生從食生可知地界者爲餘界住處緣成緣水界者爲餘界作結著緣成緣火界者爲餘界作熟緣成緣風界者爲餘界作持緣成緣如是以緣觀諸界問云何以相觀諸界答堅相地界濕相水界熱相

火界冷相風界如是以相觀諸界問云何以類非類觀諸界答地界水界一種類以重故火界風界一種類以輕故水界火界非類水界能滅火界令燥是故非類地界風界展轉非種類地界障風界行風界能滅地界是故非種類復次或四界展轉種類以展轉緣故或展轉非種類以自相故如是以種類非種類觀諸界問云何一性種種性觀諸界答從業生四界以從業生所謂一性以相種種性如是從心生從時生從食生可知四因緣地界以相一性以因所謂種種相如是四因緣風界火界風界可知四界以界一性以大一性以法一性以無常一性以苦一性以無我一性以相種種性以事種種性以業種種性以心種種性成種種性以時種種性成種種性

階九

十八

性以食種種性成種種性以種種性成種種性以起種種性成種種性以生種種性成種種性以趣種種性成種種性如是以一性種種性觀諸界問云何以觀界隸答如巧隸師以林木作人一切身分具足隨逐行走內繩所連外假泥飾形色如人實衣莊嚴或男或女以人牽繩或行或舞或倚或坐如是此界隸名身以初煩惱為隸師所作身分具足為筋繩所連以肉為泥以皮為色虛空為孔寶衣莊嚴名為男女以其心事為風界所牽或行或住或去或來或伸或縮或語或說此界隸人與識界共生以憂惱因緣成憂悲苦惱或笑或戲或相拍肩等食者支持界隸命根者受持界隸以命終界隸分散若有業煩惱復更起新界隸如是生界隸其初不可知其

後不可知。如是以界隸觀諸界。彼坐禪人。如是以比門。以此行唯觀此身。以界隸無衆生。無壽命。是時觀以界事。以生以數法受想行識。彼坐禪人已觀名色。從彼觀名色。是苦。是貪愛。是苦集。觀貪愛滅。是苦滅。觀八正道。是

階九

十九

苦滅。具足。彼坐禪人已廣觀四諦。是時見苦過患。以無常以苦以無我。常思惟不散。以慧見苦滅功德。以寂寂以妙離。彼坐禪人如是現見苦過患。見滅功德。正安於根力覺分。從行相心起。證醍醐界。觀四大已竟

問云。何於食不耐。想何修。何相。何味。何起。何功德。云何爲修。答以所嗽嘗飲食。彼作意悉而耐。彼想知。正知此謂不耐。食想彼想住。不亂。此謂修於食。取過患爲相。獸爲味。伏氣味愛爲起。何功德者。成得八功德。若修不耐食。

想知搏食。想知五欲具足。知色陰。知不淨。想在身念成。修滿從氣味愛。縮離彼心。向善趣。向醍醐。云何修。彼者初坐禪人。入寂寂坐。攝一切心。不亂心。以所嗽嘗飲食。作不耐意。如是種種百味。經營清淨。人所貴重。色香具足。所堪大貴。如此飲食。入身變成不淨。成不耐。成臭腐。成可憎污。以五行修行。不耐食想。所謂以經營以散用。以處以流。以聚。問云。何以經營修行。不耐食想。此坐禪人見諸衆生。爲經營飲食。因行種種惡法。或殺害。或偷盜。亦見彼衆生受種種苦。知彼所殺害。所縛。亦見衆生造種種惡事。或乞索。或欺誑。詐現精進。見食如是。令起獸患。以不清淨屎尿流溢。飲食爲因。彼作惡業。如是復見出家人住清淨山林。種種花香。禽獸吟嘯。善人所造。或於田

野莊嚴具足樹影林水取他人意平舒淨妙
無諸高下人見驚訝無諸喧雜是出家人修
菩提處等梵天居如是住處心無貪著常行
禪誦樂修善事或於寒熱風塵泥雨諸山險
處爲經營食因於捉鉢入家乞食彼見如是
心起厭患飲食不淨屎尿流出此經營食是
彼因故如是當捨求第一樂復次見出家人
修行爲乞食或於馬象惡獸中或狗野豬處
或惡人所或不淨處踐蹋泥屎於他家門少
時默住以衣護身爲得搏食生疑或見彼食
猶如狗食於食起厭此經營食最可憎惡何
用經營但從他乞如是以經營修行食不耐
想云何散用修食不耐想彼坐禪人如是所
得經營飲食於彼坐食以濕鮭相雜和糲以
手爲齏以口爲臼以脣收聚以齒爲杵以舌

階九

二十

翻轉以涎唾痰血共相和合最可厭惡如狗
嘔吐不可見故如是以散用修行不耐食想
問云何以處修行不耐食想答如是此食所
吞入腹與不淨和合住生熟藏以百蟲種之
所噉食以暖所熟成第一厭如人嘔吐置不
淨器如是以處修行不耐食想

問云何以流修行不耐食想答此食暖所熟
與新故不淨和合如酒置破杯器如是一切
身流隨流入於脉腠面目九孔九萬九千毛
孔皆悉流滿此食如是流成五分一分諸蟲
所噉一分火所銷一分支持身一分成尿一

階九

二十一

分成體如是修行不耐食想問云何以聚修
行不耐食想答此流食成身髮毛爪等令起
百一身分若不成流令起百一病惱如是以
聚修行不耐食想彼坐禪人以此門以此行

解脫道論卷第九

階十

阿羅漢優波底沙造

梁扶南三藏僧伽婆羅譯

五神通品第九

爾時坐禪人如是已作定自在住於第四禪
能起五神通所謂身通天耳通他心智通宿
命通天眼通身通者變義天耳者越人耳義
他心智者了他意義宿命者憶前生義天眼
通者過人眼見問幾種變阿誰修變云何應
起變答變有三種謂受持變作變意所作變
云何受持變彼坐禪人以一成多以多成一
以身增長乃至梵世此謂受持變云何作變
彼坐禪人捨自性身現童子形或現龍形或
現梵王形如是等此謂作變云何意所作變
彼坐禪人從此身化作餘身隨意所造一切

身分諸根具足此謂意所作變復次變有七
種所謂智變定變聖變業果報所生變功德
人變明術所造變方便變問云何智變答以
現無常爲斷常想成智辯變以阿羅漢道斷
一切煩惱成智辯此謂變智辯如長老薄拘
羅長老僧吉栗者長老部吼多波羅此謂變
智辯問云何變定辯答以初禪斷諸蓋成變
定辯以非想非非想定斷無所有變定辯長
老舍利弗多長老先時婆長老毘檀若鬱多
羅優婆夷沙摩婆底優婆夷此謂變定辯問
云何聖辯答若比丘樂於不耐當住非不耐
想成住有非不耐想若比丘樂於非非耐當
住不耐想成住有不耐想若比丘樂於非不
耐及非非耐想當住非非耐想成住有非非
耐想若比丘樂不耐及非不耐離二句當住

捨彼念現知成住有捨問云何於不耐住非
不耐想答於不愛念處以慈令滿或以界取
問云何於非不耐住不耐想答於愛念處以
不淨令滿或以無常取問云何於不耐及非
不耐住非不耐想答於不愛念及愛念處或
以慈令滿或以界取問云何於非不耐及不
耐住不耐想答於愛念及不愛念處或以不
淨令滿或以無常取問云何於不耐及非不
耐離二句住捨念現知答此比丘以眼見色
成不歡喜不憂成捨住念現知如是於一切
問此謂聖辯問云何從業報生變答一切諸
天一切諸鳥有人者有惡趣生者飛行虛空
作變問此謂從業報生變問云何有功德人
變答轉輪王樹提長者閻提長者瞿師羅長
者復說有五大功德人變此謂有功德人變

問云何明術所造變答持明術人讀誦明術
能飛行虛空或現作象或變作馬或變作車
或變作步現種種軍此謂明術所造變問云
何方便變答以出離斷貪欲以羅漢道斷一
切煩惱如陶師等其業具足於是正方便生
故一切事變此謂方便變問云何誰修變辯
答於虛空爲九或於虛空爲五一切人以作
第四禪自在是其修變辯復說色界第四禪
以作勝故是其修變辯復說四禪二自在是
其修變辯問云何當起變答此比丘修欲定
勝行相應如意足精進定心定慧定亦如是
欲者欲樂作變定者心不亂彼坐禪人欲樂
變變意修行定受持四種精進未生惡不善
法爲不生已生惡不善法爲斷未生善法爲
生已生善法爲增長爲不忘爲更起爲修滿

此謂勝行成就者唯彼三法爲滿語言六分成就如意足者爲得如意作道唯彼法如意足復次是欲定勝行成就此謂如意足爲得如意以初義修者修彼法多修此謂修欲定勝行成就如意足彼坐禪人如是現修是其方便或退或住彼以精進令起成精進定勝行成就如意足若彼方便遲若退若驚怖彼心遲作速相意若心退作定心若心驚怖作捨相彼成心定勝行成就如意足彼若無有煩惱心歡喜分別饒益不饒益修行諸法是其修時復此法是不修時彼成分別定勝行成就如意足彼坐禪人修四如意足以作自在心其身隨心其心成隨身彼坐禪人於時安身於心安心於身以由身心變以由心身變以由身心受持以由心身受持或樂想或

輕想著於身於著成住彼坐禪人如是現修成最輕其身成最軟最堪受持如鐵丸爲火所燒隨意作物如是以修心成身輕以輕故入第四禪安詳念出能分別虛空以智受持如是於虛空此身當起以智受持於虛空成起如風吹綿縷於是初坐禪人不當速遠行何故其來作觀當起怖畏若有怖其禪成退是故初坐禪人不當速遠行以次第當行最初以一尺漸漸上以觀復依彼相作精進一尋以此方便次第隨其所樂當起問彼坐禪人於虛空或從禪退彼從虛空轉當落地耶答不然是從其先坐處起若遠行退者還至先坐處其見自身如先坐有神通人是其止法彼坐禪人如是次第作觀至受持自在作不一種變以一成多以多成一或現徹過壁

徹過牆徹過山身行無礙猶如虛空於地或沒或出猶如在水於水上行猶如行地行於虛空猶如飛鳥手摸日月如是大神通如是大力身乃起至于梵世以一成多者以一令多或一百或一千或一萬等以變入第四禪安詳出次第以智受持我當多成多如小路阿羅漢以多成一者欲轉多爲一以智受持我當轉多成一如長老小路阿羅漢或現或不現徹過壁徹過牆徹過山行不障礙猶如虛空彼坐禪人如是以心修行虛空一切入入第四禪安詳出徹過壁徹過牆徹過山已轉成轉以智受持此當成虛空已成虛空彼坐禪人於虛空徹過壁徹過牆徹過山行不障礙猶如虛空或現者何義開或不現者何義不開彼坐禪人不開令開徹過壁徹過牆

略十

五

徹過山行不障礙此何義於地令作出沒猶如在水彼坐禪人如是以心修行水一切入入於第四禪安詳出轉地作隔以智受持此當成水彼坐禪人於地成出沒猶如性水於水上行心不障礙猶如行地彼坐禪人如是以心修行地一切入入第四禪安詳出轉水作隔以智受持此當成地已成地彼坐禪人於水行不障礙如行性地行於虛空猶如飛鳥於是三行步行風行心行於是坐禪人得地一切入定於虛空受持道路以步行若得風一切入定受持風如綿縷如風行以心行令滿身心或樂想或輕想以著身身已輕以心行行如飛鳥如是以心行行已手摸日月如是神通如是神力彼坐禪人有禪人有神通得心自在以如是修行心入第四禪安詳

出手摸日月以智受持此當成近手彼成近
手彼坐禪人或坐或卧以手摸捫日月起身
乃至梵世彼坐禪人有神通得心自在樂行
梵世如是四如意足以如是修行心於遠受
持近於近受持遠或多受持少或少受持多
以天眼見梵天色以天耳聞梵天聲以他心
智知梵天心彼坐禪人三行以二行行於梵
世是法於一切受持變受持變已竟

爾時坐禪人欲起變意如是修四如意足以
心得自在安身於心安心於身以由身安心
以由心安身以由身受持心以由心受持身
或樂想或輕想著於身已著身已著身已著
成住如是坐禪人現修其身成最輕最輕堪
受持如鐵丸爲火所燒隨意作物如是坐禪
人已如是修行心成次堪受持令滿身心彼

階十

六

坐禪人若樂除自形色作童子形入第四禪
安詳出次第轉童子形已轉以智受持我當
成童子形如是作意成童子形如是龍形鳳
凰形夜叉形阿脩羅形帝釋形梵形海形山
形林形師子形虎形豹形象形馬形步軍形
已轉以智受持我當成步行軍如是作意成
步行軍問受持變作變何差別答以受持變
不捨形色受持以作變捨形色此謂差別變作已竟

爾時坐禪人欲起意所造變如是心得自在
修如意足入第四禪安詳出於其身內作意
猶如空瓶彼坐禪人如是作意於空自身內
隨其所樂爲變化隨其轉已轉以智受持隨
其當成如是作意成隨相似以此方便多作
變化作變化已成行若坐禪人以所化身欲

向梵世於梵世前即化自身如梵形隨意所造一切身分具足諸根不少若神通人於此逍遙彼所化人亦復逍遙若神通人於此若坐卧現出煙炎若問若答彼所化人亦坐亦卧亦出煙炎亦問亦答是其神通所造變化

彼所化人亦以隨作如是等

隨十
變已竟

云何散句變所造色於至時分別是時彼不現未至時分別於其間樂說彼受持成不現若不作分別時念念不現於化人無壽命根所化飲食事變種智成九事小事大事不可說事過去事未來事現在事內事外事內外

事

散句
已竟

問天耳誰起云何當起答八一切入彼二一切入於第四禪得自在從自性耳起天耳界復說云何色界於四禪得自在是其能起復

說於四禪亦起問云何當令起答初坐禪人如是修四如意足以心得自在入第四禪安詳出次第依自性耳界若遠聲作意聲相或近聲作意聲相若大聲作意大聲相若細聲作意細聲相若東方聲作意聲相如是於一切方彼坐禪人如是以修行心清白以耳界清淨令心行增長彼坐禪人以天耳界清淨過人耳聞兩聲所謂天聲人聲或遠或近於是先師說初坐禪人先聞於自身衆生聲從此復聞身外衆生聲從此復聞依所住處衆生聲如是次第作意增長復說初坐禪人不能如是先聞自身衆生聲何以故不能聞細聲以自性耳非其境界初坐禪人遠螺鼓等聲彼聲依自性耳以天耳智應作意作聲相令起天耳智或細聲或大聲或遠聲或近聲

唯天耳應耳於是初坐禪人不應作意於最可畏何以故於可愛聲應說欲愛於可畏聲應說驚怖耳畏智彼成三事小事現在事外事若失自性耳天耳界亦失於是得聲聞自在聞千世界聲從彼緣覺最多如來聞無數

附十

天耳已竟

問他心智誰能起云何應起答光一切入於第四禪得自在得天眼起他心智云何應起者初坐禪人如是修四如意足以心得自在清白不動入光一切入於第四禪安詳出從初以光令滿其身以天眼見其自心意色此依色意識起如是知以自心變見色變此色從喜根所起此色從憂根所起此色從捨根所起若與喜根相應心現起意色如酪酥色若與憂根相應心現起成如紫色若與捨根

相應心現起成如蜜色若與愛欲相應心現起成如黃色若與瞋恚相應心現起成如黑色若與明相應心現起成如濁色若與信相應及智相應心現起成如清色彼坐禪人如是以自身變分別色變爾時以光令滿他身以天眼見他心意色彼以心變分別色變以色變分別心變如是分別起他心智已起他心智除色變分別唯取心事彼坐禪人如是以修行心清白或有愛心知有愛心或無愛心知無愛心若有瞋恚心知有瞋恚心若無瞋恚心知無瞋恚心如是一切可知他心智者其事八小事大事道事無量事過去事未來事現在事外事彼無漏他心非凡夫境界生無色處衆生心唯佛境界若聲聞得自在知一千世界心從此緣覺最多如來無量心

智七
竟

問憶宿命智誰能起幾種憶宿命智云何應起答八一切入二一切入於第四禪心得自在是其能起憶宿命智復說云何色界處答於第四禪心得自在是其能起復說於四禪得起幾種憶宿命答三種憶宿命一者多持生二者生所造三者修行所成於是多持生者以四行憶宿命智善取彼相故見彼分相故諸根分明故攝彼性故此四行多持生憶宿命於彼最勝彼憶七宿命諸天諸龍諸鳳凰以生所成憶宿命於彼最勝憶十四宿命修行所成者修如意足問云何應起憶宿命答初坐禪人如是修四如意足以信得自在清白至不動從現坐處於一日所作事或以身或以意或以口憶一切事如是於夜所作

如是一日二日次第乃至一月憶彼一切事如是二月所作事如是次第乃至一年所作事如是二年三年百年所作事如是乃至初生所作事憶彼一切爾時久遠過去心心數法有後生心心數法現生依初心心心數法得生以心相續生現觀因緣意識流轉兩俱不斷於此世生於彼世生彼坐禪人如是以心修行清白憶宿命不一種如是一生二生三生四生等如是一切初坐禪人於此生已憶一切若坐禪人不能憶彼生彼不應捨精進更重令起禪智十已起禪善哉令自在如磨鏡法善哉已得自在現憶如初於彼成憶若自從一生出彼心成憶彼最樂已見方便不可憶畜生生及無色生及無想生不可憶無想性故長老輪毗多於彼最勝憶宿命智七種小

大不應說過去內外內外於過去已所得道
果或國或村當憶彼成過去想憶宿命智從
智憶陰相續憶宿命智從此外道憶四十劫
過彼不能憶身無力故聖聲聞憶一萬劫從
此最大聲聞從彼最大緣覺從彼如來正遍
覺自他宿命及行及處一切餘唯憶自宿命
少憶他宿命正遍覺隨其所樂憶一切餘次
第憶正遍覺若入三昧若不入三昧若不入
三昧常憶餘唯入三昧憶宿命
智已竟
問天眼誰起幾種天眼云何能起天眼答光
明爲九或光明爲五或光明一切入事於第
四禪得自在有眼性是其所能起幾種天眼
者答二種天眼業果報所成修行所成於是
典藏天眼從果報所成是以得見寶藏或有
珠或無珠修行所成者修行四如意足云何

階十

十一

能起天眼者初坐禪人如是修四如意足以
心得自在清白至不動光一切入入第四禪
作意光想及日想受持此日如夜此夜如日
以心無礙無所著現修行心成有光明彼坐
禪人修行其心成有光明無闇障礙過日光
明彼坐禪人如是心修行以光明令滿於內
作意色形以智令滿光明彼非天眼以智見
內光明色此謂天眼彼坐禪人以天眼清淨
過人眼見衆生或終或生或羸或妙或善色
或醜色生於善趣生於惡趣如業所作如是
一切衆生於是若能起天眼此煩惱彼所應
斷所謂疑不正憶懈怠睡眠慢邪喜惡口急
疾精進遲緩精進多語種種想最觀色此煩
惱以此一一成就若令起天眼其定成退若
其定退光明亦失見色亦失是故彼煩惱善

哉應斷若已斷此煩惱若復不得定自在以
不自在天眼成小彼坐禪人以小天眼知少
光明見色亦小是故世尊說是時我小定是
時我小眼我以小眼知少光明我見小色是
時我無量三昧是時我無量天眼我以此無
量天眼我知無量光明我見無量色於是初
坐禪人非可愛色非可畏怖色如初說過天
眼五種事所謂小事現事內事外事內外事
依天眼生四智未來分智自所作業智如行
業智業果報智於是未來分智於未來色
當起知之以自所作業智見他人所造業以
此業此人當往彼趣以如行業智見人生趣
以此業此人先生此智之以業果報智至此
時至此趣至此煩惱至此方便此業應熟此
業不應熟此業應多受此業應少受智之於

隋十

十二

是聲聞得自在見一千世間從此緣覺見最
多如來見無量天眼已竟

於是此散句以天眼爲見色於一種修行定
唯見色不聞聲若以天耳爲聞聲於一種修
行定唯聞聲不見色若爲見聞二俱修行定
亦見亦聞若爲見聞知他心修行於定亦見
聞知他心若爲見一方修行於定非見餘方
不聞不知他心若不少修行於定於一切方
亦見亦聞亦知他心五神通世間神通有漏
色界繫凡夫共若善神通學人及凡夫共或
阿羅漢無記神通五神通不於無色界生解脫
道說神通已竟

分別慧品第十

問云何慧何相何味何起何處何功德慧者
何義幾功德爲得般若幾種般若答意事如

見此謂般若復次作意饒益不饒益作意莊嚴此謂般若如阿毗曇中說云何般若若是般若若是慧是智是擇法妙相隨觀彼觀聰明曉了分別思惟見大易悟率正智慧鉤慧根慧力慧仗慧殿慧光慧明慧燈慧寶不愚癡擇法正見此謂般若如達爲相擇爲味不愚癡爲起四諦爲處復次了義光明爲相入正法爲味除無明闇爲起四辯爲處何功德者般若無量功德當以略聞此偈

以慧淨諸戒 入禪亦二慧 以慧修諸道

以慧見彼果 般若爲勝著 慧眼最無上

慧退是穢污 慧增長無上 慧破諸外論

非世法所著 有慧人最妙 顯說善語言

此世及彼世 解脫聞苦樂 諸義及精進

勇猛有慧人 悉見此諸法 因緣諸語言

教誡及名色 彼即四諦語 是有慧境界

以慧除衆惡 愛瞋恚無明 以智除生死

除餘不可除

問慧者何義答智義能除爲義幾功德爲得慧者十一功德尋修多羅義多善事清淨居止觀四諦作分明處心停住常在禪無蓋心離無智慧人修行智慧人樂著幾種慧者答二種三種四種問云何二種慧答所謂世慧出世慧於是聖道果相應慧是出世慧餘是世慧世慧者有漏有結有縛是流是軛是蓋是所觸是起是有煩惱出世慧者無漏無結無縛無流無軛無蓋無所觸無起無煩惱三種慧者思慧聞慧修慧於是不從他聞若自作業智若得隨諦相應智於功及用處此謂思慧於此處從他聞得慧此謂聞慧若入三

昧彼慧悉修是修慧復次三種慧來曉了去曉了方便曉了於是現作意此不善法成退善法成增長於是慧此謂來曉了復作意此不善法增長善法成退於是慧此謂去曉了於此一切方便慧此謂方便曉了復次三種

十四

慧聚慧不聚慧非聚非非聚慧三地善慧此謂聚慧於四道慧是謂不聚慧於四地及果報於三地事有記慧此謂非聚非非聚慧四種慧者自作業智隨諦相應智道等分智果等分智於是十處正見是謂自作業智若見陰或無常或苦或無我如是相似忍此謂隨諦相似智於四道慧此謂道分智於四果慧此謂果等分智復次四種慧欲界慧色界慧無色界慧無繫慧於是欲界善有記慧此謂欲界慧色界善有記慧此謂色界慧無色界

善有記慧此謂無色界慧於道果慧此謂無繫慧復次四種慧法智比智他心智等智於四道及於四果慧此謂法智彼坐禪人以此法智成就過去未來現在智久過去亦知未來亦知此諦智此謂比智知他心此謂他心智除此三智餘慧此謂等智復次四種慧有慧爲聚非爲非聚有慧爲非聚非爲聚有慧爲聚亦爲非聚有慧非爲聚非非爲聚於是欲界善慧是慧爲聚非不爲聚於四道慧爲非聚不爲聚於色界及無色界善慧是慧爲聚亦爲非聚於四地果報於三地事有記慧是慧非爲聚亦非爲非聚復次四種慧有慧有爲厭患非爲達有慧爲達非爲厭患有慧爲厭患非爲達有慧不爲厭患亦不爲達於是慧爲厭欲不爲通達神通及不通達四諦

十五

十五

此謂慧爲厭患不爲達現得厭欲以慧達神通非達四諦此謂般若爲達非爲厭患於四道慧爲厭患亦爲達餘慧非爲厭患亦非爲達復次四種慧義辯法辯辭辯樂說辯於義智此謂義辯於法智此謂法辯於說辭慧此謂辭辯於智智此謂樂說辯於因果智義諸辯於因智法辯於法辯樂說辯於智智樂說辯復次於苦及滅智此謂義辯於集及道智此謂法辯於說法辭此謂辭辯於智智此謂樂說辯復次知法者所謂修多羅祇夜闍柯羅界伽陀優陀那伊底跋多伽闍多伽阿浮多達摩鞞佛略此謂法辯知彼此義此所說法是其義此謂義辯說法辭智此謂辭辯於智智此謂樂說辯復次於眼智此謂法辯眼智爲見此謂義辯於說法辭智此謂辭辯

於智智此謂樂說辯復次四種慧苦智苦集智苦滅智於是道等分智苦相應智苦智苦集相應智集智苦滅修行相應智具足智道智解脫道分別慧品已竟

解脫道論卷第九

音釋

縷力主切 摸未各切 螺落戈切 酪盧各切 酥蘇各切
素姑緩合管切
切



清刻龍藏佛說法變相圖

解脫道論卷第十

納一

阿羅漢優波底沙造

梁扶南三藏僧伽婆羅譯

五方便品第十一之一

於是初坐禪人樂脫老死樂除生死因樂除
無明闇樂斷愛繩樂得聖慧於五處當起方
便所謂陰方便入方便界方便因緣方便聖
諦方便問云何陰方便答五陰色陰受陰想
陰行陰識陰

問云何色陰答四大四大所造色云何四大
地界水界火界風界云何地界堅性堅相此
謂地界云何水界水濕和合色此謂水界云
何火界火煖熱色此謂火界云何風界風持
色此謂風界初坐禪人以二行取諸蓋以略
以廣如說觀四大如是可知云何四大所造

色眼入耳入鼻入舌入身入色入聲入香入
味入女根男根命根身作口作虛空界色輕
色軟色堪受持色增長色相續色生色老色
無常搏食處色眼色云何眼入以是見色有
對依彼眼識起此謂眼入復次依眼精肉搏
白黑眼珠三圓於肉血風痰唾五重內住如
半芥子大如蟻子頭初業所成四大所造火
大最多此清淨色謂爲眼入如大德舍利弗
所說以眼識清淨見諸色或小或微如牖柯
喻云何耳入以是聞聲於是聲有對依耳識
起此謂耳入復次於二孔赤毛爲邊依膜住
如青豆莖初業所造空大最多四大所造清
淨色此謂耳入云何鼻入以是聞香於是香
有對依鼻識起此謂鼻入復次於鼻孔中三
和合依細孔住如拘毗陀羅形初業所造風

大最多四大所造清淨色此謂鼻入云何舌
入以是知味於是味有對依舌識起此謂舌
入復次於舌肉上兩指大住如鬱波羅花形
初業所造水大最多四大所造清淨色此謂
舌入云何身入以是覺觸於是觸有對依身
識起此謂身入復次除毛髮爪齒所餘不受
於一切受身初業所造地大最多四大所造
清淨色此謂身入是可見色此謂色入是有
對聲是謂聲入是有對香此謂香入是有對
味此謂味入是女性是女根是男性是男根
是隨守護業所成色此謂命根是以身令現
諸行名行此謂身作是以口令現諸行名行
此謂口作是色分別此謂虛空界是色輕性
此謂色輕是色軟性此謂色軟是色堪受持
性此謂色堪受持此三種是身不懈怠性是

諸入聚此謂色聚是色聚此謂色相續是色
令起此謂色生是令色熟此謂色老是色敗
壞所謂色無常以氣味眾衆生得立此謂氣
味搏食色依界及意識界起此謂界處色是
諸界懈怠此謂睡眠色此二十六所造色及
四大成三十色問四大及四大所造色云何
差別答四大依四大共生四大所造色依四
大生四大所造色非四大所依亦非四大所
造色所依如三杖得倚如是四大可知如三
杖影倚如是四大所造色可知此謂差別於
是坐禪人此三十色以五行可知所勝如是
以令起以聚以生以種種以一同云何以令
起答九色業因緣所起所謂眼入耳入鼻入
舌入身入女根男根命根處色二色心因緣
所起所謂身作口作一色時節心所起所謂

聲入四色時心食因緣所起所謂色輕色軟
色堪受持眠色十二色四因緣所起所謂色
入舌入味入虛空界色聚色相續色色生搏
食四界二色無有所起所謂色老色無常復
次生緣老老緣無常如是以令起所勝可知
問云何以聚答九聚業所起九聚心所起六
聚時節所起三聚食所起問云何九聚業所
起答所謂眼十耳十鼻十舌十身十女根十
男根十處十命根九問云何名眼十答眼清
淨四界是其處復依四界色香味觸命根眼
清淨此十法共生不相離此謂聚是謂眼十
此起是生此熟謂老此壞是無常此分別是
虛空界此四法彼聚共起此眼依於十老時
生第二眼十彼二種十聚此謂聚彼隨逐此
謂相續此六法彼共起彼復第二眼十依於

老時生第三眼十是第二及第三眼十此謂聚唯彼法隨逐此謂相續初十散壞第二十老第三十起彼成一刹那如是所起眼十彼聞不可知刹那輕速故不現世間知有彼坐禪人見眼相續如江流如燈焰相續此謂眼十如是耳十鼻十舌十身十女根十男根十命根九以廣可知問云何九聚心所起答清淨八義清淨身作九清淨口作十清淨輕九輕身作十輕口作十一清淨眼九眼身作十眼口作十一問云何名清淨八心所起答四界依界色香味觸此八法共生不相離彼十是名清淨八彼起是生彼熟是老彼壞是無常彼分別是虛空界此四法彼隨起彼清淨八於壞時與第二心共起第二清淨八初清淨壞第二清淨起於一刹那起此非展轉爲

聚以與三所起所聚如是清淨輕九及清淨眼九六作聚非初壞非第二起無一刹那何故不一心二作令起餘如初說問云何六聚時節所起答清淨八清淨聲九清淨輕九輕聲十清淨眼九眼聲十外聚成二清淨八及聲九問云何三聚食所起答清淨八清淨輕九清淨眼九時節食所起聚相續業處相似可知餘如初說命九天聚於欲界於業處所成八聚以壽命活鼻舌身男女根如是輕等三及眠此於色界無有命九聚無想梵天於其身一切入以是得活如是以聚問云何以生答如男女入胎於剎那生三十色起所謂處十身十或女根十或男根十不男不女二十色起所謂處十身十於欲界化生滿根入男女於生剎那七十色起所謂處十身十眼

十耳十鼻十舌十或女根十或男根十或於惡趣化生生盲女人男人於其生剎那六十色起除眼十如是生聾人六十色起除耳十生盲聾人五十色起除眼十耳十惡趣化生滿根入或非男或非女及劫初人於其生剎那六十色起除男女根於彼盲及非男非女五十色起除眼根十除非男非女根或聾非男非女亦五十色起除耳十及非男非女根或盲聾非男非女四十色起處十身十鼻十舌十梵天於其生剎那四十九色起處十眼十耳十身十命根九無想天衆生於其生剎那九色起命根九如是以生可知問云何以種種答一切色成二種所謂大細於是十二色大内外色入以有對義餘十八色細以無對義復二種色所謂内外於是五色成内眼

等五入以有境界義餘二十五外色以無境界義復有二種色命根不命根於是八色名根五内女根男根命根以依義餘二十二非命根以無依義一切色成三種所謂受色非受色有壞色於是九色有受八根及處色以業報所成義九色不受聲入身作口作色輕色軟色堪受持色老色無常及眼非業報所成義餘十二色有壞彼以二種義復有三種色所謂可見有對非可見有對不可見無對於是一色可見有對所謂色入以見義以觸義十一色不可見有對除色入餘大色以不見義以觸義十八色不可見無對餘細色不可見義不可觸義一切色成四種所謂自性色形色相色分別色於是十九自性色餘十二大色女根男根命根水界搏食處色眠色

以畢竟義七形色所謂身作口作色輕色軟色堪受持色受色相續自性色以變三相色色生色老色無常以有爲相義一色分別色所謂虛空界以聚分別義於是自性色彼成分別餘無分別如是以種種分別問云何以一種當分別答一切色非因非無因因不相應有緣有爲世所攝有漏有縛有結有流有軀有蓋所觸有趣有煩惱無記無事非心數心不相應小欲界繫不定非乘不與樂共起不與苦共起不苦不樂共起不令聚非不令聚非學非非學非見所斷非思惟所斷如是以一種所勝可知此謂色陰

問云何受陰答以相一受以彼心受持成自由處二受所謂身受意受由自性三受樂受苦受不苦不樂受由法四受善受不善受報

受事受由根五受樂根苦根喜根憂根捨根由黑白六受有漏樂受無漏樂受有漏苦受無漏苦受有漏不苦不樂受無漏不苦不樂受由門七受從眼觸生受從耳觸生受從鼻觸生受從舌觸生受從身觸生受從意識界觸生受從意識界觸生受以廣成納一一百八受六依愛起受六依出離起受六依愛憂起受六依出離憂起受六依愛捨起受六依出離捨起受此六六成三十六於三時三三十六此謂受陰

問云何想陰答以想一相以心知事以黑白二想謂顛倒想不顛倒想以由不善三想謂欲想瞋恚想害想以由善三想謂出離想不瞋恚想不害想以不知義性處門四想謂不淨淨想於苦樂想於無常常想於無我我想

以由知義性處四想不淨想苦想無常想無
我想以由毗尼五想於不淨淨想於不淨不
淨想於淨不淨想於淨淨想疑想以由事六
想色想聲想香想味想觸想法想以由門七
想從眼觸生想從耳觸生想從鼻觸生想從
舌觸生想從身觸生想從意界觸生想從意
識界觸生想如是種種想可知此謂想陰
問云何行陰答觸思覺觀喜心精進念定慧
命根蓋不貪不瞋慙猗欲解脫捨作意貪
瞋恚無明慢見調戲疑懈怠無慙無愧除受
想一切心數法行陰於是觸者是心觸事如
日光觸壁是其想足處思者是心動如作宅
種地是其事門足處覺者是心行如以心誦
經是其想足處觀者是心觀事如隨思義是
其覺足處喜者是心歡喜如人得物是其踊

躍足處心者是心清如呪令水清彼四須陀
洹分足處精進者是心勇猛如壯牛堪重彼
八事處足處念者是心守護如持油鉢彼四
念處足處定者是心專一如殿裏燈彼四禪
足處慧者是心見如人有眼彼四聖諦足處
命根者是無色法^{第一}是壽命如鬱波羅水彼名
色足處蓋者是心惡止離如人樂命離毒彼
四禪行足處不貪者是心捨著如得脫責彼
離出足處不瞋者是心不瞋怒如猫皮彼四
無量足處慙者是心羞恥於作惡如憎惡屎
尿彼自身依足處愧者是心畏於作惡如畏
官長彼世依足處猗者是心動搖滅如憂熱
人冷水洗浴彼喜足處欲者樂作善如有信
檀越彼四如意足處解脫者是心屈曲如水
流深處彼覺觀足處捨者是心不去來如人

執稱彼精進等足處作意者是心令起法則
如人執柁彼善不善足處貪者是心攝受如
鵝鳥彼可愛可樂色足處瞋恚者是心踊躍
如瞋恚蛇彼十瞋恚處足處無明者是心無
所見如盲人彼四顛倒足處慢者是心舉如
共相撲彼三種足處見者是心取執如盲人
摸象彼從他聞聲不正憶足處調者是心不
寂寂猶如沸水彼速精進足處悔者是心退
如愛不淨彼以作惡善退足處疑者是心不
一取執如人行遠國惑於二道彼不正作意
第一
足處懈怠者是心懶惰如蛇藏蟄彼八懶處
足處無慙者是心於作惡無羞耻如梅陀羅
人彼不恭敬足處無愧者是心於作惡無畏
如惡王彼六不恭敬足處此謂行陰
問云何識陰答眼識耳識鼻識舌識身識意

界意識界於是眼識者依眼綠色生識是謂
眼識耳識者依耳緣聲生識是謂耳識鼻識
者依鼻緣香生識是謂鼻識舌識者依舌緣
味生識是謂舌識身識者依身緣觸生識是
謂身識意識界者依處五事依二事五識若前
後次第生識此謂意識界者除此六識
餘心此謂意識界此七識以三行所勝可知
如是以處事以事以法問云何以處事答五
識種種處種種事意識界及意識界一處意界
五事意識界六事五識者內法內處外事意
界內法外處外事意識界內法外處內事亦
外事六識者初生處初生事意識界於入體
剎那共生處初以生處於無色有無處一切
事如是以處事可知問云何以事答五識一
一受其境界非一一次第生不前不後生不

散起以五識不知所有法除初起以意識不知所有法除意轉以六識不安威儀以迅速安之以六識不受持身業口業以六識不受善不善法以迅速受之以六識不入定不安詳起以迅速入定以後分安詳以六識不終不生或以後分或以彼事終以果報意識界生以六識不眠不覺不見夢以後分眠以轉意覺以迅速夢見如是以事可知問云何以法答五識有覺有觀意識界有覺有觀意識界設有覺有觀設無覺少觀設無覺無觀五識與捨共行身識^{納一}設與樂共行設苦與苦共行意識界設與喜共行設與憂共行設與捨共行五識果報意識界設果報設方便意識界設善設不善設果報設方便六識無因無起世間法有漏有結有縛有流有厄有蓋所觸有

取有煩惱不以見所斷不以思惟所斷非爲聚非非爲聚非學非非學少欲界繫不定非乘意識界一切壞如是以法勝可知此謂識陰此謂五陰

復次此五陰以四行所勝可知如是以句義以相以分別以攝問云何以句義答色者現義受者可受義想者知義行者作義識者解義陰者種類集義如是以句義可知問云何以想答色者自色相如見刺彼四大足處受者彼受相如癩惡病彼觸足處想者持相爲相如作像貌彼觸足處行者和合爲相如轉輪彼觸足處識者識知相如知味彼名色足處如是以相可知問云何以分別答三種陰分別五陰五受陰五法陰於是五陰者一切有爲法五受陰者一切有漏法五法陰者戒

陰定陰慧陰解脫陰解脫知見陰於此五受陰是可樂如是以分別可知問云何以攝答三種攝入攝界攝諦攝於是色陰十一入所攝三陰法入所攝識陰意入所攝色陰十一界所攝三陰法界所攝識陰七界所攝戒陰定陰慧陰解脫知見陰法入及法界所攝解脫陰法入及意入及法界意識界所攝五陰或諦所攝或非諦所攝五受陰苦諦及習諦所攝戒陰定陰慧陰道諦所攝解脫陰非諦所攝解脫知見陰苦諦所攝有法是陰所攝非諦所攝有法是諦所攝非陰所攝有法是非諦所攝亦諦所攝有法非陰所攝亦非諦所攝於是非根所縛色及與道相應沙門果是陰所攝非諦所攝泥洹是諦所攝非陰所攝三諦是陰所攝亦諦所攝制者非陰所攝亦

非諦所攝如是以行於陰知分別方便此謂陰方便已竟

問云何入方便答十二入眼入色入耳入聲入鼻入香入舌入味入身入觸入意入法入於是眼入者是界清淨以是見色色入者界色形模是眼境界耳入者是界清淨以是聞聲聲入者是界鳴耳境界鼻入者是界清淨以是嗅香香入者界香鼻境界舌入者是界清淨以是知味味入者是界氣味舌境界身入者是界清淨以是觸細滑觸入者是地界火界風界堅軟冷暖身境界意入者是七識界法入者是三無色陰及十八細色及泥洹此謂十二入復次此十二入以五行所勝可知如是以句義以境界以緣以彼夾勝心起以攝問云何以句義答眼者見義色者現義

耳者聞義聲者鳴義鼻者嗅義香者芳義舌者嘗義味者氣味爲義身者正持義觸者可觸義意者知義法者無命義入者無色法門義處義受持義如是以句義可知問云何以境界答眼耳不至境界鼻舌身至境界意俱境界復有說耳者至境界何故唯有近障不聞聲如說呪術復說眼者於其自境界至境界何故壁外不見如是以境界可知問云何以緣答緣眼色光作意生眼識於是眼者爲眼識以四緣成緣初生依根有緣色者以三緣成緣初生事有緣光者以三緣成緣初生依有緣作意者以二緣成緣次第非有緣緣耳聲空作意得生耳識以此分別當分別緣鼻香風作意得生鼻識緣舌味水作意得生舌識緣身觸作意得生身識緣意法解脫作

意得生意識於是意者是後分心法者是法事此成四種六內入過去現在未來第一種五外入過去未來現在離除非入根是第二種法入第三種十一種制名者所謂衆生方時犯罪頭陀一切相無所有入定事滅禪定實思惟不實思惟是第四種此謂法事專心者心隨如理作意者於意門轉意識者速心於是意者爲意識以依緣成緣法者以事緣成緣解脫者以依緣成緣作意者以二緣成緣次第緣有緣如是以緣可知問云何以夾勝心起於眼門成三種除夾上中下於是上事以夾成七心無間生阿毗地獄從有分心轉見心所受心分別心令起心速心彼事心於是有分心者是於此有根心如牽縷轉心者於眼門色事夾緣故以緣展轉諸界依處

有分心成起有分心次第彼爲見色事成轉生轉心轉心次第依眼應轉現得見生見心見心次第已見以心現受生受心受心次第以受義現分別生分別心分別心次第以分別義現今起生令起心令起心次第以令起義由業心速行速行心次第以速行義不以便生彼事果報心從彼更度有分心問何譬喻答如王殿上閉城門卧瘞女摩王足夫人坐大臣及直閤列在王前聾人守門依城門住時守園人取菴羅果打門王聞聲覺王勅瘞女汝當開門瘞女即奉命以相貌語聾人言聾人解意即開城門見菴羅果王捉刀女受果將入現於大臣大臣授與夫人夫人洗淨或熟或生各安一處然後奉王王得食之食已即說彼功德非功德還復更眠如是

如王卧如有分心可知如守園人取菴羅果打門如是於眼門色事夾可知如王聞彼聲王覺教瘞女開門如是以緣展轉界依處有分心起可知如瘞女以相貌教聾人開門如是轉心可知如聾人開門見菴羅果如是眼識可知如捉刀女受彼果將現大臣如是受持心可知如大臣取果授與夫人如是分別心可知如夫人洗淨或熟或生各安一處然後與王如是令起心可知如王食彼果如是速心可知如王食已說彼功德非功德利如是彼事果報心可知如王更眠如有分心度可知於是眼門以中事夾速心無間度彼有心以夾下事令起心無間度有分心如是餘於門可知於意門無事夾以作意緣以解脫行於意門成取事於是於上事三心生有

第一

十四

分心轉心速心彼事心於中及下事二心生轉心及速心於是可受不可受中事以種種緣種種受可知以正作意非正作意緣種種善不善可知如是彼夾勝心起可知問云何以攝答三種攝陰攝界攝諦攝於是十入色

陰所攝意入識陰所攝法入餘泥洹四陰所攝十一入十一界所攝意入七界所攝五內入苦諦所攝五外入或苦諦所攝或非苦諦所攝意入或苦諦所攝或非苦諦所攝法入或四諦所攝或非苦諦所攝如是所攝可知

納一

十五

如是以此行於入智令起方便此謂入方便

入方便已竟

問云何界方便答十八界眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識

界於是眼清淨眼界色形色界眼識眼識界如是餘可知於五門轉事意界受果報意界唯法入餘法界六識界餘心意識界餘如入廣說於是十界色陰所攝法界餘泥洹四陰所攝七界識陰所攝十一界十一入所攝七界意入所攝十一界苦諦所攝五界或苦諦所攝或非諦所攝法界四諦所攝或非諦所攝意識界或苦諦所攝或非諦所攝問云何說化境界答唯此法陰入界爲境界諸說法種類和合相爲陰說門相爲入說自性相爲界復次世尊爲利根人以陰門說苦諦爲中根人以入門說苦諦爲鈍根人以界門說苦諦復次於名著相人以略說色以分別名說陰爲著色相人以分別色以略說名說入於名色著相人以名色分別說界復次說自性

處說陰說處事說入以處事說心起說界以如是等行界分別方便此謂界方便界方便已竟

問云何因緣方便答無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱如是皆苦陰起唯以無明滅則行滅以行滅則識滅以識滅則名色滅以名色滅則六入滅以六入滅則觸滅以觸滅則受滅以受滅則愛滅以愛滅則取滅以取滅則有滅以有滅則生滅以生滅則老死憂悲苦惱滅如是苦陰皆成滅於是無明者不知四諦行者身口意業識者入胎一念心名識名色者共相續心起心數法及迦羅邏色六入者六內入觸者六觸身受者六受身愛者六愛身取者四取有者是業能起欲色無色有生者於有

陰起老者陰熟死者陰散壞問何故無明緣行何故生緣老死答於此無聞凡夫於四諦不知故五受陰長夜樂著我物成彼所觸此我物此我身如是有樂著樂和合爲有思惟彼思惟使非智所處爲得有成住於有如種在耕熟田無彼識爲有滅此謂無明緣行皮無明所起行思入有著於有相事成爲聚於轉有起相續識於有隨心非斷是故行緣識如除日無光明住地增長如是除識無名色於無體住增長如荻相倚展轉相依是故識緣名色依處餘名共生起意入增長依名命四大及食時緣餘五入起增長非餘此緣是故名色緣六入餘根境界識和合起觸是故六入緣觸以觸受或苦或樂或不苦不樂非所觸是故觸緣受癡凡夫受樂成著復更覓

受苦彼對治覓樂若受不苦不樂受捨是故
受緣愛以渴愛急取愛處是故愛緣取彼有
取作事爲有種是故取緣有以如業所勝生
於諸趣是故有生以生成老死是故生緣老
死如穀爲種緣如是無明緣行可知如種爲
芽緣如是行緣識可知如芽爲葉緣如是識
緣名色可知如葉爲枝緣如是名色緣六入
可知如枝爲樹緣如是六入緣觸可知如樹
爲花緣如是觸緣受可知如花爲汁緣如是
受緣愛可知如汁爲米緣如是愛緣取可知
如米爲種緣如是取緣有可知如種爲芽緣
有如是緣生可知如是起種相續如是前際
不可知後際亦不可知如是生無明爲初因
緣相續其前際不可知後際亦不可知問無
明何緣答唯無明爲無明緣使爲纏緣纏爲

使緣初爲初後爲後復次一切諸煩惱成無
明緣如佛所說從漏集起無明集復次如一
心法以眼見色癡人起愛於此時淨樂者心
癡此謂無明思著是無明緣行心著此行緣
識知相應心數法及彼所造色是識緣名色
從愛生喜緣喜故喜色緣故諸根清淨是名
色緣六入無明觸是六入緣觸喜觸緣受欲
受緣愛以著取淨樂是愛緣取以著思是取
緣有彼法起是有緣生住已是老念散壞是
死如是於一剎那成十二因緣問彼十二因
緣分幾名煩惱幾名業幾果報幾過去幾未
來幾現在幾因緣幾已起云何因緣云何因
緣法此二何差別何因緣深性答三煩惱無
明愛取二業行有餘七果報於是名煩惱者
成因爲有後生如畫師色其事不自生如畫

納一

十八

師色事煩惱令起有緣得生如種種色二過去無明及行二未來生老死餘八現在如是以取三時無始生死相續可知十二分因緣者不應說除十二因緣亦不應說爾時云何因緣此十二法如次第展轉因故此謂因緣起十二因緣分已起法此二何差別者因緣者諸行異非成就不可說或有爲或無爲不應說以起因緣法行已成就有爲此二法差別何因緣深性者以是行以是相成無明行緣彼行彼相彼性彼聖人不他緣以慧眼通達如是一切此謂因緣深性復次此因緣以七行可知如是以三節以四略以二十行以輪以牽以分別以相攝云何以三節諸行及識其間第一節受及愛彼間第二節有及生彼間第三節於過去以業煩惱緣現在果報

是第一節以現在果報緣現在煩惱第二節以現在煩惱緣未來果報第三節第一及第三因果節及有節第二節果因節非有節有節者何義答終無間未度陰入界以初業煩惱緣故於諸趣更有生此謂有生節問云何成答彼入無明愛相應以造功德惡業凡夫彼於此時謂死以死受苦卧置死人處不見此世不見彼世失念不得念是時受生苦意念智成退身勇猛成退諸根漸漸失從身或上或下命根失燥失如多羅葉燥於此時如眠夢以業四法起業業相趣趣相云何業是其所造或功德或非功德或重或輕或多或少如近其初所造彼業即起業相者彼處所依造業彼處即起業伴侶業相起彼於時或如現作業趣者以功德緣善趣起以非功德

緣惡趣起名趣相者入胎時三事和合得生
化生者依處處生是其所生處起或宮殿或
坐處或山或樹或江隨其趣及共取相起彼
於此時往彼或倚或坐或卧見彼或取彼於
此時初所造業及業相或趣及趣相作事以
速心現起或命終去速心無間共命根滅成
命終心無間次第以速心起唯彼業或彼業
相或起或取相作事果報心處度於後有如
燈然燈如從火珠出火彼節心起故如伴侶
於母腹依父母不淨三十色業所成起處
身有十彼於老刹那無心過節四十六色成
起業所造三十食節所成二色及八無心過
節色於老刹那共第二心五十四色成起業
所成三十食時所成三色及八如是起識緣
名色名色緣識如是成有節於是以三節可

知問云何以四略答無明行於過去業煩惱
略識名色六入觸受於現在果報略愛取有
於現在業煩惱略生老死於未來果報略如
是以四略可知

問云何以二十行答以取無明過去愛及取
以煩惱相成所取以取行過去有以業相成
所取以取識名色六入觸受現在以果報相
生及老死成所取以取愛取現在以煩惱相
成所取以取有現在行以業相成所取以取
生老死未來識名色六入觸受成所取此二
十四法以取其成就成二十如阿毗曇所說
於初業有癡是無明聚是行著是愛覓是取
思是有此五法於此生有初所作業是其緣
不了諸入癡是無明聚是行著是愛覓是取
思是有此五法於此業有爲未來生時緣未

來生時識度是名色清淨是入所觸是觸取
是受此二法於未來生有於此所作業是其
緣如是以二十行可知云何以輪無明緣行
行緣識乃至生緣老死如是皆苦陰起於此
皆苦陰無知此謂無明無明緣行者復如是
以輪可知云何以牽二牽所謂無明所初及
老死所初於是

問云何無明所初答是說次第云何老死所
初是度次第復次無明所初是有邊際面未
來知道老死所初者初邊際面過去知道如
是以牽可知問云何以分別答二種因緣世
間因緣及出世因緣於是無明所初是世因
緣

問云何出世因緣答苦依苦信依信喜依喜
踊躍依踊躍猗依猗樂依樂定依定如實知

見依如實知見獸患依獸患無欲依無欲解
脫依解脫滅智此謂出世因緣復說四種因
緣業煩惱爲因種爲因有作共業爲因問云
何業煩惱爲因答無明所初云何種爲因如
種芽相續云何有作如化色云何共業爲因
如地雪山海日月復有說非此共業因是諸
色心法時節爲因無有共業如世尊說偈
業不與他共 是藏他不偷 人所作功德
其自得善報
如是分別可知問云何以相攝答四種相攝
陰相攝入相攝界相攝諦相攝於是無明行
觸愛取有行陰所攝識識陰所攝名色四陰
所攝六入二陰所攝受受陰所攝生老死色
陰所攝及行陰所攝無明行觸受愛取有生
老死法入所攝識意入所攝名色五內入所

攝六入六內入所攝無明行觸受愛取有生
老死法界所攝識意識界所攝名色五界所
攝六入十二諦所攝無明愛取十諦所攝餘
九苦諦所攝出世因緣道分道諦所攝因緣
滅滅諦所攝如是以相攝可知如是以行因
緣方便可知此謂因緣方便因緣方便已竟

解脫道論卷第十

音釋

納一

手三

盲瞽盲莫耕切目無童子也 撲撲邪射切 蟄蟄直立切 癩癩落蓋切 模模莫明切 𦵏𦵏許救切 也也氣夾切 瘥瘥烏下切 燥燥蘇到切

解脫道論卷第十一

納二

阿羅漢優波底沙造

梁扶南三藏僧伽婆羅譯

五方便品第十一之二

問云何聖諦方便答謂四聖諦苦聖諦苦集
聖諦苦滅聖諦苦滅道聖諦問云何苦聖諦
答生苦老苦死苦憂苦憂悲苦惱苦苦怨
憎會苦愛別離苦求不得苦以略五受陰苦
生苦者於衆生種類諸陰起此一切苦集義
老苦者以生諸界熟此失力色諸根念慧義
死苦者壽命滅作畏怖義憂苦者至苦處心
思惟此內燒義愛悲苦者苦至語言此內外
燒義苦苦者身苦此因苦身義惱苦者心苦
此因苦心義怨憎會苦者與不可愛衆生共
和合此作苦義愛別離苦者與可愛衆生共

分散離別此作憂苦義求不得苦者樂得與
不可愛別離樂可愛和合彼不得失樂義已
略說五受陰苦者不離五受陰苦是故以略
五受陰苦問云何五受陰答色受陰痛受陰
想受陰行受陰識受陰如陰方便廣說如是
可知於是二種苦處苦自性苦於是生苦死
苦怨憎會苦愛別離苦求不得苦以略五受
陰苦此謂處苦憂苦憂悲苦惱苦此謂自性
苦三種苦者苦苦壞苦行苦於是身苦心苦
是謂苦苦有漏樂受彼處壞是謂壞苦五受
陰行苦此謂苦聖諦問云何苦集聖諦答愛
令復生與欲共起處處起如是欲愛有愛不
有愛此愛令復生者有愛多成令有生愛苦
集者唯愛不共故說苦集與欲共起者唯愛
令歡喜名起令染名染共染起喜起者是處

處令身性起是處歡喜是處可愛色是處歡喜如是欲愛有愛非有愛除有愛及不有愛餘愛是欲愛有愛者與常見共起非有愛者與斷見共起此謂苦集聖諦問云何苦滅聖諦答唯愛滅無餘捨遠離解脫無處此謂苦滅聖諦問不然此亦集滅何故世尊說苦滅答曰苦因滅故成不生滅應作證義是故集滅世尊說苦滅問云何苦滅道聖諦答此入正分道如是正見正思惟正語正業正命正精進正念正定正見者四諦智正思惟者是三善思惟正語者離四惡行正業者是離三惡行正命者離邪命正精進者四正勤正念者四念處正定者四禪復次若修行聖道於泥洹知見此謂正見唯於泥洹覺是正思惟彼斷邪語是正語斷邪業是正業彼斷邪命

是正命斷邪精進是正精進於泥洹念是正念於泥洹專心是正定於是慧根慧力慧如意足擇法覺分成入內正見精進根精進力精進如意足欲如意足精進覺分四正勤成入內精進念根念力念覺分四念處成入內正念定根定力心如意足信根信力定覺分喜覺分猗覺分捨覺分成入內正定如是三十七菩提法成入八正道內此謂苦滅道聖諦此說四聖諦問何故說四聖諦不三不五答一切疑爲世間出世間果因故成四問云何世諦果苦集世諦因果滅出世諦果道出世諦因緣故四不三不五復次應知應斷應證應修以四句故成四此四聖諦以十一行可勝可知如是以句義以相以次第以略以譬喻以分別以數以一以種種以次第廣以

相攝問云何以句義答聖諦者聖人所說名聖諦通達彼故成聖諦諦者如是義不異義自相不異義苦者苦義集者因義滅者隨滅義道者見第一義如是以句義可知問云何以相答苦者過患相集者因相滅者不生相道者方便相復次苦者逼惱相憂相有爲相有邊相集者聚相因緣相和合相著相滅者出離相寂寂相無爲相醍醐相道者乘相令到相見相依相如是異相可知問云何以次第答以麤義及證義初說苦諦此苦以此生第二集此集滅是此苦滅第三滅此方便爲實滅第四說道如明了醫初見病源後問病緣爲滅病故如病說藥如是病如苦可知如是病因緣如集可知如是病盡如脫滅可知如是藥如道可知如是以次第可知問云何

以略答生是苦今生是集苦止是滅今止是道煩惱處是苦煩惱是集斷煩惱是滅斷方便是道苦能起關身見門集能起關斷見門滅能起關常見門道能起關邪見門如是以略可知問云何以譬喻答如毒樹如是苦可知如種如是集可知如是燒種如是滅可知如火如是道可知如此岸有苦有怖畏如是苦可知如流如是集可知如彼岸無苦無怖畏如是滅可知如船能度如是道可知如擔擔如是苦可知如取擔如是集可知如置擔如是滅可知如置擔方便如是道可知如是以譬喻可知問云何以分別可知答四種諦語諦各各諦第一義諦聖諦於是說實語非不實是謂語諦於各各諦大入諸見此謂各各諦彼諦比丘妄語愚癡法彼不妄語愚癡

法是諦泥洹者是第一義諦是聖人所修行是聖諦於此所樂聖諦如是以分別可知問云何以數可知答除愛於三地善不善無記法是苦諦愛是集諦斷彼是滅諦八分道是道諦復次除愛餘煩惱於第三地善不善無記法是苦諦愛及餘煩惱是集諦斷彼是滅諦道者是道諦復次除愛餘煩惱一切不善於三地善有記法是苦諦愛及與煩惱一切不善是集諦斷彼是滅諦道是道諦復次除愛與煩惱及一切不善於三地不善於三地無記法是苦諦愛及餘煩惱及一切不善於三地善此集諦斷彼是滅諦道是道諦於是見有氣味義是愛集有結使義餘煩惱是集以可斷義以今起有義一切不善是集以今有義於三地善法是集於是愛及餘煩惱是

納二

五

集一切不善於三地及善或苦諦或集諦遍惱憂有爲有邊相故成苦諦聚因緣著和合相故成集諦如是以數可知問云何以一可知答此四諦以四行成一以諦義以如義以法義以空義如是以一可知問云何以種種可知答二諦世諦出世諦世諦者有漏有結有縛有流有軛有蓋可觸有取有煩惱所謂苦及集出世諦者無漏無結無縛無流無軛無蓋不可觸無取無煩惱所謂滅道三諦有爲滅諦無爲三諦無色苦諦有色無色集諦不善道諦善滅諦無記苦諦善不善無記苦諦可知集諦可斷滅諦可證道諦應修如是以種種可知問云何以次第廣答以一種有識身是苦集我慢斷彼是滅身念是道以二種名色是苦是無明有愛是集斷彼是滅奢

摩他毗婆舍那是道以三種成所謂苦苦是
苦諦三不善根是集斷彼是滅戒定慧是道
以四種成四身性處是苦四顛倒是集斷顛
倒是滅四念處是道以五種成五趣是苦五
蓋是集斷蓋是滅五根是道以六種成六觸
入是苦六愛身是集斷愛身是滅六出離法
是道以七種成七識住是苦七使是集斷七
使是滅七菩提分是道以八種成八世間法
是苦八邪邊是集斷八邪邊是滅八正分是
道以九種成九衆生居是苦九愛根法是集
斷彼是滅九正作意根法是道以十種成十
方行是苦十結使是集斷結是滅十想是道
如是以次第廣可知問云何以攝答三種攝
陰攝入攝界攝於是苦諦五陰所攝集諦及
道諦行陰所攝滅諦非陰所攝苦諦十二入

約二

六

所攝三諦法入所攝苦諦十八界所攝三諦
法界所攝如是以攝可知以此行於聖諦知
令起此謂聖諦方便聖諦方便已竟
分別諦品第十二之一
爾時坐禪人已明了陰界入因緣諦已得聞
或頭陀禪以凡夫未解脫怖畏惡趣已觀惡
趣怖已觀無始生死怖已觀一剎那不可得
已觀三百鉾刺喻已觀燒頭受喻未分別四
聖諦爲分別聖諦當作方便當作欲當作勇
猛精進專心緣念具足應令滿問云何當作
答彼坐禪人初四聖諦當聞或以略或以廣
或以略廣以聞以義以誦當受持是時坐禪
人入寂寂坐不亂心不去來心四聖諦應令
起初苦諦應令起或以陰或以入或以界陰
法以自相以陰相應令起如陰方便廣說如

是當知入者以入相應令起如入方便廣說如是當知界者以界相應令起如界方便廣說如是當知彼坐禪人如是已陰入界唯有陰入界無衆生無命已令起已得行想爾時已略作二種命起所謂名色納二於是色陰十入十界色四陰意入七界是名法入法界或名或色餘名餘色餘色餘名者以色空色者以名空名者以色不離色者以名不離如鼓聲唯依名色生依色名生如盲跛遠行問名色者何差別答名者無身色者有身名者有所知色者無所知名者輕轉色者遲轉名無聚色有聚名者覺知思識色者無此色者行倚坐卧屈伸名無此名者知我行我倚我坐我卧我屈我伸色無此色者飲食噉嘗名無此名者知我飲我食我噉我嘗色無此色者拍

戲笑啼種種言說名無此名者知我拍我笑我戲我啼我種種言說色無此謂名色差別彼坐禪人如是名色唯以名色無衆生無命已令起已得行想爾時一切作略苦諦者令起如實知見清淨令名色起此總語苦諦令起可知彼坐禪人如是已令起苦諦作衆生想從此苦因緣應觀問此苦何因緣何集答彼坐禪人如是知此苦生爲因緣生者有爲因緣有者取爲因緣取者愛爲因緣愛者受爲因緣受者觸爲因緣觸者六入爲因緣六入者名色爲因緣名色者識爲因緣識者行爲因緣行者無明爲因緣如是無明緣行行緣識生緣老死成憂悲苦惱如是悉苦陰成起彼坐禪人如是以因緣所縛以廣觀爾時以作略此受緣愛彼苦集令起或法住智或

取因緣智或離疑清淨此衆語言集諦令起智彼坐禪人以令起苦集於三時已度疑爾時觀苦滅誰滅爲苦滅誰滅爲此苦滅彼坐禪人如是知從生滅此苦滅從生滅有滅從有滅取滅從取滅愛滅從無明滅行滅如是從無明滅行滅從行滅識滅從生滅老死憂悲苦惱滅如是此一切苦陰成滅彼坐禪人如是因緣所縛滅已廣已觀爾時作略此受緣愛從彼滅苦滅令起滅諦彼坐禪人如是已令起滅諦爾時觀苦滅道何道何具足爲愛滅彼坐禪人如是知於五受陰觀過患此道此具足爲愛滅令起道諦如諦方便廣說如是可知彼坐禪人如是以次第已令起四諦爾時於五受陰以一百八十法次第以聚分別觀所有色過去未來現在或內或外或

大或小或麤或妙或遠或近一切色以無常廣觀以廣觀苦以廣觀無我如是所有受所有想所有行所有識於一一陰十二法門於五陰五十二成六十六十無常見六十苦見六十無我見成一百八十復次一百八十法門六內入六外入六識身六觸身六受身六想身六思身六愛身六覺六觀此十六成六十六十無常見六十苦見六十無我見三十六成一百八十彼久遠年時日月月半日夜時念刹那以迴轉法行成新故如燈炎相續成轉以無常於行分別觀以惡趣受苦飢渴怖畏求覓愛別離老病死憂悲苦惱此行相應相續以苦於行觀分別從陰入界因緣諦業果報因緣今生所生無衆生不動無事自性行成起以無我於觀分別於行色無常以

滅義以苦怖義無我不實義以作略廣分別如是受想行識無常滅義苦者以怖義無我以不實義如是作略廣分別於是以無常已分別除常想以苦分別除樂想以無我分別除我想問云何以無常廣分別答如實見一切諸行無有爲邊滅爲邊於無相戒令起心於無相界爲安心是故以無常廣分別問云何以苦分別答於一切諸行令心怖畏從作願令起心於無作願爲心安是故以苦廣分別問云何以無我廣分別答於一切法見從他從此執令起心於空界爲心安是故以無我廣分別如是分別三有五趣七識住九衆生居以滅怖畏以無實觀之分別智已竟彼坐禪人於五受陰已分別於三相令樂入欲斷諸行爾時現在內五受陰取彼相令通

達起滅如是此法以無生現生以生滅如是通達於是取相者取相三種取煩惱相取定相取毗婆奢那相於是愚癡凡夫於見聞覺知境界以成樂常想顛倒所初心以好取相於此著煩惱如蛾投燈此謂取煩惱相問云何取定相答於此坐禪人樂得定以念正智所初心三十八行於一行取相令繫心爲不亂故如鉤繫象此謂取定相問云何取毗婆奢那相答常觀人以慧所初心色受想行識各各分別其自相樂欲捨修彼相如捉毒蛇此謂取毗婆奢那相於此取毗婆奢那相可樂問云何取受想行識相答彼色識相或以地界或以水界或以火界或以風界或眼入或身入如是觀彼受受相或爲樂或爲苦或爲不苦不樂如是觀彼想想相或爲色想

或爲法想如是觀知行行相或爲觸或爲思
或爲覺或爲觀或爲作意如是觀彼識識相
或眼識或意識如是觀彼彼坐禪如是善取
彼相以善令起令起如是取色受想行識相
復次以二行取心相以事以作意問云何以
事取心相答以此事我心起當觀彼以此色
受事以此想事以此行事以此識事我心起
如是當觀彼如是以事取心相問云何以作
意取心相答如是我作意色此心起如是當
觀如是我作意受想行我心起如是當觀如
是已作意取心相問云何彼相成善取答以
是行以是相色受想行識相以成觀若復堪
更觀彼相以此行以此相是謂彼相成善取
通達生滅者有起有滅有起滅通達於是色
已生現在彼生相起變相滅彼二句以慧眼

約二

十一

見通達起滅受已生現在受想行識彼生相
起變相滅彼二句以慧眼見通達起滅復次
以三行通達起相以三行通達滅相如是以
因以緣以自味問云何以因通達起相答受
無明業是因爲陰起以慧眼見以因通達起
相云何以緣通達起相食緣爲色陰起觸緣
爲三陰起名色緣爲識陰起以慧眼見以緣
通達起相問云何以自味通達起相答如燈
炎相續無間初後新新起行以相以慧眼見
以自味通達起相於是因以起見以集諦
相成見以念起覺以緣以自味以起見苦諦
以相成所見以剎那不可得覺如是以三行
通達起相問云何以三行通達滅相答以因
滅以緣滅以自味滅於是以愛滅以無明滅
以業滅陰成滅以慧眼見以因滅通達滅相

以食滅色陰成滅以觸滅三陰成滅以名色滅識陰成滅以慧眼見以緣滅通達滅相如燈炎相續無間初有滅行以慧眼見以自味通達滅相於是因滅見滅諦以相成所見以無生相覺以緣滅以自味以見滅以苦諦相成初見以剎那不可得覺問若以起滅見苦諦以相得見何故上智當起答何用起見滅以苦諦相得見未見彼苦成滿乃至諸行過盡如實已見從行相已令起心於非行心成度如實已見諸行過患從行相已令起心於非行成度是處見苦成滿謂往邊故猶如飛鳥爲火所圍未免怖畏若飛至虛空見火圍過患成飛虛空是時彼見火怖圍成滿如是於此可知於是因以緣以起見成通達因緣起相此有此起起故此成起因滅故

約二

十二

及緣滅故以見滅因緣生相成通達此無有此不成此滅故此滅以自味以起滅見已起成通達知因緣法有爲法起彼起得知彼滅亦知彼住以亦知如是以起滅見四法成所知如是一相法種種法無事法正法於是一相續所著諸行以起彼見不成種種執初後轉諸行以彼滅見不成一執自性離無動諸行以初後見不成我執因緣所轉初後諸行如是以法見不成無事執無聞凡夫以一不覺常斷說以種種不覺成常說以無事不覺成我說如是以法不覺成無事說於是以平等語言以一相勝語言以種種相攝成一相以分別義成種種以煩惱義成一性以方便義成種種性以愛果成一性以業果成種種見性彼坐禪人如是見一性非於此執種種

見若見種種性非於此執常見一性若現見一性餘作餘覺除此見若現見種種性彼作彼覺除此見若現見一性除此斷見若現見種種性除此常見彼坐禪人如是以起滅見一性種種性法明何以起現起諸行見彼無事何故一切諸行無事不動無餘所起住住第二自性因緣和合集爲因緣如是以止法生令生於是以無命義及不動義無事法可知以自性義及緣義如是止法可知令現空無事令現業所作如是止法令現無事名法如是令現止法名行於是以一性法覺苦相成通達以種種性覺無常相成通達以無事法覺如是以正法覺無我相成通達問彼坐禪人一切諸行以無餘處觀起滅爲一處當觀耶答於初諸行處取其相通達起滅無餘處一

切諸行令滿如人於大海一處以舌舐水即知一切水鹹如是於此可知以二行諸行令滿以事以不愚癡於是諸行取其相通達生滅彼諸行以其事成滿於是斷無智故餘諸行以不愚癡成滿於是起滅智是諸行分別智一切諸行以起初邊成分別以滅後邊成分別以起初邊成寂寂以滅有邊成寂寂以起從起無初以滅從滅無後是故起滅智成諸行分別智起滅智已竟彼坐禪人如是正見生滅相善分別諸行樂得滅樂定爾時不作意觀生唯見心滅以色事以心生滅依彼事見心滅如是以受持以想事以行事以識事以心生滅依彼事見心生滅復次以三行見滅如是以聚以雙以分別問云何以聚答於威儀威儀所起心心數

法於其處以聚見彼滅復次已觀色無常受
 無常想無常行無常識無常爾時以無常事
 所起心心數法以聚見彼滅如是以苦事無
 我事如是以聚當見問云何以雙答此色無
 常已觀無常隨無常起心見心生滅如是受
 想行識無常已觀隨無常事起心見生滅如
 是已苦事已無我事如是以雙當觀問云何
 以分別答已觀此色無常隨無常事起心見
 心生滅如是以分別觀見多心滅如是觀受
 想行識無常隨無常事起心見心生滅以是
 見心滅復見滅如是以分別見多心滅如是
 觀苦觀無我如是已分別唯現觀彼滅其彼
 若滅事成專常覓諸行刹那成得利彼坐禪
 人以此慧非他緣見一切世間以自性如到
 芥子頭於一心刹那生老死變爾時坐禪人

納二

十四

復如是見如偈所說

此雙名色性	展轉於一滅	句滅緣彼滅
及彼因所生	陰無常滅法	苦生法滅法
如桴打鼓聲	亦不從眼生	色香等五法
亦不從色生	亦不離二句	依緣生有爲
如桴打鼓聲	亦不從耳生	色香等五法
亦不從聲生	亦不離二句	亦不從鼻生
色香等五法	亦不從香生	亦不離二句
亦不從舌生	色香等五法	亦不從味生
亦不離二句	亦不從身生	色香等五法
亦不從觸生	亦不離二句	亦不從色生
不從法出入	依因緣依生	如桴打鼓聲
彼根最羸出	初因亦最羸	彼因亦最羸
所起彼亦羸	共地此最羸	相應亦最羸
和合亦最羸	展轉此最羸	展轉法不住

第二

十五

亦無性展轉 無有能令起 令起彼亦無
如乾闥婆城 是誰初令起 不以自身生
不以自力住 由隨他法生 生諸有漏法
身體羸劣不自生 亦不自因不自事
不有爲處不自性 不自性行相諸有
爲生自身羸無時 無所從來無所行
處無所生爲他國 心無我所命身性
一心苦樂相應速 剎那山海八萬劫
一住不再無二心 相應過去及當滅
現住一切彼諸陰 此等已去無聞失
未來當失於彼間 已彼無異相不起
以不生故現在生 從於心失世間無
第一義中無去來 未來無聚唯轉生
住如芥子生諸法 彼法滅已是其初
世間以法初不離 不見去來不見生

諸法不生如虛空 猶如電起須臾滅
彼坐禪人如是見滅無盡入定如鑽火煙起
菩提品剎那剎那起光明智起喜猗樂取解
脫念處起捨出離於是不明了坐禪人於彼
法或起亂或起增上慢問云何爲除亂答彼
坐禪人於法起喜彼喜復令更安如是彼法
復更令安成其心法調所攝若法調所攝心
從滅觀定其心離常離常通達如是離去問
云何起增上慢答彼坐禪人於法初起光相
得出世間法於未得成得相常不更作精進
如是增上慢起明了坐禪人知此煩惱是定
亂知世間法行事如是知出世間法泥洹事
如是知已如是智除亂除增上慢唯見滅是
善修行多修行觀滅智
已竟
解脫道論卷第十一

納一

十六

音釋

擔擔上都甘切也下鉞迷浮切鹹胡嚴切鹽
味桴風無切擊所負也羸力追切
也桴杖也

解脫道論卷第十二

納三

羅漢優波底沙造

梁扶南三藏僧伽婆羅譯

分別諦品第十二之二

彼坐禪人如是現觀滅以由觀滅成畏陰因

亦畏陰生畏三有五趣七識住九衆生居成

畏彼如惡人捉刀可畏如毒蛇如火聚如是

以由觀滅成畏陰因畏陰生畏三有五趣七

識住九衆生居以無常現作意令畏想以安

隱令起無相以苦現作意成畏生以安隱令

起無生以無我現作意成畏相及生以安隱

令起無相及無生觀過患觀厭離軟隨相似

忍是其總語言

今起智
怖已竟

彼坐禪人以怖現修行令起智樂解脫智生

彼陰相是怖者樂解脫智起陰生爲怖者樂

解脫智起三有五趣七識住九衆生居此怖者樂解脫智起如火所圍鳥從彼樂解脫如人爲賊所圍從彼樂解脫如是彼坐禪人陰因陰生三有五趣七識住九衆生居此怖畏者樂解脫智起以無常現作意畏因以苦現作意畏生以無我現作意畏因及生樂解脫智起於是凡夫人及學人於樂解脫智二種引心或觀歡喜於是現觀於是成通達現觀歡喜心成憂惱成修行障礙成通達難見思惟行捨中隨相似忍此是總語言

樂解脫
智已竟

彼坐禪人如是現修行樂解脫智從一切諸行樂解脫樂泥洹諸行唯作一相欲令起解脫門相似智起以三行得相似智以三行越正聚於五陰無常現見得相似智五陰滅常泥洹如是現見越正聚於五陰以苦現見得

相似智五陰滅樂泥洹現見越正聚於五陰
以無我現見得相似智五陰滅第一義泥洹
現見越正聚問云何以智現越正聚云何以
智已越正聚答以性除智現越正聚以道智
已越正聚問相似智者何義答相似者四念
處四正勤四如意足五根五力七覺分八正
道分以彼相似此謂相似智總語言無怨見
利相似忍此是相似智總語言相似智
已竟
相似智無間次第從一切諸行相起作泥洹
事生性除智問云何義名性答除凡夫法名
性除非凡夫法所除亦名性除性者是泥洹
復次種植泥洹者名性除如阿毗曇所說除
生名性除度無生亦名性除復除生因名性
除度無生無相名性除於泥洹是初引路從
外起轉慧此性除總語言性除智
已竟

性智無間次第現知苦現斷集現作證滅現
修道生須陀洹道智及一切菩提法彼坐禪
人於此時以寂寂現見有邊無爲醍醐戒於
一刹那以一智非初非後分別四諦以知苦
分別以斷集分別以作滅證分別以修道分
別成分別如譬喻偈所說
如人捨此岸 以船度彼岸 於彼度諸物
乘船者除漏
如船度水非初非後於一刹那作四事捨此
岸除漏到彼岸度物如捨此岸如是智分別
苦如除漏如是分別斷集如度彼岸如是作
證分別滅如以船度物如是修道分別如燈
共生於一刹那不初不後作四事如小燈炷
除闇令油消令光明起如日共生非初非後
於一刹那作四事令現色除闇令滅寒令起

光明如令現色如是智分別苦如除闇如是分別斷集如令滅寒如是作證分別滅如令起光明如是修道分別如日如是聖智問如實現見苦知苦斷集證滅修道此相云何若不見苦四顛倒生爾時如所說有邊無爲醒翻戒以寂寂現見以一智非初非後分別四諦此義云何答於生滅智是時未成見苦漏及至如實見諸行過患從諸行相令起心於無行成度是故如實見諸行過患從諸行相以令起心於無行成度是處見苦漏到最後故復說若如是以寂寂以性除智成分別諦性除智者從行相起成度無行若性除智從行相起成度於無行成度於泥洹唯著因是其事以著事得定心若不得定不生奢摩他毗婆舍那亦不得菩提法滿是故以性除智

成分別諦從彼性除智無間道智成生於此時得於泥洹定心得定成起奢摩他毗婆舍那成滿菩提分法是故唯以道智成分別諦如人從燒城出脚跨門闢從城已出一脚是時未名出如是性除智從彼行相起成度無行是時未名度煩惱諸法未滿故如人從所燒城兩脚已出是時名出燒城如是性除智無間成生道智起是時名從煩惱城出諸法滿故是故以性除智成分別諦分別諦者何義答四聖諦於一刹那說和合名分別諦於此時道智和合依義諸根成平等不動義力義乘義菩提分因義道分令住義念處勝義正勤便義如意足實義諦不亂義奢摩他隨觀義毗婆舍那義不相離義雙義覆義戒清淨不亂義心性淨見義見清淨義脫義解脫

通達義明捨義脫斷義滅智根義欲令起義
作意平等義觸受滅出離義現前義定依義
念真實義慧深勝義醍醐最後義泥洹最後
平等義坐禪人如是現智如是現見斷三結
所謂身見疑戒取及彼相應煩惱問云何身
見答於此無聞凡夫見色爲我我有色色爲
我所於色我如是受想行識見識爲我我有
識識爲我所於識我此謂身見此身已斷彼
斷故六十二見亦斷爲身見所初六十二見
問云何疑答或於苦或於集或於滅或於道
或於佛法僧或初邊或後邊或初後邊疑惑
於因緣所起法彼疑惑此謂疑彼亦斷問云
何戒盜答戒盜二種渴愛及癡我以此戒以
此行以此苦行以此梵行我當生天我皆當
生一一天處此謂渴愛戒盜從此外沙門婆

約三

五

羅門以戒以清淨以清淨戒行彼如是見此
謂癡戒盜彼亦斷問云何彼一處住煩惱答
彼令住惡趣婬欲瞋恚癡此謂彼一處住煩
惱亦斷於此間爲須陀洹果作證成向未得
須陀洹住須陀洹向地或第八地或見地或
定從兩起轉慧此須陀洹道智總語言須陀
洹無間次第三結斷故作無爲事與道等法
無異方便起須陀洹果智果心或二或三生
無間彼次第度後分心從後分起觀道觀果
觀泥洹觀已斷煩惱觀餘煩惱此謂須陀洹
不退法定向菩提向未來果欲分別是世尊
胷生口生法生法所造得法分不與物分此
謂見具足善修行通達聖法至醍醐門住見
具足到此妙法見此妙法已覺智成就已覺
明成就入法流聖通達慧開醍醐門住是故

說此偈

於地一國王 於天堂一王 領一切世間

須陀洹果勝

彼坐禪人於此地住於上作精進爲作斯陀含果證作見生滅所初現觀如初所說現修行如已見道依諸根力菩提覺如是分別諦彼如是修行向滅斷麤欲瞋恚及彼一處住煩惱從彼道無間作證斯陀含果彼坐禪人於此地住於上作精進爲作阿那含果證作見生滅爲初現見如初所說現修行如見道依諸根力菩提覺如是分別諦彼如是向滅斷細欲瞋恚及彼一處住煩惱從彼彼道無間作證阿那含果彼坐禪人於此地住於上作精進爲作證阿羅漢果作見生滅爲初現見如初所說現修行如已見道依諸根力菩

納三

六

提覺如是分別諦彼如是向斷色欲無色欲慢調無明餘煩惱無餘斷從彼坐禪人作證阿羅漢果彼觀道觀果泥洹觀斷煩惱彼比丘成阿羅漢滅漏所作以立置擔到妙義斷有結正智解脫離五分六分成就一守護不爲死所繫除餘諦等滅信覓無濁思惟猗身行善解脫心善解脫慧梵行已立成丈夫最勝丈夫得第一所得此謂除瞋恚者度岸者離煩惱者無結礙者得聖蝕者除擔者不相應者沙門者婆羅門者已浴者度韋陀者最上婆羅門者阿羅漢者度者脫者伏者寂寂者令寂者是阿羅漢總語言於是若須陀洹從其生於上不更作精進以三種得見三種須陀洹一七生家家須陀洹一生須陀洹於是鈍根成七生中根成家家利根成一生七

生者七時往天當來此作苦邊家須陀洹
或二時或三時往彼家已往作苦邊一生須
陀洹已令生人有作苦邊若斯陀舍人從其
生於上不作精進一時來此世作苦邊若阿
那舍從其生於上不作精進從此終生淨居
彼由諸根勝以五種得見成五阿那舍中間
般涅槃生般涅槃不行般涅槃行般涅槃上
流往阿迦尼吒天於是名中間般涅槃者未
至所著無間中間依壽命時爲除殘結使令
起聖道生般涅槃者越中壽命爲除殘結使
已生令起聖道不行般涅槃者無異行爲除
殘結使令起聖道行般涅槃者有異行爲除
殘結使令起聖道上流阿迦尼吒天從不煩
終往不熱從不熱終往善見從善見終往善
現從善現終生阿迦尼吒天於阿迦尼吒爲

納三

七

除殘結使起聖道於是不煩天萬劫壽命不
熱天二萬劫壽命善見天四萬劫壽命善現
天八萬劫壽命阿迦尼吒天十六萬劫壽命
於四地成五五人於阿迦尼吒四人無上流
人如是彼成二十四人阿羅漢已斷一切煩
惱無餘故不成後有因因無故阿羅漢已免
壽形命行滅此苦斷不起餘苦此謂苦邊是
故說此偈
譬如搥打鐵 火星流入水 次第成寂滅
彼趣不可知 如是正解脫 已度欲縛漏
至於無動樂 彼趣不可知
問於此有師說次第修道次第斷煩惱次第
分別諦答或以十二或以八或以四道智作
證果問云何於此見不相應答若次第修行
次第斷煩惱是故次第作證以是次第作證

果可樂與道果相應故若如是可樂一須陀洹果者成耶若如是不可樂次第修道次第斷煩惱者亦然復次第二過若以見苦見苦所斷煩惱滅斷可樂是故已見苦見苦所斷煩惱已斷作證四分須陀洹果作證應可樂

納三

方便成就故若如是可樂作證四分須陀洹四分七時生四分家家生四分一生四分住於道四分住於果於此不相應若如是不可樂以見苦見苦所斷煩惱斷耶此不相應復次第三過若以見苦見苦所斷煩惱斷者所樂是以現見苦四分須陀洹道住四分信行四分法行成應可樂不見餘三諦若此所樂住於四須陀洹道成四信行成四法行於此不相應若如是不可樂以見苦見苦所斷煩惱斷復次第四過亦不相應若現見道成向

以見道成住果此可樂以是現見苦成向以見故成住果應可樂見一種故若如是可樂向及住果成多過於此此不相應若如是不可樂現見道成證以見道成住於果此亦不相應復次第五過若以見道作證果未見苦

納三

九

集滅成作證果可樂者以見苦集苦滅是無義復次第六過若以十二或以八或以四道智作證須陀洹果可樂者以是作證或十二或八或四須陀洹果應成可樂者成道智無果若如是可過地以成過於此此不相應若如是可樂或以十二或以八或以四道智作證須陀洹果者耶此亦不相應復此第七過若或十二若八若四道智令起一須陀洹果者可樂此亦不相應多事令起一果如多菴婆果令生一果問若以一智一刹那無前無

後成分別四諦一智應成四見取事若以見苦成見四諦四諦成苦諦若此二義無此不相應一刹那以一智無前無後成分別四諦答非一智成四見取事亦非四諦成苦諦坐禪人唯從初四諦種種相一相以前分別前故爾時以聖行苦諦如是相以通達成通達四諦如其相四諦以如義成一相如五陰種種相一相以前分別爲色陰以無常已見五陰無常亦常見無常非色陰爲五陰如是入界如是於此可知於是散法可知如是觀覺喜受地根解脫煩惱正受二定於是觀者二觀禪觀燥觀問云何禪觀已得定以定力伏蓋以名比分別色觀見禪分奢摩他爲初修毗婆舍那燥觀者以分別力伏蓋以色比分別名見觀諸行毗婆舍那爲初修行奢摩他

覺者燥觀初禪及觀者觀道及果成有覺於三禪毗婆舍那乃至性除成有覺道及果成無覺於覺地造成八分道於無覺地七分除思惟喜者燥觀得苦行具足毗婆舍那相似智成無苦起性除道及果共起喜燥觀得樂行具足於二禪毗婆舍那及道果共起喜於第三禪於第四禪毗婆舍那道及果不共起喜於喜地道及果七覺分起於無喜地六菩提覺除喜菩提覺受者燥觀得苦行具足毗婆舍那乃至相似智共捨起性除道及果共喜起燥觀得樂行具足於三禪^{納三}毗婆舍那道果共喜起於第四禪毗婆舍那道果共捨起地者二地見地思惟地於是須陀洹道見地餘三道四沙門果思惟地未常見今見名見地如是見如是修是思惟地復次二地學地

不學地於是四道三沙門果學地阿羅漢果
無學地根者三出世間根未知我當知根已
知根知已根於是須陀洹道智初未知今知
者成未知智三道智三果智已知法更知知
根阿羅漢果智無餘已知法知者已知知根
解脫者三解脫無相解脫無作解脫空解脫
於是道相似智不作相是無相解脫不作願
是無作解脫不作執是空解脫復次此三解
脫以觀見成於種種道以得成於一道問云
何以觀見成於種種道答已觀見無常成無
相解脫以觀見苦成無作解脫以觀見無我
成空解脫問云何以觀見無常成無相解脫
答以無常現作意以滅諸行起心成多解脫
得信根及四根彼種類如實智相彼種類一
切諸行成無常起令起相怖畏從相行生智

納三

十一

從相心起於無相心越以無相解脫身得脫
如是以觀無常成無相解脫問云何以觀見
苦成無作解脫答以苦現作意以怖畏諸行
令起心成心多寂寂得定根及四根彼種類
如實知生以彼種類一切諸行成苦所見以
怖畏生令起生智從生心起於無生心越以
無作解脫身得脫如是以觀見苦成無作解
脫問云何以觀見無我成空解脫答以無我
現作意以空令起諸行心成多厭惡得慧根
及四根彼種類如實知相及生以彼種類一
切諸法成無我可見以怖畏令起相及生依
相及生智唯起從相及生心成離於無相無
生滅泥洹心起以空解脫身得脫如是以觀
見無我成空解脫如是此三解脫以觀成於
種種道問云何以得三解脫成於一道答已

得無相解脫成得三解脫何故是人以無相
其心得脫雖解脫彼已作以執其已得無作
解脫三解脫成所得何故以作其心得脫以
解脫彼以相以執得空解脫三解脫亦得何
故若其以執心得脫以解脫以相以作如是
已得三解脫成於一道解脫者解脫門者何
差別答唯彼道智從煩惱脫名解脫以入醍
醐門義名解脫門復次解脫者唯道智彼事
爲泥洹此謂解脫門煩惱者一百三十四煩
惱如是不善根三覓四漏四結四流四軛
四取四惡趣行五慳五蓋六諍根七使世間
八法九慢十煩惱處十不善業道十結十邪
邊十二顛倒十二不善心起於是三不善根
者貪瞋癡於此三瞋者以三道成薄以阿那
含無餘滅貪癡者以三道成薄以阿羅漢道

約三

十二

無餘滅三覓者欲覓有覓梵行覓於此三中
梵行覓者以須陀洹道無餘滅欲覓者以阿
那含道滅有覓者以阿羅漢道滅四漏者欲
漏有漏見漏無明漏於此見漏者以須陀洹
道滅欲漏者以阿那含道滅有漏無明漏者
以阿羅漢道滅四結者貪欲身結瞋恚身結
戒盜身結此諦執身結於此戒盜身結者此
諦執身結以須陀洹道滅瞋恚身結以阿那
含道滅貪身結以阿羅漢道滅四流者欲流
有流見流無明流四軛者欲軛有軛見軛無
明軛如初所說滅四取者欲取見取戒取我
語取於此三取以須陀洹道滅欲取以阿羅
漢道滅四惡趣行欲惡趣行瞋惡趣行怖畏
惡趣行癡惡趣行此四以須陀洹道滅五慳
者住處慳家慳利養慳色慳法慳此五以阿

那含道滅五蓋者欲欲瞋恚懈怠睡眠調慢
疑於此疑者以須陀洹道滅欲欲瞋恚慢以
阿那含道滅懈怠調以阿羅漢道滅睡眠隨
色六諍根者忿覆嫉諂惡樂見觸於此諂惡
樂見觸以須陀洹道滅忿覆嫉以阿那含道

納三

十三

滅七使者欲染使瞋恚使慢使見使疑使有
欲使無明使於此見使疑使以須陀洹道滅
欲染使瞋恚使以阿那含道滅慢使有使無
明使以阿羅漢道滅世間八世法者利衰毀
譽稱譏苦樂於此四不受處瞋恚以阿那含
道滅於四愛處使以阿羅漢道滅九慢者從
彼勝我勝生慢與勝我等生慢從勝我下生
慢從等我勝生慢從等我等生慢從等我下
生慢從下我勝生慢從下我等生慢從下我
下生慢九慢者以阿羅漢道滅十惱處者貪

瞋癡慢見疑懈怠調無慙無愧於此見疑以
須陀洹道滅瞋恚以阿那含道滅餘七以阿
羅漢道滅十惱處者此人於我已作現作當
作非義生惱我所愛念人彼人已作現作當
作其非義生惱我所不愛念人彼人已作現
作當作者於非處生念九惱處以阿那含道
滅十不善業道者殺生不與取邪行妄語惡
口兩舌綺語貪瞋邪見於此殺生不與取邪
行妄語邪見以須陀洹道滅惡口兩舌瞋以
阿那含道滅綺語貪以阿羅漢道滅十使者
欲染使瞋恚使慢使見使疑使戒取使有染
使嫉使慳使無明使於此見疑戒取使以須
陀洹道滅欲染瞋恚嫉慳使以阿那含道滅
慢有染無明使以阿羅漢道滅十邪邊者邪
見邪思惟邪語邪業邪命邪精進邪念邪定

邪智邪解脫於此邪見邪語妄語業邪命邪
智邪解脫以須陀洹道滅邪思惟邪語惡語
兩舌以阿那含道滅邪語綺語邪精進邪念
邪定以阿羅漢道滅十二顛倒者於無常常
想顛倒心顛倒見顛倒如是於苦樂於不淨
淨於無我我於此無常常三顛倒於無我我
者三顛倒於不淨淨者見顛倒於苦樂者見
顛倒以須陀洹道滅於不淨淨者想顛倒心
顛倒以阿那含道滅於苦樂者想顛倒心顛
倒以阿羅漢道滅十二不善心起者與喜共
起見相應無行心起有行心起與喜共起見
不相應無行心起有行心起與捨共起見相
應無行心起有行心起與捨共起見不相應
無行心起有行心起與憂共起瞋恚相應無
行心起有行心起與調共起心起與疑共起

納三

十四

心起於此四見相應心起與疑共起心起以
須陀洹道滅二有共起心起以二道成薄以
阿那含道無餘滅四見心不相應起及調共
起心起以三道成薄以阿羅漢道無餘滅二
正受者二正受不與凡夫共及果成就想受
滅正受問云何果正受何故名果正受誰修
誰令起何故修云何修云何作意彼成就幾
緣幾緣住幾緣爲起此正受世間耶出世間
耶答云何果正受者此沙門果心於泥洹安
此謂果正受何故果正受者非善非不善非
事出世道果報所成是故此果正受阿羅漢
及阿那含於此定作滿復有說一切聖人得
令起如毗曇所說爲得須陀洹道除生名性
除爲須陀洹果正受除生名性除如是一切
復說一切聖人成就餘於此定作滿唯彼今

納三

十五

起如長老那羅陀說諸比丘如是長老於山林井於彼無繩取水爾時人來爲日所曝熱乏渴愛彼人見井知有水彼不以身觸住如是我長老有滅爲泥洹如實正智善見我非阿羅漢漏盡何故今起者答爲現見法樂住今起如世尊教阿難是時阿難如來不作意一切諸相唯一受滅無相心定今起住是時阿難如來身成安隱云何以今起者答彼坐禪人入寂寂住或住或卧樂得果正受作生滅見所初觀諸行乃至性除智性除智無間於泥洹果正受今安依其禪成修道是是禪成所作是名果正受云何作意者答無爲醒醐界以寂作意彼成就幾緣幾緣爲住幾緣爲起答彼正受二緣不作意一切諸相於無相界作意三緣爲住不作意一切諸相於無

相界作意及初行二緣爲起作意一切相及無相界不作意云何此定世間出世間耶答此出世正受非世間正受問阿那舍人爲果定現觀何故性除無隔阿羅漢道不生答非樂處故不生觀見無力故於是二種勝果可知成有道及性除果現作證道無間果現成無道及性除果成入果定成無道及性除果從滅定起成無性除果果正受已竟問云何想受滅正受誰令起幾力成就今起幾行所除今起幾初事何義爲起云何起云何從彼起云何心以起以起心何所著幾觸所觸云何初起諸行死人及入滅想受定何差別此定有爲無爲答不生心心數法此謂滅想受定誰令起定者答云阿羅漢及阿那舍於此定作滿誰不令起者答凡夫人及須

納三

十六

陀洹斯陀舍及生無色界人於是非其境界
故凡夫不能起煩惱障礙定未斷故須陀洹
斯陀舍不能起爲更起非其處故人無色界
不能起幾力成就今起者答以二力成就今
起以奢摩他力以毗婆舍那力於是以奢摩
他力者由八定得自在以毗婆舍那力者由
自在隨七觀云何七隨觀無常觀苦觀無我
觀厭患觀無染觀滅觀出離觀奢摩他力爲
滅禪分及爲不動解脫毗婆舍那力爲見生
過患及爲無生解脫幾行所除今起定答以
除三行今起定口行身行心行於是入二禪
覺觀口行成所除入第四禪出息入息身行
成所除入滅想受定人想受心行成所除初
幾事者答初四事一縛不亂遠分別觀事非
事於是名一縛者鉢袈裟一處襍受持不亂

納三

十七

者以所有方便此身願莫生亂受持遠分別
者稱其身力以日作分別受持於此久遠過
我期當起觀事非事者未至時分別或衆僧
爲事非事和合以彼聲我當起受持於是一
縛者爲守護袈裟不亂者及久遠分別爲守
護身觀事非事者爲不妨衆僧和合住無所
有處或初作事入初禪何故今起答爲現法
樂住者是聖人最後無動定復爲起神通入
廣定如長老正命羅漢爲守護身如長老舍
利弗如長老白鷺子底沙云何今起者彼坐
禪人入寂寂住或坐或卧樂滅意樂滅入初
禪入已安詳出無間見彼禪無常苦無我乃
至行捨智如第二禪第三禪第四禪虛空處
識處無所有處入已安詳出無間見正定無
常苦無我乃至行捨智

爾時無間入非非想處從彼或二或三令起
非非想心起已令心滅心滅已不生不現入
此謂入滅想受定

云何從彼起者彼非如是作意我當起已至
初初時所作分別成

云何心已起者若阿那舍人以阿那舍果心
起若阿羅漢人以阿羅漢心起起已彼心何
所著答心專緣寂寂幾觸所觸者答三觸所
觸以空觸無相觸無作觸云何初起諸行從
彼身行從彼口行死人及入滅想定人何差
別者死人三行沒無現壽命斷煖斷諸根斷
入受想定人三行斷沒壽命不斷煖不斷諸
根不異此彼差別云何此定有爲無爲者答
不可說此定有爲無爲問何故此定不可說
有爲無爲答有爲法於此定無有無爲法入

約三

十八

出不可知是故不可說此定有爲無爲滅禪定已

竟
解脫分別諦十二品已竟

於此品數因緣戒頭陀定求善友分別行行
處行門五神通分別慧五方便分別諦此十

二品是解脫道品次第

無邊無稱不可思 無量善才善語言

於此法中誰能知 唯坐禪人能受持

微妙勝道爲善行 於教不惑離無明

解脫道論卷第十二

音釋

跨苦化切 閻苦本切 槌直追切 襍蒲沃切

優波底沙梵語此去北牆切

云大光番部黨也